

12-3-31

12-3-31

12-3-31

12-3-31

12-3-31

12-3-31

12-3-31



PETRI RAMA

VEROMANDVI

Institutionum Dialecticarum

Libri III.

AD

CAROLVM LOTHARINGVM,

Cardinalem Guisianum.

POSTREMA EDITIO.



Cum gratia & priuilegio Regis ac Senatus.

PARISIIS,

Ex typographia Matthæi Dauidis, via amygdalina, è regione collegij Rhemensis,
ad Veritatis insigne.

1550.

à Trau de Rulien

12.3.C.31

PETRI RAMI

VEROMANDVI

Institutionum Dialecticarum Præfatio,

A D

CAROLVM LOTHARINGVM,

Cardinalem Guisianum.



NON ignoras (Cardinalis & princeps illustrissime) quemadmodum quondam tempestate vexati nauta Deo munus aliquod offerebant, cuius ope sibi viderentur ad portum perducti. Sic enim poeta,

Fortè sacer Fauno foliis oleaster amaris
Hic steterat nautis olim venerabile lignum:
Seruati ex undis ubi figere dona solebant
Laurenti diuo, & votas suspendere vestes.

Æm. 12.

Quare si tua singulari benevolentia Aristotelici iudicij fluctibus erepti, tabulam aliquā naufragij nostri tibi offerimus, verendum, credo, mihi non erit, ne magis de præteritis malis conqueri, quàm debitam tibi & gratiam, & gratia materiam testificari videar: præsertim cum mihi certū sit, non modò non pugnando, sed omnia quæ in ista caussa aduersariis meis libita fuerint, patienter ferendo, nouam victoriam reportare. Neque solum ad humanissimum Thrasibuli exemplum,

a. j.

ἀμυνσίαν atque iniuriarum obliuionem iurare,
 Verū omnes amulos ad ingenij atque industria
 contentionem ea lege prouocare, vt si me (quod fa-
 cillimum est) honestis studiis & vigiliis vicerint,
 Deo optimo maximo gratias habeam, quòd vel
 aduersarios mihi deesse noluerit, quos honestè
 imitari possem. Fuerimus igitur omnibus tempe-
 statis sauiſſima procellis ac vētis, Aristotelico iu-
 dicio iactati: liceat tamen ἀμυνσίαν vsurpare, li-
 ceat hanc in partem etiam errare, vt existimemus
 excitandi & confirmandi ingenij gratia, in tan-
 tum rerum discrimen, quasi aliquod certamen nos
 incidisse: Cogitemusq; potius de singulari clemen-
 tia tua: qua tam atroci turbine liberati, rescissaq;
 Aristotelici iudicij sententia, pristina libertati
 restituti sumus. Atque, vt beneficij tui latitia
 & gratulatio ex intimo penitus animo promatur,
 non solum carmen à Lyrico poeta, sed lyram ipsam
 iam nunc assumamus,

Horat. l.
 carm.

Mecenas, atavis edite regibus,
 O & præsidium & dulce decus meum,
 perge ista tua caelesti & diuina virtute frui, af-
 flictos excitare, miseros consolari, oppressos libera-
 re periculis, supplicibus non solum dexteram, sed
 etiam operam, industriam, mentem denique totam
 præstare. Charum, mihi crede, esse principem, bene
 de ciuibus suis mereri, diligi, coli gloriosum est.
 Qui verò metui, q̄ amari: quiq; potentiam, quàm

aequitatem suam predicari malunt, hi verum iter
 gloria prorsus ignorant. Multa sunt & eximia
 laudes tuae: generis amplissimi claritas, natura
 atque ingenij dona prorsus admiranda, plurimae
 literae & diuinae & humanae magnis studiis ac-
 quisita, tanta in hac aetate sapientia, quantam ad
 res maximas perspiciedum seni satis sit optare, sin-
 gulares honores additi, ut & principatum inter
 Francia pares & summum in maximi admini-
 stratione regni locum obtineres, quinetiam amplis-
 simo de tua virtute, pontificis maximi iudicio nunc
 nuper in cardinalium ordinem cooptatus esses: Quae
 laudes tametsi maxima sunt, hominum tamen
 celebratione & sermone continentur. Verum man-
 suetudinis, beneficentiae, charitatis gradibus (di-
 cam verò liberè quod verè possum) in calum ipsum
 mihi vidèris ascendere. Quare virtutem tam pra-
 stantem, princeps omnium humanissime principum,
 conserua ac retine: eique dicatas (ut gratia mate-
 riam cum gratia quoque tibi persoluam) institu-
 tiones dialecticas accipe. In quibus tecum nostri *Quid insti-*
 homines clarissime percipiet, nos improbis calum- *tutiones ha-*
 niis & beneicio iam antè apud Franciscum regem, *differant à*
 & proximo superiore mense apud Senatum Pari- *dialecticis*
 siensem vexatos atque agitados esse. Neque enim *Aristote-*
 dialecticam oppugnamus (ut ignari rerum & im- *leorum.*
 periti homines nobis obtreant) sed insigniorem
 atque absolutiorem, quam iis adhuc nota fuerit,
 a. ij.

ostendimus. Nos enim huius artis & descriptionem, & illustrationem, & Usum faxit tandem Deus optimus maximus, ut homines intelligant, quàm differentem ab Aristoteleis ostendamus.

Differen-
tia in pra-
ceptis.

ut sermonis (cuius ars est Grammatica) sic ratio- nis (cuius doctrina est Dialectica) vis est quadam generalis & vniuersa: qua ut illic quiduis loqui- mur, ita hîc providemus, aestimamus, percipimus. Hanc generalem ratiocinandi virtutem definiendo complectimur: inuentionis & dispositionis par- tibus primū distinguimus: deinde vtriusque par- tis singulas particulas suo loco & ordine persequi- mur: nullum quod ab Aristoteleis tradatur, ve- rum praeceptum omittimus: nullum tamen aut in- utile ponimus, aut iteratione nugatoria saepius ite- ramus. Aristotelei subiectam huic arti generalem illam vim rationis tam multis libris organi logi- ci (sic enim Aristotelica dialectica nominantur) nusquam definiunt: duas illas veras partes inuen- tionis & dispositionis falsis fragmentis predicabi- lium, pradicamentorum, interpretationum, ana- lyticorum, topicorum, elenchorum confundunt. In quibus & multa necessaria (qua complectimur) omittunt: de caussarum, subiectorum, adiuncto- rum, dissentaneorum, comparationum, distribu- tionum, testimoniorum, coniunctarum conclusionū partibus & modis, deque omni via ac rationis or- dine: & saepe docent inutilia, ut vix ac ne vix

quidem decima pars tam proluxa commentationis
 ullam verae rationis scintillam contineat : & quae
 dialectica vel inuentionis, vel dispositionis propria
 praecipunt, tam saepe, tamque nugatorie repetunt,
 tamque obscure cum ceteris inutilibus inuoluunt,
 ut rara quadam milij grana densis & confusis
 spinis obruta videantur. Dialecticam igitur ni-
 hil hic oppugnamus. Nos (quod illustrationis est) Differen-
 nullum in arte praeceptum ponimus, quod perspi- tia in ex-
 cuit insignium hominum testimonis & exem- emplu.
 plis non explicemus, Ciceronis maximè & Virgi-
 lij : sed reliquorum quoque authorum, quos Lati-
 nè praecipienti sequi licuit. Aristotelei praecipiunt
 ad perspicuè docendum, exemplis opus esse non ob-
 scuris, qualia sunt apud Charilū : sed illustribus,
 qualia sunt apud Homerum : At tanquam som-
 niantes id praeceperint, nullam in tam magno tot
 voluminum corpore salis cuiusquam micam asper-
 serunt : nullum exemplum non modò Homericum,
 aut Platonium (ut nos Virgilianum vñquod-
 que ferè ac Ciceronianū) sed ne Charileum quidē
 adhibuerunt : imò verò in maxima tot institutio-
 num (quas habent) parte vix vllum falsum sal-
 tem, confingere queant, ita ab omni humana con-
 suetudinis ratione prorsus abhorret. Dialecticam
 igitur nihil hic oppugnamus. Nos (quod ad vsum Differen-
 postremò attinet) artis exercitationem tam latè tia in vsu.
 adhibemus, quàm longè patet vis natura & ar-
 a. iij.

tis: *ut iuuentus huic disciplina dedita, propositi
vel poeta, vel oratoris, vel cuiusvis exempli consi-
lium ex argumenti genere, iudicium ex conclusio-
nis specie, methodum ex perpetua dispositionis or-
dine perspiciat: aliquid deinde simile conetur &
efficiat: atque omnes artis partes ad confirmandam
ingenij solertiam, & animi mentisque pruden-
tiam exprimat: in eoque sicut antea grammatica
cum rhetorica: ita nunc rhetorica cum dialectica
exercitationem & Usum scribendo dicendoque
coniungat. Hac enim coniunctione (ut in oratio-
ne hac de re dicta, & ad te missa docuimus) val-
de speramus futurum, ut artem non solum clario-
rem atque perfectiorem, sed Usum etiam fructum-
que praestantiorum consequamur. Aristotelei iner-
ti atque insulsa confusione (quam in organi sui
commentis habent) consentaneam exercitationem
adiungunt: nullius insignis authoris inuentionem,
dispositionemue suis praeceptis explicant: nec id-
circo virtutes eius vel assequi, vel imitari curant:
de solis inanum praeceptiucularum spinis in scho-
la (quasi dialectica ad scholasticas de se dunta-
xat altercationes inuenta sit) triennium ferè to-
tum clamitant: contemnunt poetas, remouent ora-
tores, omnes elegantis & ornata disciplina homi-
nes respuunt: iisque philosophiam suam labefa-
ctari putant: ut interea cum proprie & ornate lo-
qui (si fortè ista bona antea percepissent) dedidi-*

cerint, temerè & pertinaciter cuius obloqui (quod dediscendum postea sit) didicerint, id est linguam & cor amiserint, magnam in dialectica & præclaram laudem se consecutos arbitrentur: quinetiam vociferentur irati, theologiā à nobis & artes enervari (his enim verbis Aristotelica accusationis caput fuit) si tam misera, tamque bonis ingenii exitiosa calamitati medicinam adhibere cupiamus. Dialecticam denique nihil hîc oppugnamus, verum clariorem & perfectiorem omnino demonstramus. Sed his institutionibus collationis inducta $\eta\delta\omicron\tau\alpha\sigma\iota\nu\ \mu\epsilon\lambda\epsilon\tau\alpha\tau\epsilon\delta\omicron\sigma\iota\nu\ \delta\epsilon$ (cùm maius otium nobis erit) diligentius & accuratius exequemur. Quamobrem hac una (ut suspensi tibi pro naufragio donarij vota concludam)

-me tabula sacer
 votiua paries indicet humida
 suspendisse potenti
 vestimenta maris deo.

Horat. l.
 carm.



PETRI RAMI

VEROMANDVI

Institutionum Dialecticarum

Liber primus.



Dialectica virtus est differēdi quod vi nominis intelligitur: *διαλέγεσθαι* enim, vnde Dialectica nominatur, & differere vnū idēque valent, idēque est disputare, disceptare, atque omnino ratione vti: hoc primum est huius artis nomen: postea verò Logice, eadē tamen significatione dicta est. Quibus nominibus Latini contēti nullum suæ linguæ proprium quæsiuerūt. Tametsi enim Cicero & Quintilianus hic disputatricē, ille disceptatricem velut aliud agētes vide-

antur appellasse, vterque tamen Græca vocabula maluit: & nos pro Latinis licet cū illis vtamur. Cōparatur autē dialectica, sicut facultas artiū reliquarum, natura, doctrina, exercitatione. Natura nanque differendi principium instituit, institutū doctrina propriis & idoneis præceptis instruit, instructum ab arte exercitatio in opus educit, atque ita absoluit. Vt si puer hic instituendus sit, is naturaliter propensus est ad ratio- cinandum: idque licet imbecillius, tamen per se ipsum efficiet: certius autem multò, constantiūque cognitis artis præceptis & exercitatione adhibita. Naturalis autē propensionis ad differendum fines, quousque progredi possint, ars in- tuctur, & præceptis ad vsum naturæ cō- gruentibus interpretatur. Ars igitur dialectica, est doctrina differendi. Id verò de quo differitur, quæstio est: vt si quæras, an dialecticus sit philosophus: Cuius partes duæ sunt, altera antecedit, vt in quæstione proposita, Diale- cticus: altera sequitur, vt Philosophus: illa minor, hæc maior appelletur. Dia-

lecticæ artis partes duæ sunt, Inuentio & Dispositio: posita enim quæstione, de qua differendum sit, argumēta quæ-
runtur: deinde iis via & ordine disposi-
tis, quæstio ipsa explicatur: tertia men-
tis actio in differendo nulla est. Inuen-
tio, est doctrina cogitandi & inuenien-
di argumenti, id est, probationis ad ex-
plicandam quæstionem idoneæ: Cuius
summa & intermedia genera nulla ad-
huc vera cognouimus: vt tamen ars dis-
tinctius exponatur, vtcunque licebit, ex
circumstantiis partiamur. Prima & an-
tiquissima partitio est: vt alia sint insita,
alia sint assumpta. Insita ex altera parte
quæstionis eruuntur, quorum quædam
prima sunt, quædam à primis orta: prio-
ris generis alia rei sunt, alia nominis: &
ex illis alia simplicia, alia comparata: &
è simplicibus alia postremò consenta-
nea, alia dissentanea: Consentanea au-
tem dico quæ de eodem simul affirma-
ri possunt, vt causæ & effecta, subiecta
& adiuncta.

CAVSSA AC PRIMVM FINIS.

Cauſſa, appellatur id cuius vi aliquid eſt: vt finis, forma, efficiens, materia.

Finis, cuius gratia fit aliquid: vt Cicero in Legibus finem bonorum ait eſſe, Libro i.

quo referuntur, & cuius cauſſa ſunt facienda omnia. Hoc argumēto idem vrget vehementer Tuberonem, cū armorum contra Cæſarem ſuſceptorum Pro Liga.

» conſilium & finem premit. Quid enim

» Tubero, ait, tuus ille diſtriſtus in acie

» Pharfalica gladius agebat? cuius latus

» ille mucro petebat? qui ſenſus erat armo

» rum tuorum? quæ tua mens? oculi? ma-

» nus? ardor animi? quid cupiebas? quid

» optabas? Nimis vrgeo: commoueri vi-

» detur adoleſcēs, ad me reuertar. Iiſdem

» in armis fui. Quid autem aliud egimus

» Tubero, niſi vt quod hic poteſt, nos poſ-

» ſemus? Sic Iuno connubij finem aſſu-

mit, cū AEolo Deiopeiam pollicetur ſolatij ſcilicet prolis que gratia.

ſunt mihi bis ſeptem præſtanti corpore nympha: AEni. i.
Quarum quæ forma pulcherrima Deiopeiam
Connubio iungam ſtabili, propriamque dicabo.
Omnes vt tecum meritis pro talibus annos

Exigat, & pulchra faciat te prole parentem.

Hæc caussa omnium nobilissima est, & ad quam cæteræ referuntur: vt qui sit eam consecutus, reliquas omnes sit affecutus.

FORMA.

Forma, est caussa per quam vnaqueque res est, id quod est, & à cæteris distinguitur rebus: vt hominis forma, anima compos rationis. Hæc enim caussa est, vt homo sit, & à cæteris omnibus rebus sit distinctus. Sic domus, sic nauis, sic ignis, sic terræ, cæterarumque rerum omnium, seu naturalis, seu artificiosa sua forma est: quanuis ea quid sit frequenter ignoretur. Huius causæ priuatione chaos describitur in Metamorphosi ab Ouidio,

*Libro 1. Ante mare, & terras, & quod tegit omnia, calū,
Vnus erat toto natura vultus in orbe,
Quem dixere chaos, rudis, indigestaque moles:
Nec quicquā, nisi pondus iners, congestaque eodem
Non bene iunctarum discordia semina rerum.*

Hoc argumenti genere tota illius poetæ Metamorphosis ferè contextitur, quemadmodum etiam initio indicat:

*In noua fert animus mutatas dicere formas
Corpora.*

15

Hæc caussa verissimam cognitionē rei sciētiāmque efficit: vt si Iuppiter ipse cum Pallade de realiqua disputet, non excellentiorem caussam scientiæ aut diuiniorem requirat. Atque idcirco videtur diuinæ sapientiæ permultis in rebus reseruata, hominibus negata.

EFFICIENS ABSOLUTA,
& adiuuans.

Efficiens est caussa à qua res est: cuius distributio triplex notāda est, in absolutam primū & adiuuantem. Absoluta & perfecta sola & per se, rem efficit. Ignis caloris per se efficiens caussa est: Sic Cato cōtra senectutis reprehēsores, Caret epulis(aiunt) extructisque
» mensis & frequentibus poculis: Caret
» ergo (ait) etiam vinolentia & cruditate
» & insomniis: sic apud Virgilium,
Nisus se solum authorem factæ cædis
profitetur:

*Meme adsum, qui feci, in me conuertite ferrum
O Rutuli: mea frans omnis, nil iste, nec ausus,
Nec potuit.*

Æmi. 9.

1. de Natu-
ra deorum.

Adiuuans autem caussa sola non efficit, sed aliam adiuuat, vel ab alia adiuuatur. In hac caussa sunt instrumenta, ministri. sic Velleius apud Ciceronem contra Platonem disputat, Quæ molitio, quæ ferramēta, qui vectes, quæ machinæ, qui ministri tanti muneris fuerunt? Vtrunque caussarum genus & per se efficientium & adiuuantium Cicero pro Marcello coniunxit, cū Cæsaris bellicas laudes cum multis cōmunicat, quòd à multis adiutus sit: clemētix gloriam totam ei tribuit, quia solus eius & author & effector sit. Ait igitur, Nam bellicas laudes solent quidam extenuare verbis, easque detrahare ducibus, cōmunicare cum multis, ne propriæ sint imperatorū. Et certè in armis, militum virtus, locorum opportunitas, sociorum auxilia, classes, commeatus multum iuuant: maximam verò partem quasi suo iure fortuna sibi vendicat, & quicquid est prosperè gestum, id penè omne ducit suum. At verò huius gloriæ, Cæsar, quam es paulò antè adeptus, socium habes neminem: totum hoc quātumcun-

„ que est, quod certè maximum est, totum
 „ est, inquam, tuum: nihil tibi ex ista lau-
 „ de ceturio, nihil præfectus, nihil cohors,
 „ nihil turma decerpit: quinetiam illa ip-
 „ sa rerum humanarum domina fortuna
 „ in istius se societatem gloriæ non of-
 „ fert: tibi cedit, tuam esse totam ac pro-
 „ priam fatetur.

EFFICIENS, PROCREANS,

& conseruans.

Altera est efficientis causæ distribu-
 tio in procreantem & conseruantem.
 Prioris generis sunt parentes, à quibus
 procreati & geniti sumus. Dido apud
 Virgilium ait Æneam Veneris & An-
 chisæ filium non esse, sed Caucaſi mon-
 tis, & Hircanæ tigris: vt duritiam &
 perfidiam eius coarguat:

Nec tibi diua parēs generis, nec Dardanus author *Ænei. 4.*
Perfide, sed duris genuit te cautibus horrens
Caucasus, Hircanæq; admorunt vbera tigres.

In eodem efficientium loco sunt o-
 pifices operum suorum: vt Menalcas a-
 pud Virgilium ex authore laudat opus:

-pocula ponam

Eclog. 3.

Fagina, calatum diuini opus Alcimedontis.

b.j.

Contrà similiter Damœtas,

Ibidem. Et nobis idem Alcimedon duo pocula fecit.

Conseruantes causſæ sunt quæ statũ
factæ rei tuentur, vt leges, vt iudices, vt
magistratus rerũ publicarũ. Qui locus
Pro Cluēt. à Cicerone tractatus est, cùm disputat
,, à legibus discedendum non esse. Hoc
,, enim, ait, vinculum est huius dignita-
,, tis, qua fruimur in republica: hoc funda-
,, mentum libertatis, hic fons æquitatis:
,, mens, & animus, & consilium, & sen-
,, tentia ciuitatis posita est in legibus. vt
,, corpora nostra sine mente, sic ciuitas si-
,, ne lege, suis partibus, vt neruis, ac san-
,, guine, & membris vti nō potest: legum
,, ministri, magistratus: legum interpre-
,, tes, iudices: legum denique idcirco om-
,, nes serui sumus, vt liberi esse possimus.
Vtrunque genus complexus est Oui-
dius, cùm otia dixit amoris causſas esse.

*De Re-
med. 1.* Hac vt ames faciunt, hac qua fecere tuentur:

Hac sunt iucundi causſa cibũsque mali.

Otia si tollas, periire cupidinis arcus:

Contemptaq; iacent, & sine luce faces.

Ex hoc causſarũ loco omnis est philo-
sophorũ disputatio, de conseruando be-

ne moratæ ciuitatis statu. Hinc nobilis pars medicinæ de sanitate tuenda, & prospera valetudine retinenda.

EFFICIENS SPONTE

Et non sponte.

Postrema efficientiū distributio est, ut aliæ sint consilij participes, aliæ expertes. Ex illo efficientium genere est
 „ Ciceronis de se confessio: Suscepto bel- *Pro Liga.*
 „ lo, Cæsar, gesto etiam magna ex parte,
 „ nulla vi coactus, iudicio meo ac volun-
 „ tate ad ea arma profectus sum: quæ erāt
 „ sumpta contra te. Sic Phædria inconti-
 nentiam suam confitetur:

*-ô indignum facinus: nunc ego Et
 Illam scelestam esse, Et me miserum sentio:
 Et cadet, Et amore ardeo, Et prudens, sciens,
 Prius, vidensq; pereō, nec quid agam scio.*

In Eunus.

In causis autem, quæ minimè consilio aliquid efficiunt, tum natura, tum necessitas, tum fortuna ponitur.

NATURA.

Natura, ut cūm eæ res, quæ consilij rationisq; sint expertes, ad euētus tamen suos cohibeant in se efficientiam naturalem: ut venti mari incumbentes,

tempestatis naturales causæ sunt: unde sunt illa Virgilij,

*Æni. 1. Incubere mari, totumque à sedibus imis
Vnà Eurúsque, Notúsque ruunt, creberq; procellis
Æfricus, & vastos tollunt ad littora fluctus.*

Ex hoc causarum genere tota naturalis philosophia est de mundo, & eius partibus, de ventis, de grandine, de pluvia, de motu terræ, de animalium generatione, progressione, cæterisque eiusmodi rebus.

NECESSITAS.

Necessitas est, cum vi aut humana, aut diuina cogitur, & impellitur efficiens ad effectum. Humana necessitas est Tityri Virgiliani:

Eclog. 1. Quid facerem? neque seruitio me exire licebat.

Diuina est apud Ciceronem, quum disputat Pompeianorum causam sceleratam non esse. At mihi quidem, ait, si
 „ proprium & verum nomen nostri ma-
 „ li quærat, fatalis quædam calamitas
 „ incidisse videtur, & improuidas homi-
 „ num mentes occupauisse: ut nemo mi-
 „ rari debeat humana consilia, diuina ne-

» celsitate esse superata. Sibylla hoc argu-
mento Palinuri querelam reprehēdit:

Vnde hæc, ô Palinure, tibi tam dira cupido?

Æne. 6.

Tu stygias inhumatus aquas, amnemq̃, seuerum

Eumenidum aspicias, ripamue iniussus abibis?

Desine fata deûm flecti sperare precando.

FOR T V N A.

Fortuitæ causæ tribuitur quicquid
expers consilij, inopinato aliquo casu
contigerit. Vt si multæ vnius & vigin-
ti literarum formæ temerè aliquo pro-
iectæ versum aliquem efficiant Ennij:
talis efficientia literarum fortuita sit.

Quod exemplū Cicero, Epicureos ar-
guens, fortuita atomorum concursione

*2. de Natu.
deorum.*

» mundum efficientes, assumpsit. Hoc

» qui existimat, ait, fieri potuisse, non in-

» telligo cur non idem putet, si innume-

» rabiles vnius & viginti literarū formæ,

» vel aureæ, vel qualeslibet, aliquo conii-

» ciantur, posse ex iis in terram excussis,

» annales Ennij, vt deinceps legi possint,

» effici: quod nescio an ne in vno quidem


» versu possit tantum valere fortuna. Sic

*3. de Natu.
deorum.*

» casu (ait idem) Phæreo Iasoni profuit

» hostis, qui gladio vomica eius aperuit,

b. iij.



» quam sanare medici non poterant. In
hoc genere caussarum imprudentia cō-
numerari solet. Ouidius de Tristibus,

Libro 2. Cur aliquid vidi? cur noxia lumina feci?

Cur imprudenti cognita culpa mihi est?

Inscius Acteon vidit sine veste Dianam:

Præda suis canibus non minus ille fuit.

Scilicet in superis etiam fortuna luenda est,

Nec veniam, læso numine, casus habet.

Pro Liga.

Hinc sumitur deprecatio, qualis est,

» Ignosce pater, erravit, lapsus est, non

» putavit, si vnquam posthac. Et paulò

» post, Erravi, temerè feci, pœnitet, ad

» clementiam tuam confugio, delicti ve-

» niam peto, vt ignoscas oro. Fortunæ

autem nomen ignoratio caussarum cō-

finxit: cū enim aliquid præter consi-

lium, spēmque contigerit, fortuna vul-

gò dicitur: nec inscitè Iuuenalis,

Saty. 10. Nullum numen abest, si sit prudentia: sed te

Nos facimus fortuna deam, calòque locamus.

Huius generis caussarū cōsilio & nō
cōsilio agentiu magnus vsus est. Hoc
enim præcipuè in æstimatione laudis
& vituperij, pœnæ & veniæ spectatur.

M A T E R I A.

Materia superest, ex qua res est: sic ex materia cum forma res corporatas effici dicimus: ut homo constat ex corpore & anima, id est, materia & forma. sic domus appellamus materiam, lapides, arenam, ligna, cæmenta: hoc argumento regia solis apud Ovidium describitur, quòd auro, quòd pyropo, quòd ebo-
re, quòd argento ædificata esset:

*Regia solis erat sublimibus alta columnis, 2. Meta.
Clara micante auro, flammisq; imitante pyropo,
Cuius ebur nitidum fastigia summa tegebat,
Argenti bifores radiabant lumine valvae.*

In capiendis consiliis de ædificiis, nauibus, oppidis, materiatisque rebus omnibus, hæc causa locum necessarium habet, & in eiusmodi rerum exquirèda natura, materiæ necessaria est consideratio. Sed de singulis causis, & earum quatuor generibus satis. Præstantiam, excellentiamque causarum finis sibi vendicat: dein forma, tum efficiens, materia omnium postrema est. Nam si finis rei cõstitit, cæteras esse causas est necesse: non contrà. si forma, & efficien-
b.iiij.

tem, & materiã: non contrã. si efficiens, materiam: non contrã. sic videlicet antecedentibus in consequentes suũ quodam modo ius est. tametsi in agẽdo contrã accidit. materia enim sit prius in ædificando, quàm architectus opus vllũ faciat: forma succedit: tandem ædificio vtimur, & operis fine fruimur. Hic dialecticę inuentionis primus fons est, unde omnis humanę scientiæ solida, constansque cognitio demonstratiõque promitur: tum enim verẽ, proprięque scire iudicamur, cùm rei causas penitus cognoscimus: Ideoquẽ, vt ait poeta,

Georg. 2. Fælix, qui potuit rerum cognoscere causas.

E F F E C T A.

Effecta vocamus ea, quæ de causis existunt. Cùm enim propositæ rei causas omnes vidimus, tum postea quærimus, quid ab ea efficiatur. Sic Horatius, cùm aliquot ebrietatis causas memorasset, effecta describit:

*Epiß. 1. Quid non ebrietas designat? operta recludit,
Spes iubet esse ratas, in prælia trudit inermem.
Sollicitis animis onus eximit, ac docet artes.
Pæcundi calices quem non fecere disertum?*

Contracta quem non in paupertate solutum?

Multæ sunt Ciceronis in Clodium, Pisonem, Catilinam, Gabinium, Vatinium, Antonium perniciosos reipubl. principes acerbæ & vehementes reprehensiones ex eorum vita atque factis. Huc etiã dicta pertinent: Princeps Romanorum Pompeius ex bellicis factis, Cicero ex disertis dictis à Martiale laudis gratia nominatur:

Illud laurigeros ageres cum lata triumphos,

Libro 3.

Hoc tibi Roma caput, cum loquereris, erat.

Huc consilia referenda sunt. Parmenionẽ & Phylotam interfici iussit Alexander propter suspicionem cõiurationis, vt Curtius & Arrianus scribunt. eadem causa in Lentulum, Cethegum, cæterosque Catilinæ populares deprehensos Romanus Senatus animaduertit. Causarum porrò cum effectis, & effectorum vicissim cum causis cognatio magna est: vt causæ ex effectis, & effecta ex causis exquirantur.

SUBIECTA ET ADIUNCTA.

Subiecta & adiuncta, vt causæ & effecta ad se mutuò referuntur. Subie-

cta sunt quæ adiunctis subiiciuntur: Adiuncta quæ subiectis adiunguntur. Subiectorum nomen in scholis vſitatissimū non immutādum arbitror, cū melius nullum habeamus. Adiunctorum nomen hīc proprium est, & eo Cicero in his præceptis vtitur. Subiectorum atque adiunctorum tripertita distinctio, tametsi rudis, nec satis polita: tamen dum melior inueniatur, nō incommoda notari potest. Aliās enim subiectis res sic adiunctæ sunt, vt in his insint: aliās vt circumſtent tantū: aliās vt neutrum, sed vt circa hæc occupentur.

A D I V N C T A Q V A E

insunt in re.

Primo genere animum dicimus subiectum esse virtutis, vitij, solertiæ, inertiae: quia hæc in animo insunt. Corpus, quantitatis, qualitatis, vt proceritatis, paruitatis, valetudinis, roboris, pulchritudinis. Cicero de Fānio Chærea, Nōne
Pro Com. » ne ipsum caput, & supercilia illa penitus
 » abraſa olere malitiām, & clamitare
 » calliditatem videntur? Nōne ab imis
 » vnguibus vsque ad verticem summum,

si quam coniecturam affert hominibus
tacita corporis figura, ex fraude, fallaciis,
mendaciis constare totus videtur?
qui idcirco capite & superciliis semper
est rasis, ne pilum vllum viri boni habere
dicatur. Martialis de Zoilo:

Crine ruber, niger ore, brevis pede, lumine luscus, Libro 12.

Rem magnam praestas Zoile, si bonus es.

Hoc modo terra hominum, mare piscium,
aer auium solū, id est, subiectum
ab Ouidio dicitur:

Omne solum forti patria est, ut piscibus aquor, Fast. 1.

Et volucris vacuo quicquid in orbe patet.

Hoc modo Virgilius propria arborū
quarūdā subiecta in Bucolicis designat:

Fraxinus in sylvis pulcherrima, pinus in hortis, Eclog. 7.

Populus in fluuiis, abies in montibus altis.

ADIVNCTA QVAE

rem circumstant.

Secundo genere adiunctorum Dido
venatum proficiscens apud Virgilium
magnificè pingitur:

It portis iubare exorto delecta iuuentus, AEn. 4.

Retia rara, plaga, lato venabula ferro,

Massilique ruunt equites, & odora canum vis:

Reginam thalamo cunctantem ad limina primi

Pænorum expectant, ostrique insignis & auro

*stat sonipes, ac fræna ferox spumantia mandit.
Tandem progreditur magna stipante caterua
Sydoniam picto chlamydem circumdata limbo,
Cui pharetra ex humero, crines nodantur in aurũ,
Aurea purpuream subnectit fibula vestem.*

Vestitus & comitatus equitum, ped-
ditum, canum non erant in regina: sed
reginam ipsam circumstabant. tota ferè
Catil. 2. Ciceronis ad Catilinam deprimendum
disputatio ex Catilinæ comitatu sumi-
tur, vnde sunt illa, Quis tota Italiã ve-
nificus, quis gladiator, quis latro, quis
sicarius, quis parricida, quis testamen-
torum subiectoꝝ, quis circumscripτοꝝ,
quis ganeo, quis nepos, quis adulter,
quæ mulier infamis, quis corruptoꝝ iu-
uentutis, quis corruptus, quis perditus
inueniri potest, qui se cum Catilina
non familiarissimè vixisse fateatur?

ADIVNCTA QUAE

circa occupantur.

Tertio genere adiunctoꝝ conti-
nentur ea, quorum subiecta vulgò obie-
cta dicuntur: vt visus colores, auditus
soni, odores odoratus: his enim accidit
vt videantur, audiantur, odoratu perci-

piantur. Sic virtutibus & vitiis subiecta
sua sunt, circa quæ occupentur & exer-
ceantur. Cicero in Verrem, Quas res
luxuries in flagitiis, crudelitas in suppli-
ciis, avaritia in rapinis, superbia in con-
tumeliis efficere potuisset, eas omnes
sefe hoc vno prætore per triënum per-
tulisse. Propertius,

Nauta de ventis, de tauris narrat arator:

Libro 2.

Enumerat miles vulnera, pastor oves.

Simile est illud Virgilij,

Torua leana lupum sequitur, lupus ipse capellam, *Eclog. 2.*

Florentem cythisum sequitur lasciva capella:

Te Corydon, ô Alexi. trahit sua quæque voluptas.

Huc referenda est grauis illa quæ-
stio de subiectis artium, & accuratè par-
tienda. Aliud enim subiectum ars, aliud
artifex, qui arte vtitur, sibi proponit.
Dialectica ars subiectū & propositū ha-
bet ad explicādum naturalem rationis
vsum in magnis ingeniis, in certa con-
suetudine, in perfectis exemplis impres-
sum: Dialecticus verò, qui descriptam
artem cognitāque exercet, quæstionē
omnem pro subiecto sibi statuit, in qua
inventionis & dispositionis definita &
explicata præcepta exercent. Medicina

quoque cū describitur, proponit sibi omnia, quæ ad tuendam & restituendā valetudinem pertinent: medicus exercendis medicinæ præceptis, humanum corpus ad curādum intuetur. Denique cæteris in generibus, aliud est artis subiectum, quod præceptis explicetur: aliud artificis, quod ab eo tractetur & expediatur. Quamobrem subiectorū & adiunctorum vsus hic in inuētiōe teneatur, qui etsi causis & effectis ad rem penitus intuendam minor est, ita frequentior & promptior ad quāvis quæstionē exponendam. Hinc enim sunt signa, suspiciones, coniecturæ, id est, innumera-bilium rerum species & notæ: hinc certę nonnunquam rerum firmæq; probationes ex propriis affectionibus, vt in homine ridendi, in lupis ululandi, in canibus latrādi. In artibus persæpe ex adiunctis qualitatibus magnę cōfirmationes & graues sumuntur: sed non hæc vis est omniū adiunctorum. Plerunque enim leuia sunt & infirma: quanquam de adiunctis in vniuersum hoc sit verū, si singula nō multum ponderis habeāt:

multa tamen si coniunxeris, plerunque
 magnam vim sint habitura. Quemad-
 modum de eiusmodi signis ait Ovidius,
Eorsitã hac aliquis (nã sunt quoque) parua vocabit, De Rea
Sed qua non profunt singula, multa iuuant. med. 2.

DISSENTANEA AC

primũ contraria.

Expositis è simplicium genere, con-
 sentaneis argumētis dissentanea sequũ-
 tur, quæ de eodem simul affirmari non
 possunt: quorum genera duo sunt, con-
 traria & repugnantia. De cōtrariis pri-
 mũ, & eorum partibus dicamus. Cō-
 traria dissentanea sunt, quæ certa con-
 ditione dissident vnum ab vno, vt bo-
 num à malo: aut summum à duobus, vt
 auaritia à liberalitate & effusione: plu-
 ribus contrarium nihil est, nisi fortè e-
 iusdem plura nomina, vt bestiam, bel-
 luam, pecudẽ, diuersas res existimemus.
 Contrariorum species quatuor sunt, ad-
 uersa, priuantia, relata, contradicentia.

ADVERSA.

Aduersa contraria sunt, quæ pluri-
 mum sub eadem communione naturæ
 differunt, quibũsque propositis occur-
 runt tanquam è regione contraria: vt

homo & bellua. Nam & homo & bellua animalis natura continetur, sub qua nullæ duæ res aliæ magis dissident. Ci-

Parad. 1. cero contra Epicureos, Illud tamen ar-
 „ Etè tenent, accuratéque defendunt, vo-
 „ luptatem esse summum bonum: quæ qui-
 „ dem mihi vox pecudum videtur esse, non
 „ hominum. Tu cum tibi siue Deus, siue
 „ mater, ut ita dicam, rerum omnium na-
 „ tura, dederit animum, quo nihil est præ-
 „ stantius, neque diuinius: sic te ipse abii-
 „ cies ac prosternes, ut nihil inter te, at-
 „ que inter quadrupedem interesse putes?
 Pecudem & hominem aduersa Cicero
 opposuit: voluptas pecudis bonum est:
 non igitur hominis. Seruitus & liber-
 tas apud Tibullum ita contraria sunt:

Libro 2. sic mihi seruitium video, dominamq; paratam:
 „ Tu mihi libertas illa paterna vale. Virgil.

Æne. 11. Nulla salus bello, pacem te poscimus omnes.

„ Cic. 5. de Finibus, Et quoniam hæc de-
 „ ducuntur de corpore, quid est cur non
 „ rectè pulchritudo etiam ipsa propter se
 „ expetenda ducatur? nam si prauitatem,
 „ imminutionemque corporis propter se
 „ fugiendam putamus, cur non etiam, ac

fortasse magis propter se, formæ dignitatem sequimur? & si turpitudinem fugiamus in statu & motu corporis, quid est, cur pulchritudinem nō sequamur?

PRIVANTIA.

Privantia sunt contraria, habitum, habitusque priuationem significantia: ut sobrius & ebrius. *Martialis, Ebrius es, nec enim faceres hac sobrius unquam. Lib. 3.*

Pauper & diues. *Martialis, Semper eris pauper, si pauper es Æmiliane? Libro 5. Dantur opes nullis nunc, nisi diuitibus.*

Talia sunt mors & vita in Milonia-
 „ na, Eius mortis sedetis ultores, cuius vi
 „ tam, si putetis per vos restitui posse, no-
 „ litis. Mortalis & immortalis. *Cicero, Pro Marc.*
 „ Dolco cum respubl. immortalis esse de-
 „ beat, eam in vnius mortalis anima con-
 „ sistere. Præpositio enim IN sæpe ver-
 bum priuat significatione propria.

RELATA.

Relata sunt contraria, quæ se mutua naturalis affectionis relatione complectuntur. ut apud Ciceronem datum & *Pro Marc.*
 „ acceptum, Ex quo profectò intelligi de-
 „ bet, quanta in dato beneficio sit laus,
 C. I.

„ cū in accepto tanta sit gloria . Sic pater, filius, dominus, seruus: quibus Martialis in Sosibianum lusi:

*Libro 1. Tum seruum scis te genitum, blandēque fateris:
Cū dicis dominum Sosibiane patrem.*

Est autem animaduertēdum in hoc relationis genere non tam contrarias, quā amicas & coniunctas res esse: dū enim sic dicimus, Pater est filij domin⁹, ergo filius est patris seruus, relatio eiusmodi consentionem habet, & tum tamen propria relatio est: cū verò dicimus, Sum pater tuus, non igitur filius tu⁹, dissensio verè cōtraria est. Sic Tibul.

*Libro 1. At vos exiguo pecori, furēsq̃ue, lupīque
Parcite, de magno est prada petenda grege.*

Veruntamen quia nomen vno scriptorum omnium consensu ad cōtraria hęc significanda positum est, & res nihilominus intelligitur, immutari non est necesse.

CONTRADICENTIA, *ac primum in verbo.*

Contradicentia sunt cōtraria, quorum alterum ait, alterum negat idē: idque in verbo, aut in enūtiatione: verba enim sola sæpe affirmātur & negātur:

ut honestum non honestum, bonum
 non bonum, artificiosum minimè arti-
 ficiosum : quibus verbis ita negatis alio
 quodam modo sæpe vtūtur, quàm per
 contradictionem. ut apud Ciceronem, *In Lucul.*
 „ Et quidem honestis similia sunt quædā
 „ non honesta, & bonis non bona, & ar-
 „ tificiosis minimè artificiosa. Pugna au-
 tem hæc etsi non est enuntiationis, in
 enuntiatione tamen sola potest intelli-
 gi : sicut metaphora, quanuis in verbo
 singulari est, extra complexum oratio-
 nis tamen non intelligitur : opponatur
 igitur illa in enuntiatione, quo facilius
 contradictio cernatur:

Voluptas est honesta,

Voluptas est non honesta.

Virtus est bona,

Virtus est non bona.

Dialectica est artificiosa,

Dialectica est minimè artificiosa.

CONTRADICTIONE IN ENUN-
 tiatione, ac primum simplici generali.

Contradictio in enuntiatione, id est
 oratione verum falsumve significante
 (quam Cicero etiam enuntiatum, enū-
 tiationem, pronuntiatum, pronuntia-
 c. ij.

tionem, effatum, Græco verbo ἀξίωμα
 vocat) ex enuntiationis adiunctis parti-
 tionem accipit, vt alia simplex sit, alia
 multiplex: Simplex, quæ cōstat ex enū-
 tiatis simplicibus, vnāque sententia cō-
 prehensis: eāque cōmunis aut propria.
 Communis, quæ constat ex communi-
 bus enuntiatis, & ad res multas perti-
 nentibus, quæ rursus generalis aut spe-
 cialis est. Contradictio igitur vniuersa
 seu generalis est, cū pars vtraque est
 vniuersa: vt

Epist. 1. Nullus in orbe locus Baiis pralucet amœnis,
 ait Horatius.

Omnis in orbe locus Baiis pralucet amœnis,
 contradicat alius. Catullus in carmi-
 ne nuptiali disputat vtranque partem
 contradictionis huius:

Nulla puella maritanda est.

Omnis puella maritanda est.

Et vniuersæ cōtradictiones includū-
 tur quarto & sexto versu: item decimo-
 quinto & decimoséptimo. Sic autē est,

Vt flos in septis secretus nascitur hortis

Ignotus pecori, nullo contusus aratro,

Quem mulcent aura, firmat sol, educat imber:

4 *Multi illum pueri, multa optauere puella:*

Idem cum tenui carptus defloruit ungui,

6 *Nulli illum pueri, nulla optauere puella.*

Sic virgo dum innupta manet, dū chara suis est,

Cū castum amisit polluto corpore florem,

Nec pueris iucunda manet, nec chara puellis.

Hymen ô hymenae, hymen ades ô hymenae.

Vt vidua in nudo vitis qua nascitur aruo,

Nunquā se extollit, nūquam mitem educat vna,

Sed tenerum prono deflectens pondere corpus,

Iamiam contingit summum radice flagellum:

15 *Hanc nulli agricola, nulli accollere iuuenti.*

At si fortē eadem est vltimo coniuncta marito,

Multi illam agricola, multi accollere iuuenti.

CONTRADICTIONE SPECIALIS.

Specialis contradictio cōstat ex altera parte generali, ex altera speciali.

Quales Catonis & Ciceronis, illius stoica, huius academica sententiæ sunt in defensione Murenæ. Dialogismus est

- „ his verbis: Nihil ignoueris: Imò ali-
- „ quid, non omnia. Nihil gratiæ causa fe-
- „ ceris: Imò ne resistito gratiæ, cū offi-
- „ cium & fides postulabit. Misericordia
- „ commotus ne sis, etiam in dissoluenda
- „ seueritate: sed tamen est aliqua laus hu-
- „ manitatis. In sententia permaneto:

c. iij.

„ Enimuero, nisi sentētia alia vicerit me-
 „ lior. Hæc distincta facilius intelligen-
 tur isto modo:

Nihil ignoscendum est:

Aliquid ignoscendum est.

Nihil gratia caussa faciendum est:

Aliquid gratia caussa faciendum est.

Nihil est misericordia tribuendum:

Aliquid est misericordia tribuendum.

Dicat aliquis,

Omnia possumus omnes.

Tum Virgilius,

Eclo. 8. Non omnia possumus omnes.

CONTRADICTIONE PROPRIA

Propria contradictio, cuius pars vtra-
 que proprium enūtiatum est. Martialis,

Lib. 1.

Bella es, nouimus: & puella, Verum est:

Et diues, quis enim potest negare?

Sed dum te nimium Fabulla laudas,

Nec diues, neque bella, nec puella es.

Exige contradictionem sic;

Fabulla bella est,

Fabulla bella non est.

Fabulla puella est,

Fabulla puella non est.

Fabulla diues est,

Fabulla diues non est.

CONTRADICTION MULTIPLEX.

Contradictio multiplex, quæ constat ex multiplicibus enuntiatis, & multas sententias aliqua coniunctione sociatas complexis. Quo in genere contradicendi modus vnus est: vt si quod affirmatum coniunctim fuerit, idem coniunctim negetur, vt in enuntiato copulato, cuius sententiæ vinculis illis &, que, atque, & similibus coniunguntur: vt Virgilius,

Et vitula tu dignus, & hic,

Eclog. 3.

Non & vitula tu dignus, & hic.

In disiuncto, cuius partes tametsi verbo coniunguntur, vt dissidentes tamen disiunguntur: vt Cicero,

” *Omnis enuntiatio vera est aut falsa:*

De Fato.

” *Non omnis enuntiatio vera est, aut falsa.*

In connexo, cuius partes conditione suspenduntur: vt si dicat aliquis,

- Si miserum fortuna Sinonem

Finxit, Vanū etiam, mendacemq; improba finget:

Tum dicat Virgilius,

- Non si miserum fortuna Sinonem

Ænt. 2.

Finxit, Vanū etiam, mendacemq; improba finget.

Item in eo genere enūtiati, cuius partes relatione quadam coniunguntur: vt
c. iij.

*Eclog. 5. Tale tuum carmen nobis diuine poeta,
Quale sopor fessis in gramine:
Non tale tuum carmen nobis diuine poeta,
Quale sopor fessis in gramine.*

Quare non est in multiplici enūtiato, quēadmodum in simplici varia contradicēdi ratio, sed vniusmodi & sui perpetuò similis, si negatio toti enuntiationi præponatur, atque hac ratione vinculū pñtiationis & affirmetur & negetur.

CONTRADICTIONIS

usus & natura.

Tanta verò contradictionis firmitas est, vt ne Deo quidem cōcessum sit, vtranque partem veram simul efficere: tametsi in rerum inconstantium & mutabilium (quæ sic euenire & non euenire possunt) vniuersa contradictione alterum fieri potest: vt eius pars neutra, alterum certè non potest, vt plus vna vera sit.

*Nulla fides regni sociis, omnisque potestas
Impatiens consortis erit,
ait Lucanus.*

Lib. 1.

*Summa fides regni sociis, & nulla potestas
Impatiens consortis erit,
dicat alius.*

Vtraque pars contradictionis huius falsa est, quo in genere mutabilium rerum nulla contradictionis species, seu simplex, seu multiplex fuerit, quicquam futurum partitè, distinctè, definitè verum falsumve denuntiat.

Idus Martiae Casari periculosa erunt,

ait Spurina.

Idus Martiae Casari periculosa non erunt,

ait Cæsar.

Contradictionis huius pars altera necessariò vera fuit, sed tum vtra esset, definiri certò non potuit: euentus approbavit. Itaque cum hoc modo contradicitur:

Posthumus cras viuet,

Posthumus cras non viuet.

tametli partem contradictionis huius alterutram veram esse necesse est, neutra tamen definiri potest, vt certò confirmetur hæc vera, illa falsa: rectèque vnus è septem sapiètibz Pittacus, percontantibus quid esset obscurum, Futurorum euentus, inquit. Et Martialis in Priscum idem festiuè:

Sæpe rogare soles, qualis sim Prisce futurus,

Si siam locuples, siquæ repente potens.

*Quenquam posse putas mores narrare futuros?
Dic mihi, si fias tu leo, qualis eris?*

Itaque si quis de crastina Posthumi
vita me roget, iubebo perendie ad me
redire, vt certum aliquid & exploratū
respondeam, secus ad Apollinem scisci-
tatum oracula dimittam: sed de contra-
dictione satis. Cuius vsus in omni ferè
disputatione propter argumenti firmi-
tatem tantam, si contentio & alterca-
tio sit, primum sibi ferè locum vëdicat.
Intentio est aliquid esse: depulsio est id
non esse. Nec fortius ex omnibus argu-
mentis, nec vehementius vllum est, quo
magis, si non doceri, atque institui, cer-
tè teneri, constringique possint aduer-
sarij, quàm si ad contradictionis confes-
sionem cogantur. Sic Cicero Atticum
cogit fateri mortuos miseros non esse,
quia nulli essent: quod ille omnino ne-
gabat, cùm affirmaret mortuos nullos
esse, ideóque esse miseros, quia nulli es-
sent. Iam mallet (ait Cicero) Cerberū
metueres, quàm ista tam inconsideratè
diceres. Atticus, Quid tandè? Marcus,
Quem esse negas, eundem esse dicis. Vbi

Tuscul. 1.

„ est acumen tuum? Cùm enim miserum
 „ esse dicis, tum qui non sit, esse dicis. Tū
 „ post lōgam disputationem Atticus ait,
 „ Age, iam concedo non esse miseros, qui
 „ mortui sunt: quoniam extorristi vt fate
 „ rer, qui omnino non essent, eos ne mi-
 „ seros quidem esse. sic Terentianus Phē
 „ dria Dori Eunuchi dictum eleuat, quòd
 „ affirmasset prius quæ pòst inficiaretur.

Modò ait, modò negat:

In Eunuc.

inquit.

Sic pro Milone Cicero seruorum
 „ quæstionem eludit: Age verò, quæ erat,
 „ aut qualis quæstio? Heus vbi Ruscio?
 „ vbi Casca? Clodius insidias fecit Milo-
 „ ni? fecit: certa crux. Nullas fecit, sperata
 „ libertas. Vanum scilicet mendacemque
 „ credi volumus, qui restam incredibi-
 „ les, tàmque dissidentes inter se atque
 „ abhorrentes loquatur. Quapropter ex-
 „ positis quatuor contrariorū generibus,
 „ aduersis, priuantibus, relatis, contradi-
 „ centibus, repugnātia quæ restant è dis-
 „ sentaneis, expedienda sunt.

REPUGNANTIA.

Repugnātia itaque dissentanea sunt,

quæ nulla certa lege, nullóque certo numero dissident: vt homo & arbor & lapis, & huiusmodi innumerabilia: quorum plura idem esse non possit, sed nulla tamen certa conditione repugnant. Non enim homo arbori magis repugnat, quàm lapidi: nec facilius est idem esse & hominem & lapidem, quàm hominem & arborem. Martialis,

Lib. 1.

*Quòd clamas semper, quòd agentib⁹ obstrepis Heli:
Non facis hoc gratis, accipis vt taceas.*

Philip. 2.

Cicero, Tam autem eras excors, vt tota in oratione tecum ipse pugnares: vt non modò non cohærentia inter se disceres, sed maximè disiuncta atque contraria: vt non tanta mecum, quanta tecum tibi esset contetio. Vitricum tuum in tanto scelere fuisse fatebare, poena affectum querebare. Ex repugnantibus Æneas Venerem deam esse concludit, Spartanæ virginis habitū simulantem:

Æne. 1.

*O quàm te memorē Virgo: nāque haud tibi vultus
Mortalis, nec vox hominem sonat o dea certē.*

Virgo hæc nō est mortali vultu, nec humana voce, dea est igitur: repugnātia sunt.

Sæpe dissentanci ratio quædam pe-

titur ex adiunctis, aut effectis, aut argumentis cæteris ad illustrandum, quæ repugnantiæ speciem quandâ obtinet, ut *Pollio amat nostram, quanuis sit rustica, musam*, ratio est dissentanei ex adiunctis: non amanda musa quia rustica est. Contrà, *Nec bonus Eurytion pralato inuidit honori, Quanuis solus auem deiecit ab alto*, ratio est dissentanei ex effectis: Eurytion inuideat honori, quia auem percussit solus. Hinc sunt illæ orationis formę tam frequentes vincitæ cõiunctionibus illis, quanquam, quãuis, tametsi: in quibus redditio fit his particulis, tamen, at-tamen. Quo genere Cicero præcipuè in exordiis delectatus est. Hinc illud „ Milonianum, Etsi vereor, Iudices, ne „ turpe sit pro fortissimo viro dicere incipientem, timere, minimèque deceat, cū „ T. Annius Milo ipse magis de reipub. „ salute, quàm de sua perturbetur, me ad „ eius causam parem animi magnitudinem afferre non posse: tamen hæc noui „ iudicij noua forma terret oculos, qui „ quocunque inciderint, veterem consuetudinem fori, & pristinum morem iu-

diciorum requirunt. Atque huiusmodi exempla quâuis dissentanea videantur, distinguenda tamen sunt.

Vsus dissentaneorum est frequentissimus in omni quæstione, si causæ, facta, subiecta, adiuncta defunt: quibus probari possit quod intenditur; proximum est, ut dissentanea tollantur. Demonstrare solem nequeo, ut cōcludam diem esse: tenebras noctis nullas esse confirmabo, ut diem esse deinde consequatur. In cæteris antecedentibus argumentis plus est lucis ad docendum, hic plus roboris frequenter est ad impellendum, cōmouendūmq;. Et qui iusta legitimâque ratione doceri non potuit, aliquando contrarij aliena atque absurda consecutione mouebitur. Sic enim interdum corrupta deprauatâque sunt ingenia, ut magis agitata pulsatâq;, quàm monita & docta credant.

COMPARATA, AC PRIMUM *paria.*

De simplicibus argumentis & consentaneis & dissentaneis hætenus. De cōparatis deinceps est agendum. Com-

parata sunt ea quæ inter se cōferuntur.
Ea collatio quātitatis aut qualitatis est.
Collatio quantitatis est, qua dicimus
res collatas pares esse aut impares. Pa-
ria itaque sunt, cū ex quantitate pari
vel æquali par & æqualis approbatur:
vbi tamen si nullæ veræ species fortasse,
sicuti nec in cæteris comparationū ge-
neribus, modi tamen quidam ad illu-
strandum vsum demonstrari possunt. Er-
go primū sit, quale est apud Terentium, *In Adel.*

Quando ego tuum non curo, ne cura meum.

„ Cicero, Neque verò quid mihi irasca- *Pro Sylla.*
„ re, intelligere possum. si quòd eum de-
„ fendo, quem tu accusas, cur tibi quoque
„ ipse non succenseo, qui accuses eum quē
„ ego defendo? Inimicum, inquis, accuso
„ meum: & amicū ego defendo meum.

Ratio ista persæpe ducitur per gradus
comparationis, quos grammatici distin-
xere positionis, comparisonis, super-
lationis. Ovidius de Arte, *Lib. 2.*

Nec minor est virtus, quàm quarere, parta tueri.

„ Paulò aliter Cicero, Non magis iuris *Philip. 9.*
„ consultus quàm iustitiæ, neque consti-
„ tuere litium actiones malebat, quàm

- controuerfias tollere. Iuuenalis,
 Saty. 8. *Omne animi vitium tanto cōſpectius in ſe
 Crimen habet, quanto maior qui peccat, habetur.*
- Philip. 9. Cic. *Quòd ſi cuiquā iuſtus honor habi
 tus eſt in morte Legato, in nullo iuſtior
 q̃ in Seruio Sulpitio reperietur. Catul.*
- Disertiſſime Romuli nepotum
 Quot ſunt, quòtque fuere Marce Tulli,
 Quòtque poſt aliis erunt in annis:
 Gratias tibi maximas Catullus
 Agit, peſſimus omnium poeta,
 Tanto peſſimus omnium poeta,
 Quanto tu optimus omnium patronus.
 Ouidius paulò ſecus idem genus argu-
 menti tractauit:
- Triſt. 5. *Liſſora quot conchas, quot amœna roſaria flores,
 Quòtue ſoporiferum grana papauer habet,
 Sylua feras quot alit, quot piſcibus vnda natatur,
 Quot tenerum pennis æra pulſat auis:
 Tot premor aduerſis: quæ ſi comprehendere coner,
 Icaria numerum dicere coner aqua.*

Aliquando quæſtio de quãtitate pa-
 ri; aliis argumentis tractatur, illis qui-
 dem inter ſe paribus, quæſtionis tamẽ
 alterutri parti nequaquam paribus: vti
 apud Martialem quæſtio hæc an Mar-
 tialis ſit par Maximo, ex effectis vtriuſ-

que paribus inter se tractatur:

Capto tuam pudet heu, sed capto Maxime cœnam: Libro 1.

Tu captas alias: iam sumus ergo pares.

Mane salutatum venio: tu diceris isse

Ante salutatum: iam sumus ergo pares.

Sum comes ipse tuus, tumidiq; antecambulo regia

Tu comes alterius: iam sumus ergo pares.

Esse sat est seruum, iam nolo vicarius esse:

Qui rex est, regem Maxime non habeat.

Sic apud Terentium Gnato disputat:

Scin' quando illa mentionem Phadria

In Eunuc.

Facit, aut si laudat, te vt male vrat? Th. sentio.

G. Id vt ne fiat, hac res sola est remedio:

Vbi nominabit Phadriam, tu Pamphilam

Continuo. si quando illa dicet, Phadriam

Intromittamus comessatum: tu, Pamphilam

Cantatum prouocemus: si laudabit hæc

Illius formam: tu huius contra. denique

Par pari referto quod eam mordeat.

Atque hæc de paribus. Imparium col-

latio duplex est: Altera maiorum, altera

minorum.

MAIORA.

Maiorum collatio est, cum ex maio-

» ribus minora disputatur. Cic. Noli tam

Pro Mure.

» esse iniustus, vt cum tui fontes vel ini-

» micis tuis pateant; nostros riuulos e-

d.j.

.. tiam amicis putes clausos esse oportere.

Virgilius,

Ænei. 1. O socy: neque enim ignari sumus antè malorum:

O passi grauiora: dabit Deus his quoque finem.

Agro. 2. Cic. Nisi fortè nihil est æquum vos de

.. corum audacia suspicari, quorum cupi-

.. ditati nimium angustus orbis terrarum

.. esse videatur. Collationes autem maio-

rum frequentes sunt in hac amplifica-

Pro Mure. tione Non solùm, Sed etiam. Cicero

versus citans Ennij,

Tollitur è medio,

non solùm ista verbosa simulatio pru-

dentia, sed etiam illa domina rerum

Sapientia, vi geritur res,

Spernitur orator

non solùm odiosus in dicendo aut lo-

quax, verùm etiam

Bonus, horridus miles amatur.

Ex hoc loco sunt quædam rhetori-

Pro Milo. cæ gradationes. Cicero, Neque verò se

.. populo solùm, sed etiam senatui tradi-

.. dit: neque senatui modò, sed etiam pu-

.. blicis præsidiis & armis: neque his tan-

.. tùm, verùm etiam eius potestati, cui se-

.. natus totam Rempublicam, omnem

.. Italiae pubẽ, cuncta Po. Ro. arma com-

miserat. Quod de collatione parium dictum est, idem est hoc loco dicendum. Sæpe quæstio de quantitate maiore deferitur aliis argumentis: vt apud Ciceronem hæc quæstio, an Catilinæ causa sit inferior optimatum causa, ex adiunctis tractatur, quæ ipsa sunt alia aliis maiora. Sic enim Cicero Catilinæ causam extenuat, ei bonorum ciuium meliorem causam opponendo: Si (inquit) his rebus omisis ipsas causas (quæ inter se conflagunt) contendere velimus: ex eo ipso quàm valde ipsi iaceant, intelligere possumus. Ex hac enim parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus: hinc constantia, illinc furor: hinc honestas, illinc turpitudine: hinc continentia, illinc libido. Denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignauia, cum temeritate, cum vitiis omnibus: postremo copiam cum egestate, bona ratio cum perdita, mens sana cum amentia, bona denique spes cum

Catil. 2.
 d. ij.

- „ omnium rerum desperatione configit.
 „ In huiusmodi certamine ac prælio non-
 „ ne etiam si hominum studia deficiant,
 „ dij ipsi immortales cogent ab his præ-
 „ clarissimis virtutibus tot & tanta vitia
 „ superari?

MINORA.

A minoribus non minor est copia rerum, cum ex his maiora commonstrantur. Ouidius,

De Res med. 1. *Vt corpus redimas, ferrum patieris & ignes:
 Arida nec sitiens ora leuabis aqua:
 Vt valeas animo, quicquam tolerare negabis?
 At pretium pars hac corpore maius habet.*

Pro Marc. Cicero, Tantum abes à perfectione maximorum operum, ut fundamenta quæ cogitas, nondum ieceris. Horatius,

1. Epist. *Vt iugulent homines, surgunt de nocte latrones:
 Vt teipsum serues, non expergisceris?*

Alio etiam quodammodo argumentum hoc tractatur apud Terentium:

In Eunuc. *Hic verò est, qui si amare occæperit, ludū, iocumq;
 Dices fuisse illum alterum, prout huius rabies quæ dabit.*

Item apud Iuvenalem,

Saty. 8. *Malo pater tibi sit Thersites, dum modo tu sis
 Æacida similis, vulcaniæque arma capeffas:*

Quàm te Thersita similem producat Achilles.
 „ Item paulò secus apud Ciceronem, O- *Philip. 9.*
 „ mnes ex omni ætate qui in hac ciuitate
 „ intelligentiam iuris habuerunt, si vnum
 „ in locum conferantur, cum Seruio Sul-
 „ pitio non sunt comparandi.

Ex hoc loco sunt aliquando hyper-
 „ bolæ. Cic. Quod enim fretum, quem *Pro Mure.*
 „ Euripum, tot motus, tantas, tam varias
 „ habere putatis agitationes fluctuum,
 „ quantas perturbationes & quantos æ-
 „ stus habet ratio comitiorum? Virgilius,

Antè leues ergo pascentur in æthere cerui, *Eclog. 1.*

Et freta destituent nudos in littore pisces:

Antè pererratis amborum finibus exul

Aut Ararim partus bibet, aut Germania Tigrin:

Quàm nostro illius labatur pectore vultus.

Vsitatissimus est minorum & vulgo
 familiarissimus modus. per nomē com-
 parationis: vt apud Ouidium de Trist.

Senior es tristi Busiride, sauior illo, *Libro 3.*

Qui falsum lento corrui igne bouem.

Hinc etiā sunt amplificationes exi-
 mix, cū gradatim à minoribus itur ad
 „ maiora. Cicero, Facinus est vincere ci-
 „ uem Romanum: scelus verberare: propè
 „ parricidium necare: quid dicam in cru-

cem tollere? Huc pertinent extenuatio-
Catil. 2. nes illæ. Idē, Nemo non modò Romæ,
 sed ne vllò in angulo totius Italiæ op-
 pressus ære alieno fuit, quem nō ad hoc
 incredibile sceleris fœdus asciuerit. Ex
 hoc porrò comparationis genere singu-
 lares quædam sunt in poetis & oratori-
 bus amplificationes. In quibus tamen,
 sicut antea in paribus & maioribus mo-
 nui, non ex rebus quæ sint quæstionis
 parti: sed quæ ipsæ inter se aliæ aliis
 comparatæ sint minores. Sic Ouidius
 amplificat Augusti laudes collatione
 Romuli, quē, dum eius facta factis Au-
 gusti minora comparat, modis omni-
 bus minorem facit:

J. ast. 2. Romule concedes, facit hic tua magna tuendo
 Mænia, tu dederas transilienda Remo.
 Te Tatiū, parūque Cūres, Cecinnāque sensit:
 Hoc duce Romanum est solis vtrunque latius.
 Tu breue nescio quid victa telluris habebas:
 Quodcunque est alto sub Ioue, Caesar habet.
 Tu rapis, hic castas duce se iubet esse maritas:
 Tu recipis luco, reppulit ille nefas.
 Vis tibi grata fuit: florent sub Casare leges.
 Tu Domini nomen, principis ille tenet.
 Te Remus incusat, Veniam dedit hostibus ille:

Celestem fecit te pater: ille patrem.

Sic Cicero imperatorem iurecon-
„ sulto comparat : Quî potest dubitari *Pro Mure.*
„ quin ad consulatum adipiscendum mul-
„ tò plus dignitatis afferat res militaris,
„ quàm iuris ciuilis gloria? Vigilas tu de
„ nocte, vt tuis consultoribus respõdeas:
„ ille vt eò, quo intendit, maturè cum
„ exercitu perueniat: te gallorum, illum
„ buccinarum cantus exuscitat: tu actio-
„ nem instituis, ille aciem instruit: tu ca-
„ ues ne tui consultores, ille ne vrbes aut
„ castra capiantur: ille tenet & scit vt ho-
„ stium copiæ, tu vt aquæ pluuiæ arcean-
„ tur: ille exercitatus est in propagandis
„ finibus, tu in regendis. Atque in his tri-
„ bus parium, maiorum, minorum gene-
„ ribus, quæ postrema & conduplicata
„ exempla sunt, potius ex factis paribus,
„ ex adiunctis maioribus, ex factis mino-
„ ribus, quàm omnino ex paribus, ex ma-
„ ioribus, ex minoribus argumentis sta-
„ tuenda sunt.

SIMILIA.

Sequitur comparatio qualitatis ac
primò similitum.

d.iiij.

Similia sunt quę in eadem qualitate comparantur, in quibus interdum similitudinis nota nulla exprimitur. Cic.
de Senect. Quod cuique temporis ad viuendum
 „ datur, eo debet contentus esse: neque
 „ enim histrioni (vt placeat) peragenda
 „ est fabula: modò in quocunque fuerit
 „ actu, probetur: neque sapienti vsque ad
 „ Plaudite, viuendum. Virgilius,

Eclog. 2. O formose puer, nimium ne crede colori,
 Alba ligustra cadunt, vacinia nigra leguntur.

Aliquando indicatur nota similitu-
Philip. 9. dinis, sed breuiter. Cicero, Quanquam
 „ nullum monumentum clarius Seruius
 „ Sulpitius relinquere potuit, quàm effi-
 „ giem morum suorum, virtutis, constan-
 „ tię, pietatis, ingenij, filium. Ouidius,

Trist. 1. Nanque ea vel nemo, vel qui mihi vulnera fecit,
 Solus Achilleo tollere more potest.

Pro Mure. Cicero, Et quoniam mihi videris
 „ istam scientiam tanquam filiulam oscu-
 „ lari tuam, non patiar te in tanto errore
 „ versari. Similitudinis nota aliàs expri-
 „ mitur apertius, atque in eo interdum
 „ propositio redditioque vno verbo clau-
Epist. 1. duntur. Cic. ad Q. fratrem, Quemadmo-

„ dum gubernatores optimi vim tempe-
 „ statis, sic sapientissimi viri fortunæ im-
 „ petum persæpe superare non possunt.

Aliquando propositio redditioque suis
 separatim verbis explicantur. Ovidius,

Scilicet ut fuluum spectatur in ignibus aurum, *Trist. 1.*

Tempore sic duro est inspicienda fides.

„ Cicero, Sed nimirum ut quidam *Philip. 2.*

„ morbo & sensus stupore suauitatem ci-

„ bi non sentiunt : sic libidinosi, auari, fa-

„ cinorosi veræ laudis gustum non habēt.

Nec interest ficta sint, an vera, quæ pro-
 ponuntur. In utroque enim genere par
 est similitudinis ratio. Horatius,

Quod si me populus Romanus fortè roget, cur

Epiſt. 1.

Non ut porticibus, sic iudiciis fruor iisdem,

Nec sequar ac fugiam, qua diligit ipse vel odit:

Olim quod vulpes agroto cauta leoni

Respondit, referam: quia me vestigia terrent

Omnia te aduersum spectantia, nulla retrorsum.

Similia nō minus grauitè, elegan-
 tèrque, quàm reliqua comparata con-
 iunguntur. Sic Virgilius in Batyllum
 qui cūm hosce Virgilianos versus

Nocte pluit tota, redeunt spectacula mane:

Diuisum imperium cum Ioue Caesar habet:

sibi vèdicasset, ex iisque munus à Cæsa-

re cōsequutus esset: tum Virgilius pro-
positis quatuor versuum nudis initiis:

Sic vos non vobis

Sic vos non vobis

Sic vos non vobis

Sic vos non vobis

hominem in perpetuum mirificè nota-
uit. Nam cū ea fur ille perficere non
posset, tum Virgilius perfecit hoc versu
præposito,

Hos ego versiculos feci, tulit alter honores.

Sic vos non vobis nidificatis aues,

Sic vos non vobis vellera fertis oves,

Sic vos non vobis mellificatis apes,

Sic vos non vobis fertis aratra boves.

Quo etiam de genere sunt Socrati-
cæ inductiones Platonis, Xenophōtis,
& reliquorum Socratis discipulorum
sermonibus celebratæ, cū variis simi-
libus aliquid simile efficitur: velut apud
Socraticum Æschinem demonstrat So-
crates cum Xenophontis vxore, & cū
ipso Xenophonte Aspasiā locutam:

1. de inuēt.

„ hi quæso Xenophontis vxor, si vicina
„ tua melius habeat aurum, quā tu ha-
„ bes: vtrum illius, an tuum malis? Illius,

» inquit. Et si vestem, & cæterum orna-
» mentum muliebri pretij maioris ha-
» beat,quàm tu habes,an illius malis? Il-
» lius verò,respondit.Age,si virū illa me-
» liorem habeat, quàm tu habes, an illius
» malis? Hic mulier erubuit. Aspasia au-
» tem cum ipso Xenophonte sermonem
» instituit: Quæso, inquit, si vicinus tuus
» meliorē equum habeat, quàm tuus est,
» tuumne equum malis, an illius? Illius,
» inquit. Quòd si fundum meliorem ha-
» beat, quàm tu habes, vtrum tandem il-
» lius malis? Illius, inquit, meliorem scili-
» cet. Quòd si vxorem meliorem habeat,
» quàm tu habes, vtrum illius malis? At-
» que hic Xenophon quoque ipse tacuit.
» Pòst Aspasia, Quoniam vterque ve-
» strū, inquit, id mihi nō solūm respon-
» dit, quod ego solūm audire volueram,
» egomet dicā quid vterque cogitet. Nā
» & tu mulier optimū virum mauis ha-
» bere, & tu Xenophon vxorem lectissi-
» mam habere maximè vis. Quare hoc
» nisi perfeceritis, vt neque vir melior,
» neque fœmina lectior in terris sit, pro-
» fectò id quod semper optimum putabi-

Aliter paulò in his nota dissimilitu-
 dinis effertur, quàm antea. Cicero de
 „ gratia & pecunia, *Quanquam dissimi-* *Pro Planc.*
 „ lis est pecuniæ debitus & gratiæ: nam
 „ qui pecuniam dissoluit, statim non ha-
 „ bet id, quod reddidit: qui autem debet,
 „ is retinet alienum: gratiam autē & qui
 „ refert, habet: & qui habet, in eo ipso
 „ quod habet, refert. Sic oratorio, Nō est
 „ philosophia similis artium reliquarum:
 „ nā quid faciet in geometria, qui nō di-
 „ dicerit? quid in mulicis? aut taceat opor-
 „ tet, aut in sanus quidē iudicetur: hæc ve-
 „ rò quæ sunt in philosophia, ingeniis e-
 „ runt ad id quod in quoque verisimile
 „ sit eliciendū acutis atque acribus, eaque
 „ exercitata oratione poliuntur. Aliquan-
 „ do in dissimiliū collatione vis etiā quā-
 „ titatis includitur. vt in Verrē, Nō enim *Actio. 3.*
 „ furem, sed ereptorē: non adulterum, sed
 „ expugnatorem pudicitiae: non sacrile-
 „ gum, sed hostem sacrorum religionum-
 „ que: non sicarium, sed crudelissimum
 „ carnificem ciuium, sociorumque in ve-
 „ strum iudiciū adduximus. Locus autem
 „ hic aptissimus est ad distinguendum,

quæ vicina affiniâque sunt, & similitudine quadam secus inconsideratè permiscuntur. Horatius,

In Arte. *-Vitæ denique culpam,*

Non laudem merui.

Martialis,

Libro 8. *Diligeris populo, non propter premia Cæsar:*

Propter te populus premia Cæsar amat.

Pro Liga. Cicero, Scelus tu illud vocas Tubero,
 „ cur isto enim nomine illa adhuc caussa
 „ caruit. Alij enim errorem, alij timorem:
 „ qui durius, spem, cupiditatem, odium,
 „ pertinaciam: qui grauissimè, temerita-
 „ tem, scelus præter te adhuc nemo. Ibi-
 „ dem rursus, Fuerint cupidi, fuerint ira-
 „ ti, fuerint pertinaces, sceleris verò cri-
 „ mine furoris, parricidij liceat Cn. Pom-
 „ peio mortuo, liceat multis aliis carere.
Ouidius de Arte,

Libro 2. *Non formosus erat, sed erat facundus Ulysses.*

sic Horatius,

Epiſt. 1. *Calū, non animū mutant, qui trās mare currunt.*

„ In Maniliana, Non victoriam, sed insi-
 „ gnia victoriæ reportarūt. Dissimile au-
 „ tem in Ironia quandoque non conti-
 „ netur solū, sed explicatur: vt in Piso-

- „ nem, Grauis autē Calatinus, credo, ali-
 „ quis, aut Africanus, aut Maximus, & nō
 „ Cesonius Semiplacētinus Caluentius.

Ex his collationibus insigniora &
 splendidiora sunt, vbi multa dissimilia
 conferūtur: sic apud Virgilium Hec-
 toris fœdè contrucidati, & quondam flo-
 rentis ac triumphantis dissimilitudo ex
 variis rebus ostenditur:

*In somnis ecce antē oculos mæstissimus Hector
 Visus adesse mihi, largosque effundere fletus,
 Raptatus bigis ut quondam, atēque cruento
 Puluere, pēque pedes traiectus lora tumentes.
 Hei mihi qualis erat, quantum mutatus ab illo
 Hectore, qui redit exuvias indutus Achilli,
 Vel Danaūm Phrygios iaculatus puppibus ignes?
 Squalentē barbam, & concretos sanguine crines,
 Vulneraque illa gerens, qua circū plurima muros
 Accepit patrios.*

AEn. 2.

- Sic Cicero de Varronis Cassinate
 fundo, quē Antonius per vim occupa-
 „ uerat: O tēcta ipsa misera, quām dispari *Philip. 2.*
 „ domino (quanquam quomodo iste dō-
 „ minus?) sed tamen quām à dispari tene-
 „ bantur? Studiorum enim suorum M.
 „ Varro voluit esse illud non libidinum

„ diuersorium: quæ in illa villa antè dice-
 „ bantur? quæ cogitabantur? quæ literis
 „ mandabantur? iura populi Ro. monu-
 „ menta maiorum, omnis sapientiæ ra-
 „ tio, omnisque doctrina. At verò te in-
 „ quilino, non enim domino, personabāt
 „ omnia vocibus ebriorum, natabant pa-
 „ uimenta vino, madebant parietes, inge-
 „ nui pueri cum meritoriis, scorta inter
 „ matres familiās versabātur. Ex dissimi-
 „ libus antithera ferè omnia sunt, atque
 „ omnino omnis illa forma, qua dicitur,
 „ non hoc, sed illud esse: tum enim affir-
 „ mamus non esse primum, sed aliud &
 „ differens, atque dissimile. A dissenta-
 „ neis autem dissimilia quomodo distin-
 „ guantur, si quis non satis animaduertit,
 „ definitiones comparet, vt clarius intel-
 „ ligat: dissentanea enim re & ratione dis-
 „ fident, nec simul esse possunt: dissimilia
 „ satis habent, si ratione distinguantur,
 „ re ipsa dissideant, necne, nihil interest:

*Candidus est: non igitur niger,
 dissentanea sunt:*

2. Eclog. *Quauis ille niger, quauis tu candidus esses,
 dissimilia sunt: illic ex altero alterū cō-*

cluditur, hîc ex alterius diuerſa qualitate, alterius qualitas ostenditur. Illa rapiunt affensionem, & quaſi pugnando conuincunt: hæc animum magis admo-
nent, & velut arbitrum faciunt. Eſt autem uſus quotidiani & aſſidui comparatio: in quantitate firmamenti plus eſt ad commouendum, in qualitate plus ſplendoris ad illuſtrandum. Præcipuæ verò laudis & admirationis ſunt ſimilitudines prudenter adhibitæ, hinc præcipua Platoniciæ ſapientiæ admiratio orta eſt, hinc mathematicorum nobiles illę contemplationes ex ratione & proportionem in comparatis numeris & formis, quibus nec excellētius quicquam, nec admirabilius eſt ab homine dialecticæ rationis luce repertū & cognitum.

NOTATIO.

Inſitæ & principes probationes quæ ad rem ſpectarēt, omnes expoſitæ ſunt. Reſtant eæ, quæ perſeſcunt ad nomen. Notatio quippe & coniugatio, quæ ex vi nominis eruuntur.

Notatio, eſt nominis interpretatio,

quæ à Græcis σύμβολον & ἐτυμολογία
nominatur. Ovidius,

i. Met. Est via sublimis calo manifesta sereno,
Lactea nomen habet, candore notabilis ipso.

Philip. 2. Cicero, Bambalionem locerum An
" tonij à balbutiendo nominatum deri-
" det. Tuæ cōiugis bonæ fœminæ, locu-
" pletis quidem certè, Bambalio quidam
" pater, homo nullo numero, nihil illo
" contemptius, qui propter hæsitantiam
" linguæ, stuporémque cordis, cogno-
" men ex contumelia traxerit. Martialis
de Earino :

Libro 9.

Nomen cum violis rosisque natum,
Quo pars optima nuncupatur anni:
Hyblam quod sapit, Atticósque flores:
Quod nidos olet alitis superba:
Nomen nectare dulcius beato,
Quo mallet Cybetes puer vocari,
Et qui paucula temperat tonanti:
Quod si Parrhasia sones in aula,
Respondent Veneres cupidinésque:
Nomen nobile, molle, delicatum
Versu dicere non rudi volebam:
Sed tu syllaba contumax repugnas:
Dicunt Earinon tamen poeta,
sed Græci, quibus est nihil negatum,

*Et quos ἄρpes ἄρpes decet sonare:
Nobis non licet esse tam disertis,
Qui musas colimus seueriores.*

Videtur autem, ut in superioribus argumentis, causis & effectis, subiectis & adiunctis, dissentaneis inter se, comparatis inter se, sic notationi cum nomine sua quædam esse relatio: ut enim nomen ex notatione, sic ex nomine notatio concludi potest. Quid enim obstet dicere, philosophus est, quare sapientiæ studiosus.

CONIUGATA.

Coniugata dicuntur vocabula, quæ ab vno principio variè commutantur. Ovidius,

Aurea sunt verè nunc secula, plurimus auro 2. de Arte.
Vanit honos, auro conciliatur amor.

„ Vide (ait Cælius ad Ciceronem) ne Libro 3.
„ dum pudet te parum optimatem esse,
„ parum diligenter quod optimum sit eligas. Iuuenalis,

Summum crede nefas, animam præferre pudori, Saty. 2.
Et propter vitam viuendi perdere causas.

„ Cicero de Dionysio tyranno, Iam 3. de Natu.
„ mensas argenteas de omnibus delubris deorum.

„ iussit auferri, in quibus quod more vete-
 „ ris Græciæ inscriptum esset, BONORVM
 „ DEORVM: vti eorum bonitate velle se
 „ dicebat. Propertius,

*Libro 2. Libertas quoniam nulli iam restat amanti,
 Nullus liber erit, si quis amare velit.*

„ Cicero in Pisonem, Cùm enim esset
 „ omnis causa illa mea consularis & se-
 „ natoria, auxilio mihi opus fuerat &
 „ consulis & senatus.

Magnus vsus est huius loci cùm a-
 liis multis in rebus, tum sæpe in iocis &
 agnominatione rhetorum. Cicero ad
Libro 1. Atticum de Clodianis iudicibus, Tri-
 „ buni non tam ærarij, vt appellantur,
Actio. 4. quàm ærati. Idem in Verrem, Quæ
 „ iste cū cognouisset nouus Astrologus,
 „ qui non tam rationem celi, quàm cælati
 „ argenti duceret. Hic locus relationem
 etiam sentit, sed vno tantum vocabu-
 lo: vt enim dissentanea dissentaneo-
 rum, & similia similibum, sic coniugata
 coniugatorum rectè dicentur.

DISTRIBVTIO AC

primum ex causis.

Sed iam tempus est descriptis argu-

mētis principibus, vt dicamus quæ sint à principibus orta : ea porrò duo sunt, distributio & definitio.

Distributio est totius in partes diuifio : itaque tam multiplex sit necesse est distributio, quàm varia totius & partiũ ratio sit. Optimè verò & commodissimè quadripartita ex causis, effectis, subiectis, adiunctis instituetur, vt intelligatur quibus è fontibus hæc oriuntur. Ex causis partitionem vocamus, cùm partes causæ sunt, totum verò effectus. Quod genus frequētissimum est in rebus his quæ ex partium coniunctione conficiuntur, vbi totũ nec id est, quod partes : nec partes vicissim, quod totũ est: vt hominis partes cùm dicimus animam rationis compotem, & corpus: hominem nec corpus, nec animam esse volumus, nec animam vicissim corpúsve hominem facimus : sed ex anima cū corpore coniuncta constare hominẽ significamus. Princeps igitur cùm de re aliqua differitur, distributio eiusmodi, si res ferat, erit: quæ propositæ rei causas eam cõstituentes distinctis partibus

c. iij.

explicabit: quales ferè sunt poetarum
& oratorum, cùm totam sibi propositâ
materiam in certas partes diducunt. Ci-

Pro Mure. cero, Intelligo, Iudices, tres totius ac-
„ cufationis partes fuisse: & earum vnam
„ in reprehensione vitæ, alteram in con-
„ tentione dignitatis, tertiam in crimini-
„ bus esse versatam. Virgilius,

Georg. 1. *Quid faciat latas segetes, quo sisdere terram
Vertere, Mœcenas, Ulmisque adiungere vites
Conueniat, qua cura bouum, quis cultus habendo
Sit pecori, atque apibus quanta experiëntia parcis,
Hinc canere incipiam.*

Vfus huius distributionis latius pa-
tet, nec solùm res integra ex membris
omnibus, vt in superioribus exemplis,
sed ex eorum aliquot disputatur. Sic
Catullus in amicam Formiani, de pul-
chritudine ex eius aliquot partibus ar-
gumentatur:

*Salve nec minimo puella naso,
Nec bello pede, nec nigris ocellis,
Nec longis digitis, nec ore sicco,
Nec sanè nimis elegante lingua,
Decoctoris amica Formiani,
Tèn' prouincia narrat esse bellam?
Tecum Lesbica nostra comparatur?*

O seclum insipiens & infacetum!

Aliquando ex vno tantum membro: vt
apud eundem poetam,

Quintia formosa est multis, mihi candida, longa,

Recta est: hac ego sic singula confiteor:

Totum illud formosa, nego: nam nulla venustas,

Nulla in tam magno corpore mica salis.

Lesbia formosa est: quæ cum pulcher-
rima tota est, tum omnibus vna omnes
furripuit veneres.

Cōtra verò de membris vel vnum, vel
aliquot, vel omnia ex integra re con-
cludere licebit.

DISTIBUTIO EX EFFECT-

tis, vbi de genere & specie.

Secundus distributionis modus ex
effectis est, cum id quod diuiditur caus-
sa est, & partes effecta sunt: qualis est
apud Ciceronem Pythagorea hominū
partitio, cum Pythagoras Leonti, cui se
philosophum esse dixisset, explicat qui
„ homines philosophi sint: Pythagoram *Tuscu. 5.*
„ ait respondisse similem vitam hominū,
„ & mercatum eum, qui haberetur maxi-
„ mo ludorum apparatu totius Græciæ
„ celebritate: nam vt illic alij corporibus
c. iiij.

„ exercitatis gloriam & nobilitatem co-
„ ronæ peterent, alij emendi aut venden-
„ di quæstu & lucro ducerentur, esset au-
„ tem quoddam genus eorum, idque vel
„ maximè ingenuum, qui nec plaustum,
„ nec lucrum quærerent, sed visendi caus-
„ sa venirent, studiosèque perspicerent,
„ quid ageretur, & quomodo. Ita nos quasi
„ in mercatus quadam celebritate ex vr-
„ be aliqua, sic in hanc vitam ex alia vita
„ & natura profectos, alios gloriæ serui-
„ re, alios pecuniæ: raros esse quosdam
„ qui cæteris omnibus pro nihilo habitis,
„ rerum naturam studiose intuerentur,
„ hos se appellare sapientiæ studiosos: id
„ est enim philosophos. In hoc secundo
„ distributionis modo diuisio generis in
„ species excellit: Genus est quod duas,
„ aut plures partes suisque communione
„ similes amplectitur. Species est pars sub-
„ iecta generi: Sic animal hominis & be-
„ stiæ genus dicimus: quia natura anima-
„ lis ex æquo homini & bestiæ attribui-
„ tur: vtrunque enim pariter animal est,
„ id est, substância corporata, animata, sen-
„ tiens: proprium itaque generis est de

multis partibus interroganti quid est,
respōderi. Interdum autem generis no-

- » mine pro specie abutimur. Cicero, Si
» quis omne ius ciuile in genera diuidat,
» genera species appellat. Sunt autem ge-
nera & species ex caussarum & effecto-
rum locis. genus enim quasdam causas
speciei significat : species igitur generis
effecta quædā vicissim significabit. Nec
solum genera ad species, sed species ip-
sæ ad confirmanda genera, adhibentur:
eaque ex generis & speciei, quæ causæ
& effectus, quæ subiecti & adiuncti, quæ
dissentaneorum inter se ratio. Distribu-
tio autem generis in species vt firmissi-
ma nobilissimæque est, ita rara admo-
dum & perdifficilis inuentu, vt vulga-
tissima illa in scholis animalium diui-
sio in hominem & bestiam manca sit, si
veterum philosophorum decreta spe-
ctes. Deos enim suos mundum, solem,
lunam, animalia nominabant. Sed huc
referamus, quod proximum fuerit : &
exempla, quæ possumus, afferamus.
Erant autem animantium genera qua-
tuor, quorum vnum diuinum atque cæ-

1. de Orat.

leste, alterum pennigerum & acreum, tertium terrestre, quartum diuinæ animationis, Plato in Timæo. Ouidius idē paulò secus in deos, pisces, feras, volucres, homines partitur:

1. *Metam.* *Neu regio foret Vlla suis animalibus orba,
Astra tenent caeleste solum, formaq; deorum:
Cesserunt nitidis habitande piscibus unda:
Terra feras capit: Volucres agitabilis aer:
Sanctius his animal mentisque capax alta
Deerat adhuc, & quod dominari in cetera posset,
Natus homo est.*

offic. 1. „ Cic. Sed omne quod honestum est,
„ id quatuor partium oritur ex aliqua: aut
„ enim in perspicientiā veri solertiāque ver
„ fatur: aut in hominum societate tuen-
„ da, tribuendōque suum vnicuique, &
„ rerum contractarum fide: aut in animi
„ excelsi, atque inuicti magnitudine ac ro-
„ bore: aut in omnibus quæ fiunt, quæque
„ dicuntur ordine & modo, in quo inest
„ modestia & tēperantia. Virtus à Cice-
rone diuiditur in prudentiam, iustitiā,
fortitudinem, temperantiam. Nihil ve-
rò interest, an genus in species, an in
earum formas distribuas: vt vulgò in
scholis animalium dicitur aliud ratio-

nale, aliud irrationale. Species enim in
 hac distributione sunt, sed euidentius ex-
 positæ: totum enim quod diuiditur, in
 partibus nihilominus intelligitur: tan-
 quam si diceres, animalium aliud ani-
 mal est rationale, aliud animal irratio-
 nale. Vfus generis ac speciei maximus
 est: nec solum ad distributionis illū mo-
 dum, sed omnino cū ex genere species,
 vel contrā concludimus. Ex genere spe-
 cies plures, vt cū Cicero obiicit sibi,
 „ Tu es orator, Archias poeta: quomodo *Pro Arch.*
 „ igitur debes illi fructum eloquētiæ tuæ?
 „ Etenim, ait, omnes artes, quæ ad huma-
 „ nitatem pertinent, habent quoddam
 „ commune vinculum: & quasi cognatio-
 „ ne quadam inter se continentur. Ars,
 „ genus est poeticæ & eloquentiæ. Ex ge-
 „ nere autem species vnica. Catullus,

Nulli se dicit mulier mea nubere malle,

Quam mihi, non si se Iuppiter ipse petat:
Dicit, sed mulier cupido quod dicit amanti,

In vento & rapida scribere oportet aqua.

Mulier, genus est huius mulieris. A
 specie vnica genus cōcluditur apud Ci- *Philip. 2.*
 ceronem in Antonium, Cū quidam

„ Antonianum motum tumultum dice-
 „ rent, negarent esse bellum. At in quo
 „ fuit controuersia? belli nomen ponen-
 „ dum in sententia quidam non putabāt:
 „ tumultum appellare malebant, ignari
 „ non modò rerum, sed etiam verborum:
 „ potest enim bellum sine tumultu, tu-
 „ multus esse sine bello non potest. Mar-
 tialis autem Baccharam pollicentem om-
 nia quæ opus essent, festiuè carpit, dū
 species colligit rerum necessariarū, quas
 Bacchara non suppeditaret:

Libro 7. Siquid opus fuerit, scis me non esse rogandum:

Bis nobis dicis Bacchara, tērque die:

Appellat rigida tristis me voce secundus:

Audis, sed nescis Bacchara quid sit opus.

Pensio te coram petitur, clarēque, palāmque:

Audis, sed nescis Bacchara quid sit opus.

Esse queror gelidāsque mihi, tritāsque lacernas:

Audis, sed nescis Bacchara quid sit opus.

Hoc opus est subito fias ut sydere mutus,

Dicere ne possis Bacchara quid sit opus.

Ad speciei argumentum pertinent
 omnia ferè exempla, quæ rebus genera-
 liter propositis subiiciuntur. Dij præsen-
 tiam suam exhibent hominibus, ait Ci-
 cero, ut Castor, Pollux, Fauni: quæ exē-

pla species quædam deorum sunt. Aliàs itaque à genere disputatio descendit ad species explicandas : aliàs ab his ascendit ad generis amplificationem. In artium verò studiis longè principem locū tenent genera & species rerum, quorum tamen cognitio perobscura est & perdifficilis inuentu.

DISTRIBVTIO EX SVBIECTIS.

Tertius distribuendi modus est ex subiectis, cū adiūctum totum est, partes sunt subiecta. Cic. Fuit iam à Plato- *Acad. 1.*
 » ne accepta philosophandi ratio triplex:
 » vna de vita & moribus : altera de natu-
 » ra & rebus occultis : tertia de differendo
 » & quid verū, & quid falsum, quid rectū
 » in oratione, prauūmq; quid cōsentiens,
 » quid repugnans iudicando. Catullus,
Virginitas non tota tua est, ex parte parentum est,
Tertia pars matri data, pars data tertia patri:
Tertia sola tua est : noli pugnare duobus,
Qui genero sua iura simul cum dote dederunt.

DISTRIBVTIO EX ADIUNCTIS.

Quartus distributionis modus est, cū subiectum totū est, res adiunctæ, partes : vt cū corporum alia dicimus

esse alba, alia nigra, alia medio quodā affecta colore. Virgilius,

Georg. 1.

*Quinque tenent calum Zone, quarū vna corusco
Semper sole rubens, & torrida semper ab igni.
Quam circū extrema dextra lauaque trahuntur
Carulea glacie concreta, atque imbris atris,
Has inter mediāque dua mortalibus agris
Munere concessa diuin.*

Pro Sest.

Cicero principum Romanorū alios optimates, alios populares hoc distributionis modo facit: Duo genera, inquit, semper in hac ciuitate fuerunt eorum, qui versari in republ. atque in ea, excellentius se gerere studuerunt: quibus ex generibus alteri se populares, alteri optimates & haberi & esse voluerunt. Distributionis modus nullus præterea est. Contrarium enim, item repugnans in contrarium & repugnans nō diuiditur: vt album non in nigrum, nec in rubrum partimur: tametsi partitionis omnis totum, partēsque ratione quadam separantur, sed propterea distribuendi modus nullus nouus est. Animaduertendum verò est ex quatuor traditis distributionum generibus, duo esse pri-

maria: alterum ex causis, alterum ex effectis. Atque illud, cum totum quod efficitur, in membra conficiunt: hoc cum genus in species, earumque formas distribuitur. In reliquis generibus nec totum, nec partes verè dicuntur, sed ex adiunctione quadam: totum enim à partibus, & partes à toto in his separari sæpe possunt: quod à totius & partium natura est alienum: Incidunt tamen tales aliquando rerum distributiones, & persæpe necessariae sunt, cum meliores ignotæ sunt: ut in hac inuentionis dialecticæ doctrina primæ argumentorum diuisiones, leuissimæ fateor, sed quibus nil adhuc melius est inuentum. Sed de distributione satis: ad definitionem est veniendum.

DEFINITIO.

Definitio est oratio, quæ quod quaeritur propriè & breuiter explicat quid sit: propriè, ut omni soli definitæ rei definitio perpetuò conueniat. Nomen ipsum definitionis à mentoribus translatum est: quod ut illic certis finibus & terminis agri sic vis, naturæ rerum

suis partibus hîc comprehenditur. Definiendi genera duo sunt, alterum propriè definitio, alterum descriptio nominatur.

DEFINITIO PROPRIA

Definitio propria ex causis propriâ, verâmq; rei naturam constituentibus explicat quid ipsa res sit, idque plerumque duobus vocabulis generis & formæ causas omnes propositæ rei continentibus, quo pacto hominē definimus animal rationale. Animalis enim nomine (quod genus est) natura corporata significatur, quæ materies hominis est, & viuendi & sentiendi vis: quæ virtutes duæ sunt animæ: tum additur rationale, extrema consummatio: quæ vis forma est hominis, & efficiens modo quodam est: statum enim eius tuetur: & finis item, quia ad rationis absolutionem perfectionemque tendunt omnes vigilæ, cogitationesque nostræ. Ita genere formæque rei cùm definitio efficitur, omnium causarum (quæ sunt in re ipsa) genera complectitur. Ex hoc itaque genere ferè cōstant artium defini-

tiones: Rhetorica, est virtus dicendi:
Dialectica, virtus differendi.

DESCRIPTION.

Cùm verò reliquis etiam argumen-
tis vtimur ad explicandum quid sit quod
quæritur, descriptio nominatur, eaque
interdum breuitate par superiori. Ouidi⁹,
Stulte, quid est somnus, gelida nisi mortis imago? Amo. 2.

Horatius,

Ira, furor brevis est.

Epist. 1.

„ Cic. Pax, tranquilla libertas. Nec ta-
men hac breuitate definiendi perpetuo
vtimur. desiderat plerunque & res ipsa,
& auditor plenior, splendidiorque
orationem. Ita plerunque assumuntur
orationes longiores ad explicandum de-
finiendumque quod quæritur: vnde effi-
citur aliquid proprium, quod in aliam
rem nullam transferri possit. Sic apud
Virgilium fama pingitur:

*Fama, malum, quo non aliud velocius ullum
Nobilitate viget, virisque acquirit eundo.*

Æne. 4.

*Parua metu primo, mox sese attollit in auras,
Ingrediturque solo, & caput inter nubila condit.
Illam terra parens ira irritata deorum
Extremam (vt perhibent) Cao Enceladoque sorore*

f. j.

Progeniuit pedibus celerem & pernicibus alis.
 Monstrum horrendum, ingens, cui quot sunt cor-
 pore plumæ,
 Tot vigiles oculi subter, mirabile dictu,
 Tot lingua, totidem ora sonant, tot subrigit aures,
 Nocte volat cali medio, terraq; per umbram
 Stridens, nec dulci declinat lumina somno.
 Luce sedet custos, aut summi culmine tecti
 Turribus aut altis, & magnas territat vrbes,
 Tam ficti prauique tenax, quàm nuntia veri.

Similis est illa ex effectis gloriæ de-
 Pro Milo. finitio apud Ciceronem: Sed tamen ex
 „ omnibus præmiis virtutis, si esset habē-
 „ da ratio præmiorum, amplissimum esse
 „ præmium gloriam: hanc vnam, quæ bre-
 „ uitatem vitæ posteritatis memoria con-
 „ solaretur, quæ efficeret vt absentes adef-
 „ semus, mortui viueremus: hanc denique
 „ esse, cuius gradibus etiam homines in
 „ cælum videantur ascendere. Sic Gnato
 definitur apud Terentium:

In Eunuc. Est genus hominum, qui esse primos se omnium
 rerum volunt,
 Nec sunt tamen: hos confector, hisce ego non pa-
 ro me vt rideant,
 Sed his vltro arrideo, & eorum ingenia admiror
 simul.

*Quicquid dicunt, laudo: id rursum si negant,
laudo id quoque:*

*Negat quis, nego: ait, aio: postremò imperavi
egomet mihi*

Omnia assentari: is quaestus multò est vberrius.

Tales sunt descriptiones in poetis,
& oratoribus personarum, urbium, re-
gionum, fluminum, montium ex om-
nibus argumētorum generibus. Atque
huiusmodi definitionib⁹ perspicuis ma-
gis quàm breuibus referta sunt in bo-
nis authoribus tota volumina. nec præ-
tereūdum est reciprocationem proba-
tionis hìc eandem esse, quæ in superio-
ribus est argumentis: vt enim ex defini-
tione sæpe res definita disputatur, sic
contrà ex definita re definitio aliquan-
do concludetur. Atque toto in definien-
di genere nō tam breuitatis, quàm per-
spicuitatis habenda ratio est. non enim
memoriæ gratia solùm (quam breuitas
adiuuat) sed multò magis intelligentiæ,
quam perspicuitas efficit, definiendi via
quæ sita est. Ac certè tenendum illud est
in tradendis artibus definitiones illas
duobus vocabulis comprehensas gene-
f.ij.

re & forma, magis esse comprehensio-
nes breues, quàm faciles explicationes:
nisi ab attento diligentique doctore di-
scipulis familiariter & intelligenter ex-
ponantur. Atque vt cauendū est diligen-
ter ne quid ad disertam expositionē de-
sit, ita prouidendum ne quid redundet.

ASSUMPTA ARGUMENTA.

In sitis argumentis expositis ad ex-
trinsecus assumpta veniendum est: quæ
assumuntur, non vt insita, ex altera par-
te quæstionis, sed ex tota quæstione,
quam deus homōve negauerit aut affir-
mauerit, vnde testimonia nominantur.
Diuina sunt quæ vel à Deo ipso edun-
tur, vel ab hominibus, alijsve naturis in-
stinctu diuino afflatis funduntur. Diui-
na igitur testimonia sunt, ver a oracula,
quæ sacris literis continentur. Sed exē-
pla proferamus, qualia nobis authores
hi (quibus adhuc sumus vsi) suppeditāt,
vt illustriorem locum faciamus. Tibul.

Libro 3.

Quòd si vera canunt sacris oracula templis:

Hac illi nostro nomine dicta refert.

Hoc tibi coniugium promittit Delius ipse:

Felix, ac alium desine velle virum.

„ Cic. Itaque hoc Iudices, non sine *Pro Milo.*
 „ caussa fictis fabulis doctissimi homines
 „ memoriæ prodiderunt eum, qui patris
 „ vlciscendi caussa matrem necauisset, va-
 „ riatis hominū sententiis non solum hu-
 „ mana, sed etiam deæ sapientissimæ sen-
 „ tentia liberatum. Testimonium Palla-
 „ dis est. Humana autē testimonia sunt
 „ Philosophorum sententiæ: vt Socratis
 „ illud, Vnicum bonum scientia, & vni-
 „ cū malū, ignorantia. Et poetarū. Virgil.
 „ *Discite iustitiam moniti, & ne temnite diuos. AEni. 6.*

Iuuenalis,
Dat veniam coruis, vexat censura columbas. Saty. 2.

Horatius,
-Mors, Vltima linea rerum. Epist. 1.

Martialis,
Extra fortunam est, quicquid donatur amicis. Lib. 5.
 „ Oratorum. Cic. Proposita inuidia, *Pro Milo.*
 „ morte, pœna, qui nihilo segnius remp.
 „ defendit, is vir verē putandus est. Ex-
 „ cellentium virorum, vt Solonis: Neque *Cicero ad Brutum.*
 „ solum vt Solonis dictum vsurpem, qui
 „ & sapiens fuit vnus ex septem, & legū
 „ scriptor solus ex septem. Is répub. dua-
 „ bus rebus cōtineri dixit, præmio & pœ-
 „ f. iij.

na: huc pacta referenda sunt. Cicero
 pactum reprehendit Antonij de perdē-
Philip. 2. da republ. cum Cæsare: Quid autem
 „ agebatur, nisi vt delere & euertere rēp.
 „ funditus velles? cū te neque principes
 „ ciuitatis rogando, neque maiores natu
 „ monēdo, neque frequens senatus agen-
 „ do de vendita atque addicta sententia
 „ mouere posset. Huc etiā promissa per-
Philip. 5. tinent. Idem, Audebo etiam obligare
 „ fidem meam, P. C. vobis, populōque
 „ Romano: quod profectō cū me nulla
 „ vis cogeret, facere non auderem: perti-
 „ mescerēmque in re maximè periculosa
 „ opinionem temeritatis: promitto, reci-
 „ pio, spondeo, P. C. Cæsarem talem sem-
 „ per fore ciuē, qualis hodie sit: qualēm-
 „ que cum maximè velle & optare debe-
 „ mus. Est quoque testimonij quædam
 vis: cū iubemus contradicentem ex-
 periri. Terentius,

In Eunuc. Fac periculum in literis, fac in palaestra, in mu-
 sicis, qua liberum
 Scire æquum est adulescentem: solertem dabo.

Ouidius,

Trist. 1.

Quod magis vt liqueat, neue hoc ego fingere credar,

Ipse velim pœnas experire meas.

Huc similiter spectat iusiurandum:
quale est Virgilianum illud,

-per sidera iuro,

Ænei. 6

Per superos, & si qua fides tellure sub ima est,

Inuitus regina tuo de littore cessi.

Testimoniis autem humanis vulgo
ab imperitis & simplicibus creditur, si
prudens, probus, nostri studiosus testis
videatur. Monet tamen Socrates apud
Platonem & rhetores in præceptis de
hac ipsa re, in exquirenda veritate testi-
moniis tantum credendum esse, quan-
tum ratio permiserit. Atque idcirco hoc
argumenti genus expers artis appella-
uero, quia ferè nihil admodum appro-
bationis, id est artis huius (quæ argu-
menta & probationes ostendit) habeat.
Quamquam scio aliam huius nominis
rationem à rhetoribus afferri. Conside-
randa est ergo in testimonio causa cur di-
ctum sit: testis vita, morésque spectandi.

PERORATIO INVENTIONIS.

Haftenus inuentionis dialecticæ ge-
nera exposita sunt: in quibus singulis
quæ vis esset ostendimus. Nunc autem
f. iij.

in vniuersum monēdum illud est, propositis quæstionibus vt accommodata argumenta quærantur: Si artes, si res stabiles & æternę sunt subtiliter explicandę, ex causis assumpta declaratio aptior erit: si deliberatio de pace, iudicium de facinore, commēdatio rectē factorum, aut quiduis eorum quæ quotidie euenire solent, disputandum erit: nullus erit locus inuentionis qui iuuare non possit. Nec verò cōturbemur, quòd & causa & effectus & subiectum & adiunctū, ac omnia argumenta, eadem res esse possit: vt animal efficitur à certis causis, & quædam efficit. Idem subiectū est multorum adiunctorum, & subiecticuiusdam est adiunctum, vt terrę, idem & species & genus: argumenta enim rationes purę sunt, & nudę, & satis habent, si ratione distinguantur, quanuis aliquando in eadem re conueniant.

PETRI RAMI

VEROMANDVI

Institutionum Dialecticarum

Liber secundus.



Dispositio, est apta rerum inuentarū collocatio: quæ sanè pars doctrinæ ad memoriam etiam confirmandam plurimū valet, vt vna eadēque institutio sit duarum maximarum animi virtutū intelligentiæ & memoriæ. Itaque cū de dispositionis arte dixero, de memoriæ quoque arte dixero: sed hæc postea.

Dialecticæ dispositionis genera duo sunt, syllogismus & methodus. Syllogismus sicuti cætera huius artis præcepta ex vsu communi deducēdus nobis est: & res hîc est facillima, vt si de finibus agrorum arbiter constituatur imperitus agricola, parēsne sint agri, an im-

pares, nullam de re protinus sententiã feret, decempeda, aut alia quauis regula prius vtrunque metietur, tum si recte normæ pariter ambo conueniẽt, pares esse: sin minus, impares iudicabit. Regula tertio loco adhibita pro argumento est, cuius cum duobus agris, id est rebus in quæstione positis, dispositione & accommodatione factũ iudicium est.

Syllogismus igitur erit argumenti cum quæstione constãs & firma collocatio, vnde quæstio ipsa vera falsæve iudicatur. Hic igitur vnus argumenti cum quæstione disponendi leges & præcepta ponuntur, & quæ vera possit æstimatio de proposita quæstione fieri. Atque hæc pars est, quæ iudicium propriè nominatur, quia syllogismus de omnibus rebus iudicandi communis regula sit. Latine argumentatio & ratiocinatio dicitur. Argumentatio quia sit argumenti (quemadmodum diximus) cum quæstione collocatio. Ratiocinatio & syllogismus vna & eadẽ ratione appellatur: συλλογίζομαι enim & ratiocinor idem valent: & vtrunque à rationibus

nummariis traductum videtur: vel hinc illud est similitudine translatum: quemadmodū enim boni ratiocinatores addendo deducendōque vident quæ reliqui summa fiat, ita dialectici partibus addendis & subducendis summā quandam rationis explicant. Ut si Stoicum illud quærat, An omne bonum sit honestum? & ex adiunctis argumentum sumatur ad affirmandum quòd laudabile, argumento cum quæstionis partibus addito dispositōque conclusio breuiter sic efficitur:

Omne laudabile est honestum:

Omne bonum est laudabile:

Omne igitur bonum est honestum.

Hoc confectarium quarto de finibus Cicero verbis iisdem conclusit. In quo exemplo videmus argumentum additum cum vtraque parte quæstionis, deinde facta velut summa conclusam esse quæstionem. Syllogismi autem diuisio duplex est, diuiditur enim primū in membra quædam quibus componitur, Propositionem, Assumptionem, Complexionem. Propositio, est prima

pars syllogismi, in qua disponitur argumentum cum maiore vel utroque simul quæstionis extremo, ut in exemplo propositi syllogismi:

omne laudabile est honestum.

Vbi cum maiore parte quæstionis (*honestum*) argumentum (*laudabile*) dispositum collocatumque est. Assumptio, secunda pars est syllogismi, in qua disponitur argumentum cum minore quæstionis extremo: ut

omne bonum est laudabile.

Vbi argumentum (*laudabile*) cum minore extremo quæstionis (*bonum*) ordinatum est. Complexio, est ultima pars syllogismi, vbi quæstionis partes denuò coniunguntur: ut

omne igitur bonum est honestum.

Quæstio enim erat (*An omne bonum esset honestum*) quæ suis partibus tandem redintegrata & conclusa est. Conclusio aliquando totam ratiocinationē significat, non complexionem solam: & Cicero propriè hanc postremam partem complexionem nominat.

Secundo loco syllogismus in simpli

cem & coniunctum diuiditur. Simplex qui constat ex simplici dispositione argumenti. Vt in proposito exemplo argumentum (*laudabile*) non cum vtraque quæstionis parte simul collocatur, sed separatim cum singulis: & hîc nihil interest, an cōiuncta sit enūtiatio, modò dispositio permaneat eadem. vt si dicas,

Quicquid est laudabile, id est honestum:

Quicquid est bonum, est laudabile:

Quicquid est igitur bonum, est honestum.

Partes syllogismi non sunt enuntiationes simplices, vt in priore syllogismo, sed coniunctæ: relatæ enim sunt: dispositio tamen prorsus eadem est superiori: quod etiam copulorum pronuntiatorum commune est. Quamobrem quoniam syllogismus certa dispositio est argumenti, quæ in simplicibus enuntiatis, & in relatis, copulatisque nullo pacto mutatur, sed simplex & vniუსmodi permanet, syllogismos tales, simplices propter simplicem argumenti dispositionem nominabimus. Simplicium syllogismorū genera tria sunt. In primo argumentum maiorem par-

tem quæstionis antecedit, minorem consequitur. Cuius generis conclusionum quatuor modi affirmationis & negationis generalis aut specialis differentia distinguuntur.

PRIMVS MODVS.

Primus modus vsquequaque vniuersus & affirmatus:

Quicquid est iustum, idem est vtile:

Quicquid est honestum, idem est iustum:

Quicquid igitur est honestum, idem est vtile.

Quod ita conclusit Cicero: Summa

- „ quidem autoritate philosophi seuerè
 „ sanè atque honestè hæc tria genera con-
 „ fusa, cogitatione distinguunt. Quicquid
 „ enim iustum sit, id etiam vtile esse cen-
 „ sent. Itémque quod honestum, idem ius-
 „ tum. Ex quo efficitur, vt quicquid ho-
 „ nestum sit, idem sit vtile. Ouidius aliter,
 „ sed breuius conclusit, cum quæreret à
 „ Iano, quare annus à bruma inciperet:

Fast. l.

Quasieram multis, non multis ille moratus

Contulit in versus sic sua verba duos:

Bruma noui prima est, veterisq; nouissima solis,

Principium capiunt Phæbus & annus idem.

Complexio ex quæstione intelli-

Bara

a uniuersa

sa aut

mat.

offic. 2.

tur: Assumptio secundo loco est: Propositio ultimo.

Principium Phæbi, est anni principium:

Bruma est principium Phæbi:

Bruma igitur est anni principium.

Item,

Omnia quæ secundum naturam sunt, habenda sunt in bonis:

Senibus emori secundum naturam est:

Senibus igitur emori bonum.

Sic Cato concludit apud Ciceronē,

de Senect.

„ Omnia verò (ait) quæ secundum natu-
„ ram fiunt, sunt habenda in bonis. Quid
„ est autem tam secundū naturam, quàm
„ senibus emori? quod idem contingit a-
„ dolescentibus aduersante & repugnan-
„ te natura. Itaque adolescentes mori sic
„ mihi videntur, vt cū aquæ multitudi-
„ ne vis flammę opprimitur: senes autem
„ sic vt sua sponte nulla adhibita vi con-
„ sumptus ignis extinguitur. Syllogismos
verò breues & strictim ad artis legem
conclusos perrarè in poetis & oratori-
bus, atque etiam in philosophis, & om-
nino in hominum non ineptorum &
imperitorum sermonibus inuenies: sed
vſus sequendus nobis tamen est, & sen-

tentiæ ad dispositionem doctrinæ referendæ sunt: ridiculam enim faciemus artem, si statuemus nullum esse hominum stabile iudicium, nisi quod tribus verbis fuerit expressum: sententia ponderanda est, non numeranda verba sunt. Et quemadmodum naturalis iudicij sedes non in lingua & manu, sed in animo & mente collocatur: sic artificiosi iudicij ratio non ex verbis, quæ promuntur voce aut scripto, sed ex orationis intimo sensu habenda est.

S E C U N D U S M O D U S.

Secundus modus vsquequaque vniuersus, sed assumptione duntaxat affirmatus.

Nihil quod miseri possessoris esse possit, bonū est: Omnia fortuna commoda miseri possessoris esse possunt:

Nulla igitur fortuna commoda bona sunt.

Tuscul. 5.

Cic. Non sunt igitur ea bona dicenda, nec habenda, quibus abundantem licet esse miserrimum. An dubitas quin præstans valetudine, viribus, forma, acerrimis, integerrimisque sensibus, adde etiam, si lubet, perniciatē & veloci-

relaret

e unine

usa ne

gato

„tatem : da diuitias , honores , imperia ,
 „opes , gloriam : si fuerit is , qui hæc ha-
 „bet , iniustus , timidus , hebeti ingenio
 „atque nullo , dubitabísne cū miserū dice-
 „re? Qualia igitur ista bona sunt , quæ qui
 „habeat , miserrimus esse possit? Horat.

*Libro 1.
 Epiſt.*

*Quo melior seruo , quo liberior sit auarus ,
 In triuijs fixum cum se demittit ob assem ,
 Non video : nam qui cupiet , metuet quoque : porro
 Qui metuens viuit , liber mihi non erit vnquam.
 Breuius ita facies :*

*Nemo timidus est liber :
 Omnis auarus est timidus :
 Nullus auarus igitur est liber.*

Auarum & cupidum pro eodem hîc
 intelligit : & sic Terentiana illa de re-
 gendo amore consultatio concluditur :

Here qua res in se neque consilium , neque modum *In Eunuc.*
Habet vllum , eam consilio regere non potes .
In amore hæc omnia insunt vitia , iniuria ,
Suspiciones , inimicitia , inducia ,
Bellum , pax rursus . incerta hæc si tu postules
Ratione certa facere , nihilo plus agas ,
Quàm si des operam , vt cum ratione insanias .
 Hæc sententia breuius ita concluditur :
Nulla res consilio , modoque destituta , consilio regi
potest :

*Omnis amor est consilio, modòque destitutus:
Nullus igitur amor consilio regi potest.*

Reliqui modi speciales sunt ex assumptione & complexione specialibus.

TERTIVS MODVS.

Tertius modus affirmatus vsquequaque, sed propositione tantum vniuersus.

Omnes COSS. virtutis commendatione facti, remp. maximè tueri debent:

*Quidam sunt COSS. virtutis cõmendatione facti:
Quidam igitur remp. maximè tueri debent.*

Nihil autem refert pro speciali proprium enuntiatum ponere.

Omnes COSS. virtutis commendatione facti, remp. maximè tueri debent:

*Cicero est consul virtutis commendatione factus:
Cicero igitur remp. acerrimè tueri debet.*

Agra. 2.

Sic de se Cicero, Nam cùm omniũ consulum grauis in repub. custodienda cura ac diligentia debet esse, tum eorum maximè qui non in incunabulis, sed in campo sunt consules facti. Nulli populo Romano pro me maiores mei sponderunt, mihi creditum est: à me petere quod debeo, meipsum appellare debetis: quemadmodum cùm petebam, nulli me vobis authores generis mei

*A aru
i specu
alis afit
matus*

commendarunt : sic siquid deliquero ,
nullæ sunt imagines, quæ me à vobis de-
precentur . Quare modò ut vita suppe-
tat, (quâquam ego sum is, qui eam pos-
sim ab istorum scelere insidiisque defen-
dere) polliceor hoc vobis, Quirites, bo-
na fide, rempub. vigilanti homini, non
timido, diligenti, non ignauo commissi-
stis. Sic Ovidius breuiter,

Prospera lux oritur: linguisq, animisque fauete, Fast. i.
Nam dicenda bono sunt bona verba die.

Assumptio prima est, complexio secun-
da, propositio postrema.

*Cum culpa careas, aduersa fortuna fortiter est fe-
renda:*

Euander culpa caret:

Euandro igitur fortuna fortiter est ferenda.

Sic Ovidius,

Cui genitrix flenti, fortuna viriliter, inquit, Fast. i.
Siste puer lachrymas, ista ferenda tibi est.

Sic erat in fati, nec te tua culpa fugauit,

Sed Deus offenso pulsus es Vrbe Deo.

Nec meriti pœnam pateris, sed numinis iram:

Est aliquid magnis crimen abesse malis.

Conscia mens ut cuique sua est, ita concipit intra

Pectora pro facto spemque metumque suo.

QUARTVS MODVS.

Quartus modus sola & præpositio-
ne vniuersus, & assumptione affirmatus:

Nemo sobrius saltat:

Murena est sobrius:

Murena, igitur non saltat:

Feruo
o specul
atib no
gata
Locus est in defensione Murenæ, vbi
saltatorem appellauerat Lucium Mu-
renam Cato: Quare cum ista sis autho-
ritate, non debes M. Cato arripere ma-
ledictum ex triuio, aut ex securarum ali-
quo conuitio, neque temerè consulem
P. Romani saltatorem vocare, sed con-
spicere quibus præterea vitiis affectum
esse necesse sit eum, cui verè istud obiici
possit. Nemo enim ferè saltat sobrius,
nisi fortè insanit: neque in solitudine,
neque in conuiuium moderato atque ho-
nesto: intempestiui conuiuij, amœni lo-
ci, multarum deliciarum comes est ex-
trema saltatio. Tu mihi arripis id quod
necesse est omnium vitiorum esse po-
stremum: relinquis illa, quibus remotis,
hoc vitium omnino esse non potest. Nul-
lum turpe conuiuium, non amor, non
comessatio, non libido, non sumptus

„ostenditur: & cùm ea non reperiuntur,
 „quæ voluptatis nomen habent, quæque
 „vitiosa sunt, in quo ipsam luxuriam re-
 „perire nō potes, in eo te umbram luxu-
 „riæ reperturum putas?

Nullus amantis puellæ deceptor est laudandus:

Demophon est Phillidis puella deceptor:

Demophon igitur non est laudandus.

Ovidius duobus distichis idem cōclūsit: *In Epist.*

Fallere credentem non est operosa puellam *Phyllidis.*

Gloria: simplicitas digna favore fuit.

Sum decepta tuis & amans & fœmina verbis:

Dij faciant, laudis summa sit ista tua.

Secundum genus simplicium syllo-
 gismorum est, in quo argumentū vtran-
 que partem quæstionis consequitur. Cu-
 ius generis sicuti superioris quatuor mo-
 di sunt. Primus & Secundus, vniuersi.
 Tertius & Quartus, singulares.

PRIMVS MODVS.

Primus modus vsquequaque vni-
 uersus, sed assumptione duntaxat af-
 firmatus: *moien cognit' est*

Nullis naturalis hominum cibus est cade & san-
guine cruentus:

Omnis esus carniū est cade & sanguine cruentus:

g. iij.

cesare

et subter

*Nullus igitur esus carniū est naturalis hominū
cibus.*

Hac conclusione Pythagoræ ratiocina-
tio apud Ouidium continetur. Cuius
quæstio initio sic est:

*Metam. 15. Parcite mortales, dapibus temerare nefandis
Corpora.*

Deinde ratio propositionis præcedit ex
enumeratione partium:

*-sunt fruges, sunt deducuntia ramos
Pondere poma suo, tumidaq; in vitibus vuae:
Sunt herba dulces, sunt quæ mitescere flamma,
Molliriq; queant, nec vobis lacteus humor
Eripitur, nec mella thymi redolentia flore.*

Propositio sequitur:

*Prodiga diuitias, alimentaque mitia tellus
Suggerit, atque epulas sine cade & sanguine præbet.
Tū alia cōfirmatio ex aduersis additur:
Carne fera sedant ieiunia, nec tamen omnes:
Quippe equus & pecudes, armenta que gramine
viuunt.*

*At quibus ingenium est immanis uetumq; ferumq;
Armenia tigres, iracundi que leones,
Cumque lupis vrsi dapibus cum sanguine gaudent.
Assumptionis sententia proxima est:*

*Heu quā cruentus & sceleratus est esus carniū.
Heu quantum scelus est in viscere viscera condi,*

*Congestoque avidum pinguescere corpore corpus,
 Alteriusque animantem animalis vivere letho.
 Cōplexio tandem ponitur cū iteratione
 argumenti & comparationis accessione:
 Scilicet in tantis opibus, quas optima mater
 Terra creat, nil te nisi tristia mandere sauo
 Vulnere dente iuuat, ritusque referre Cyclopum:
 Nec nisi perdideris alium, placare voracis
 Et malè placati poteris ieiunia ventris.*

Hæc Pythagorica monitio in hunc modum conclusa est, multisque postea ornamentis illustrata:

Nullus animus conturbatus, bene affectus est ad rationem utendum:

Sapientis animus ita semper affectus est, ut ratione optimè utatur:

Nunquam igitur sapientis animus est perturbatus.

Cicero syllogismum hunc ita confit- Tuscu. 3.

„ cit: Et quemadmodum oculus contur-
 „ batus non est probè affectus ad suū mu-
 „ nus fungendum, & reliquæ partes, to-
 „ tūmve corpus à statu cū est motum,
 „ deest officio suo & muneri: sic contur-
 „ batus animus non est probè affectus ad
 „ exequendum munus suum. Munus au-
 „ tem animi est ratione uti, & sapientis
 „ animus ita semper affectus est, ut ratio-
 „ g. iij.

ne optimè vtatur: nunquam igitur est
perturbatus.

SECUNDVS MODVS.

Ameseres

Secundus modus vsquequaque est
vniuersus, sed propositione duntaxat
affirmatus: vt

Omnes veri amici communia habent omnia:

Nulli hoc tempore communia habent omnia:

Nulli itaque hoc tempore veri sunt amici.

Martialis hanc ratiocinationem sic
conclufit:

Libro 6.

Quòd non fit Pylades hoc tempore, non fit Orestes,

Miraris? Pylades Marce bibebat idem:

Nec melior panis, surdusue dabatur Oresti:

Sed par atque eadem cœna duobus erat.

Tu Lucrina voras, me pascit aquosa Peloris:

Non minus ingenua est & mihi Marce gula.

Te Cadmaa Tyros, me pinguis Gallia vestit:

Vis te purpureum Marce sagatus amem?

Vt præstet Pyladen, aliquis mihi præstet Oresten,

Hoc non fit verbis, Marce, vt ameris, ama:

Quod speciatim de Pylade & Ore-
sti dicit, de veris amicis generaliter est
intelligendum. Item quod de se & Mar
ce, de omnibus eiusdem temporis ho-
minibus est accipiendum.

*Omnis interitus est secretio partium cōpositarum:
Nullus autē animus partibus cōpositis secernitur:
Nullus igitur animus interit.*

Sic Cicero ratiocinatur: Assumptio prima est, complexio secunda, propositio vltima: In animi autem cognitione *Tuscu. 5.*
dubitare non possumus (nisi planè in
physicis plumbei sumus) quin nihil sit
animis admistum, nihil concretum, nihil
copulatum, nihil coagmentatum,
nihil duplex: quod cū ita sit, certè nec
secerni, nec diuidi, nec discerpi, nec distrahi
potest, nec interire igitur: est enim
interitus quasi discessus & secretio ac dirēptus
earum partium, quæ ante interitum
iunctione aliqua tenebantur. Reliqui modi
velut in primo genere speciales ex assumptione
& complexione specialibus efficiuntur.

TERTIVS MODVS.

Tertius modus sola & assumptione affirmatus, & propositione vniuersus: apud Ouidium,

Liuor, iners vitium, mores non exit in alto

3. de Ponto.

Utq; latens ima vipera serpit humis

Mens tua sublimis supra genus emittit ignem,

*Grandius ingenio nec tibi nomen ineſt.
 Ergo alij noceant miſeris, opténtque timeri:
 Tinctáque mordaci ſpicula felle gerant.
 At tua ſupplicibus domus eſt aſſueta iuandis,
 In quorum numero me precor eſſe velis.
 Quod breuius ita concluditur:
 Nullus liuidus petit alta:
 Maximus petit alta:
 Maximus igitur non eſt liuidus.
 Nullius ſenſu carētis pars aliqua poteſt eſſe ſentiēs:
 Mundi autem partes ſentientes ſunt,
 Non igitur caret ſenſu mundus.*

2. de Natu
 deorum.

Zeno iis verbis apud Ciceronem ita
 ratiocinatur. Cicero in paradoxis ſimi-
 liter concludit, cū diſputat eo tempo-
 re ciuitatem non fuiſſe, cū à Clodio
 eiectus eſt:

*Nulla ciuitas eſt latronum congregata multitudo:
 Cū eiectus ſum Roma, fuit latronum congregata
 multitudo:*

Cū igitur eiectus ſum Roma, ciuitas non fuit.

- » Quæ eſt enim ciuitas, ait, omniſne
 » conuentus etiam ferorum & immaniū?
 » omniſne etiam fugitiuorum ac latro-
 » num congregata vnum in locum mul-
 » titudo? Certè negabis. Non igitur erat
 » tum ciuitas, cū leges in ea nihil vale-

1. bant, cùm iudicia iacebāt, cùm mos pa-
 2. trius occiderat, cùm ferro pulsus magi-
 3. stratibus senatus nomen in republica
 4. non erat: prædonum ille concursus & te
 5. duce latrocinium in foro constitutum,
 6. & reliquæ coniurationis à Catilinæ
 7. furiis ad tuum scelus, furorémque con-
 8. uersæ num ciuitas erat? Itaque pulsus
 9. ego ciuitate non sum, quæ nulla erat.

QUARTVS MODVS,

Quartus modus sola propositione &
 vniuersus & affirmatus:

Scribentes bona carmina debent esse lati:

Ouidius non est latus:

Ouidius itaque non scribit bona carmina.

Hanc excusationem de suis carminibus
 hic poeta tradidit in Tristibus, sed duos
 præterea syllogismos effecit:

Carmina proueniunt animo deducta sereno:

Libro 1,

Nubila sunt subitis tempora nostra malis.

Carmina secessum scribentis & otia querunt:

Me mare, me venti, me fera iactat hyems.

Carminibus metus omnis abest: ego perditus ensem

Hæsurum iugulo iam puto, iamque meo.

Hæc quoque quæ facio, iudex mirabitur æquus,

Scriptæque cum venia qualiacunque leget.

Cicero ad hunc modum argumentatur
decemuiratum Rulli regnum non esse:

Omne regnum est finitum:

Decemuiratus Rulli non est finitus:

Decemuiratus igitur Rulli non est regnum.

Agrar. 2.

Verbum mihi deest, *Quirites*, cùm
„ ego hanc potestatem regiam appello:
„ sed profectò maior est quædam: nullum
„ enim regnum fuit vnquam, quod non
„ si minus iure aliquo, at regionibus ta-
„ men certis contineretur. Hoc verò in-
„ finitum est, quo & regna omnia, & ve-
„ strum imperium, quod latissimè pater,
„ & ea quæ partim libera à vobis, partim
„ etiam ignorata vobis sunt, permissu le-
„ gis continentur. Complexio prima est:
propositio secunda: assumptio tertia.

Secundum genus simplicium syllo-
gismorum numerum conclusionū pri-
mo generi parem habet, tametsi in eo
nihil nisi negatum concluditur. Est
autem minus illustre, minúsque natura-
le, quàm primum: frequenter tamen in-
cidit. Tertium genus reliquū est è sim-
plicibus, in quo argumentum vtranque
partem quæstionis antecedit. Modos

autem plures habet, quàm superiora genera, omnes tamen specialis & singularis complexionis. Sex autem sunt.

PRIMVS MODVS.

Primus modus vsquequaque affirmatus, sed propositione & assumptione duntaxat vniuersus:

Omnes tyranni sunt improbi:

Omnes tyranni sunt locupletes:

Aliquis igitur locuples est improbus.

SECUNDVS MODVS.

Secundus modus, assumptione duntaxat affirmatus, propositione autem & assumptione vniuersus:

Nulli reges sunt improbi,

Omnes reges sunt locupletes:

Aliquis igitur locuples non est improbus.

Reliqui quatuor modi vnâ tantum partem generalem habent.

TERTIVS MODVS.

Tertius modus est vsquequaque affirmatus, sed assumptione tantum vniuersus:

Aliquis tyrannus est improbus:

Omnis tyrannus est locuples:

Aliquis igitur locuples est improbus.

to arapit

fo lapti

to isanis

QUARTVS MODVS.

I. A. T. M.

Quartus modus est vsquequaque affirmatus, sed propositione tantū vniuersus:

Omnis tyrannus est improbus:

Aliquis tyrannus est locuples:

Aliquis igitur locuples est improbus.

QVINTVS MODVS.

B. C. A. R. D. O.

Quintus modus est sola assumptione & vniuersus & affirmatus:

Aliquis rex non est improbus:

Omnis rex est locuples:

Aliquis igitur locuples non est improbus.

SEXTVS MODVS.

I. T. R. I. C. O.

Sextus modus est sola & propositione vniuersus, & assumptione affirmatus:

Nullus rex est improbus:

Aliquis rex est locuples:

Aliquis igitur locuples non est improbus.

Tuscu. 5.

Conclusiones huius postremi generis sunt admodum infrequentes. Locus est apud Ciceronem, sed parum acutè conclusus: iam verò quī potest vir bonus non ad id quod laudabile sit, omnia referre, quæ agit, quæ sentit? refert autem omnia ad beatè viuendum: beata igitur vita laudabilis. Sic autem rectè conformaretur primo modo:

Vir bonus est laudabilis:

Vir bonus est beatus:

Beatus igitur est laudabilis.

Specialiter tamen duntaxat concludi istud potest:

Beatus igitur aliquis est laudabilis.

Et secundo de finibus his verbis:

Qui in summo malo est, iste cum in eo est, non est beatus:

sapiens autem semper beatus est, & est aliquando in dolore:

Non est igitur summum malum dolor.

In hoc tertio genere illud est notabile, quod eandem quaestionem tribus modis, primo, tertio, quarto affirmatam, item secundo, quinto, sexto negatam concludere liceat.

In omni autem simplicium syllogismorum genere ex omnibus propriis enuntiationibus concludere possumus, vno tantum ex praescriptis legibus obseruato, vt affirmatio negatioque ad rationem dispositionis expositae conueniant. Ita duo duntaxat erunt in vnoquoque genere modi proprii atque in primo.

PRIMVS MODVS.

Octauius est haeres à Casare relictus:

Tu es Octavius:

Tu igitur es haeres à Cesare relictus.

SECUNDVS MODVS.

Antonius non est filius Caesaris:

Tu es Antonius:

Tu non es igitur filius Caesaris.

SECUNDI GENERIS

primus modus.

Agesilaus non est pictus ab Apelle:

Alexander est pictus ab Apelle:

Non est igitur Alexander Agesilaus.

SECUNDVS MODVS.

Cesar patriam oppressit:

Pompeius non oppressit patriam:

Pompeius igitur non fuit Caesar.

TERTII GENERIS

primus modus.

Cicero est parens patria:

Cicero est parens eloquentia:

Aliquis itaque parens eloquentia est parens patria.

SECUNDVS MODVS.

Catilina non est iustus:

Catilina est Romanus:

Aliquis igitur Romanus non est iustus.

Ac de syllogismis simplicibus. Coniuncti deinceps sunt explicandi. Con-

iunctum autem syllogismum dico, cuius propositio dispositū habet cū vtraque parte quæstionis argumentum. Genera duo sunt, Connexus & disiunctus. Connexus syllogismus à propositione connexa nominatur. Cuius modi duo sunt.

PRIMVS MODVS.

Primus modus retinet antecedens, vt consequens retineat.

Si dy sunt, diuinitio est:

sunt autem dy:

Est ergo diuinitio.

Cicero his verbis concludit diuinationem esse. Cicero rursus, sed vberius: 2. de Diui.
de Senect.

„ O miserum senem, qui mortē contem-
 „ nendam esse in tam longa ætate non
 „ viderit: quæ aut planè negligenda est, si
 „ omnino extinguit animum: aut etiam
 „ optanda, si aliquò eum deducit, vbi sit
 „ futurus æternus: Atqui tertium certè
 „ nihil inueniri potest. Quid igitur ti-
 „ meam, si aut non miser post mortem,
 „ aut beatus etiam futurus sum? Breuius
 „ & clarius ita concludere:

*Si mors extinguit animum, negligenda est: si æ-
 ternum relinquit, optanda:*

h. j.

*Atqui vel extinguit, vel aeternum relinquit:
Est igitur aut negligenda, aut optanda.*

Dido apud Virgilium:

*Æne. 4. Si bene quid de te merui, fuit aut tibi quicquam
Dulce meum, miserere domus labentis, & istam
Oro: si quis adhuc precibus locus, exue mentem:
Te propter Libyæ gentes, Nomadumque tyranni
Odere, infensi Tyrij, te propter eundem
Extinctus pudor, & qua sola sydera adibam,
Fama prior, cui me moribundam deseris hospes?*

Aliquando, verò non retinetur idẽ,
Catil. 1. sed plus assumitur. Cicero, Si te paren-
” *tes timerent, atque odissent tui, neque*
” *illos vlla ratione placare possis, vt opi-*
” *nor, ab eorum oculis aliquò concede-*
” *res. Nunc te patria (quæ communis est*
” *omnium nostrũ parens) odit ac metuit,*
” *& iamdiu de te nihil iudicat, nisi de par-*
” *ricidio suo cogitare. huius tu neque au-*
” *thoritatem verebere, neque iudiciũ se-*
” *quẽre, neque vim pertimẽsces?*

SECUNDVS MODVS.

Secundus modus connexus tollit
consequens, vt tollat antecedens. Cice-
ro in Lucullo his verbis:

si vlli rei sapiens assentiatur vsquam, aliquando

etiam opinabitur:

Nunquam autem opinabitur:

Nulli igitur rei assentietur.

Et Ovidius,

Si scirem, doctas odissem iure sorores,

2. Trist.

Numina cultori pernicioſa ſuo:

At nunc tanta meo comes eſt inſania morbo,

Saxa memor refero rurfus ad icſta pedem.

Aliquando non tollitur nominatim
conſequentis aſſeueratio, ſed hypothe-
ſis diſſentanea ponitur, quod eodẽ con-
cluſionis genere tenetur. Cicero in An-
tonium, Si conſul Antonius, ſuſtuarium *Philip. 3.*
meruerunt legiones quæ conſulem reli-
querunt: ſceleratus Cæſar, Brutus neſa-
rius, qui contra conſulem priuato con-
ſilio exercitus comparauerunt: ſin autem
militibus exquirendi ſunt honores no-
ui propter eorum diuinum atque im-
mortale meritum, ducibus autem nec
referri quidem poteſt gratia, quis eſt
qui cum non hoſtem exiſtimet, quem
qui armis perſequuntur, conſeruatores
reipub. iudicantur? Idem in alia oratio-
ne breuius:

Si conſul Antonius, Brutus hoſtis:

Philip. 4.

Si conſeruator reip. Brutus, hoſtis Antonius.

h. ij.

Omniū porrò syllogismorum & simplicium & coniunctorum nullus est his duobus connexis in omni disputationis genere, neque frequentior, neque familiarior.

Aliquando autem secundum hos conexorum syllogismorum modos, simpliciter tamen, non coniunctè concluditur, cum non idem vel assumatur, vel tollatur: sed ex generali speciale. Sic Catullus ad Lesbiam secundum primi conexi modum:

*Si quicquā cupidoq̃, optantiq̃ obtigit unquā, &
Insperanti, hoc est gratum animo propriè.*

Quare hoc est gratum, nobis quoque charius auro,

Quod te restituis Lesbiam mi cupido,

Restituis cupido, atque insperanti ipsa refert te

Nobis: ô lucem candidiore nota,

*Quis me uno vivit felicior? aut magis hac quid
Optandum vita, dicere quis poterit?*

Quod brevius conclusum, facilius intelligetur isto modo:

Si quicquam cupido obtigit, verè gratū est:

Lesbia Catullo cupido obtigit:

Est igitur Lesbia grata Catullo.

Atque eodem modo cæteris de rebus licet concludere:

Si quicquam est iustum, idem est utile:

Quicquid verò est honestum, iustum est:

*Quicquid igitur est honestum, est utile. Itē,
si quid homo est, animal est:*

Socrates homo est:

Socrates igitur animal est.

Qua ratione in secundi connexi reliquo modo concludi constanter & dialecticè potest.

EXEMPLVM SECVNDI MODI.

Si quicquam homo est, animal est:

Lapis non est animal:

Lapis igitur homo non est.

Disiunctus syllogismus restat, id est cuius propositio disiuncta est: modi eius duo sunt.

PRIMVS MODVS.

Primus modus tollit vnum, vt retineat quod reliquum est.

Cæsaris interfectores homicida sunt, aut vindices libertatis:

Non sunt autem homicida:

Sunt igitur vindices libertatis.

Cicero hoc syllogismo concludit Brutum, Cassium, cæterosque tyrannos vindices esse libertatis: Nun-

Philip .1.

h. iij.

„ quàmne intelliges statuendum tibi esse
„ vtrum illi, qui istam rem gesserunt, ho-
„ micidæ sint, an vindices libertatis? At-
„ tende enim paulisper, cogitationemque
„ sobrij hominis ad punctum temporis
„ suscipe, & ego qui sum illorum, vt ipse
„ fateor, familiaris, vt à te arguor, socius,
„ nego quicquam esse medium: confiteor
„ eos nisi liberatores populi Romani cõ-
„ seruatoresque reipublicæ sint, plus quàm
„ sicarios, plus quàm homicidas, plus quàm
„ parricidas esse: siquidem est atrocius pa-
„ triæ parentem, quàm suum occidere.
„ Tu homo sapiens & considerate quid
„ dicis? Si parricidæ, cur honoris causâ à
„ te sunt & in hoc ordine & ad populum
„ Romanum semper appellati? Cur Mar-
„ cus Brutus te referente legibus est solu-
„ tus, si ab vrbe plus quàm decem dies ab-
„ fuisset? Cur ludi Apollinares incredi-
„ bili Marci Bruti honore celebrati? Cur
„ prouinciæ Cassio & Bruto datæ? Cur
„ quæstores additi? Cur legatorum nu-
„ merus additus? Atque hæc acta per te:
„ non igitur homicidæ. Sequitur vt libe-
„ ratores tuo iudicio sint, quandoqui-

„ dem tertium nihil potest esse. Sic Ovidius de Ponto,

Aut ego me fallo, nimiaque cupidine lador:

Libro 2.

Aut spes exilij commodioris erit.

Nā minus & minus est facies in imagine tristis,

Visaque sunt dictis annuere ora meis.

Vera precor fiant timida presagia mentis:

Iusta que quanvis est, sit minor ira Dei.

Intelligetur apertius hoc modo:

Aut me fallo, aut exilio leuabor:

Non me autem fallo:

Leuabor igitur exilio.

In disiuncta propositione nihil interest plura duobus proponantur: eadem enim tollendi est retinendique ratio. Cicero, Atqui videmus hæc in re- *Pro Rab.*
 „ rum natura tria fuisse, vt aut cum Satur- *Perd.*
 „ nino esset, aut cum bonis, aut lateret:
 „ latere mortis erat instar turpissimæ: cū
 „ Saturnino esse, furoris & sceleris: virtus
 „ & honestas & pudor cum consulibus
 „ esse cogebat.

SECUNDVS MODVS.

Secundus modus disiunctus retinet vnum vt tollat reliquum. Firmus tantum est, cū omnes propositionis partes affirmantur.

h. iiij.

Sic Iuno de Turno ad Iouem, cùm
orat vt eum conferuet:

AENE, 10 -quid siquod voce grauari,
Mēte dares, atque hac Turno rata vita maneret?
Nunc manet infontem grauis exitus, aut ego Verè
Vana feror: quod vt ô potius formidine falsa
Ludar, & in melius tua qui potes orsa reflectas.

Pro Cluēt. Cicero, Sed cùm esset hæc illi pro-
» posita conditio, vt aut iustè pièque ac-
» cusaret, aut acerbè, indignèque more-
» retur: accusare quoquomodo posset, &
» illo modo emori maluit. Disiuncti vis
explicatio sic erit,

Aut accusandum, aut moriendum:

Sed accusandum:

Non igitur moriendum.

Ouidius,

9. Meta. Nam quòd te iactas Alcmena matre creatum,
Iuppiter aut falsus pater est, aut crimine verus:
Matris adulterio patrem petis: elige fictum
Esse Iouem malis, an te per dedecus ortum.

Cicero vtriusque disiuncti vim propo-
» nit pro Cluentio: Vnum quidem (ait)
» certè, nemo erit tam iniquus Cluentio,
» qui mihi non concedat, si constet corru-
» ptum illud esse iudicium, aut ab Habi-
» to, aut ab Oppianico esse corruptum.

„ Si doceo non ab Habito, vinco ab Oppianico. Si ostendo ab Oppianico, purgo Habitum. Primus igitur syllogismus sic esset:

Iudicium aut ab Habito, aut ab Oppianico est corruptum:

Non est autem ab Habito corruptum:

Est igitur ab Oppianico.

Secundus sic,

Iudicium aut ab Habito, aut ab Oppianico est corruptum:

Est autem ab Oppianico corruptum:

Non igitur ab Habito.

COPULATA CONCLUSIO.

Secundo disiuncto similis est negantia copulatę pronuntiationis, in qua tantum vnum retinere licet, ut quod reliquum est tollatur.

Non & dies & nox est:

Dies autem est:

Non igitur nox est.

DE ENTHYMEMATE.

Syllogismorū species & modi præterea nulli sunt: Nomina tamen quædā restant explicanda, quæ novas argumentationis & syllogismi species significare

vulgò existimantur: Enthymema, Inductio, Exemplum, Dilemma, Sorites: de enthymemate, facilius est expedire. Syllogismus in hominū sermone perrarò partibus omnibus absoluitur, aliàs propositio deest, aliàs assumptio. Id cū fit enthymema, nominatur: syllogismus quippe truncatus & imperfectus. Vtrunque vno exemplo demonstrare

Cic. de Senectute.

possimus. At sperat adolescens diu se victurum, quod sperare idem senex non potest. Insuper sperat. Quid enim est
 „ stultius, quàm incerta p̄ certis habere,
 „ falsa pro veris? Senex nec quod speret
 „ habet. At est eo meliore conditione,
 „ quàm adolescens: cū id quod ille sperat,
 „ hic assequutus sit: Ille vult diu vivere,
 „ hic diu vixit. In prima prolepsi deest
 assumptio, in secunda propositio: quibus additis syllogismos ita perfice.

Primum sic,

Incerta pro certis habere, falsa pro veris, stultitia summa est:

Adolescens sperans se diu victurum, habet incerta pro certis, falsa pro veris:

Adolescenti igitur sperare se diu victurum summa stultitia est.

Secundum sic,

*Qui assequutus est, meliore est conditione, quàm
qui sperat:*

*senex assequutus est longam vitam, quam sperat
adolescens:*

Senex igitur eo meliore est conditione, q̃ adolescēs.

Tot autem anthymematum species
sunt, quot syllogismorum: imò duplo
plures. In vno quoque enim conclusio-
num & simplicium & coniunctarū mo-
do detracta vel propositione vel assump-
tione fit enthymema.

INDUCTIO.

Inductio nō est argumentationis no-
men: sed argumenti ex distributionis
loco sumpti: Nam cū partes enume-
rantur ad concludendum totum, indu-
ctio vocatur: vt apud Ouidium,

Materiamque tuis tristem virtutibus imple,

4. Trist.

Ardua per praeceptis gloria vadit iter:

Hectora quis nosset, fœlix si Troia fuisset?

Publica virtutis per mala facta via est.

Ars tua Tiphys iacet, si non sit in aquore fluctus:

Si valeant homines, ars tua Phœbe iacet.

Qua latet, inque bonis cessat non cognita rebus,

Apparet virtus, arguiturque malis.

EXEMPLVM.

Exemplum item nomen est argumenti, non argumentationis, & ferè species est rerum, de quibus agitur: & hoc solo differt ab inductione, quòd inductio aut omnes, aut còplures partes colligit. Exemplum vnā tantum sumit, vt si tantummodò dixisset Ouidius,

4. *Trist.* *Materiamque tuis tristem virtutibus imple,
Ardua per praecepta gloria vadit iter.
Hectora quis nocet felix, si Troia fuisset?
Publica virtutis per mala facta via est.*

Nihil igitur ad iudicium inductio & exemplum pertinent, sed ad inuentionis locum de partibus.

DILEMMA.

Dilemma similiter argumenti nomen ex dissentaneis assumpti significat, & ferè propositio est syllogismi sine assumptione, quale est illud Protagoræ aduersus Euathlum pro dimidio promissæ mercedis pretio litigantis, quod persoluturus erat Euathlus, cum primū causam aliquā egisset, obtinissetque. Ita cum spe fallendi præceptoris ad fo-

rum tardius accederet, sic est cum Pro-
tagoras aggressus: Disce (inquit) Eua-
thle adolescens, utroque id fore modo
viti reddas, quod peto, siue cōtra te pro-
nuntiatum erit, siue pro te: Nam si con-
tra te lis data erit, merces mihi ex sen-
tētia debebitur, quia ego vicero: sin ve-
rò secundum te iudicatum erit, merces
mihi ex pacto debebitur: quia tu vice-
ris. Ad ea respondit Euathlus: Potui
(inquit) huic tuæ tam ancipiti captioni
iisse obuiam, si verba non ipse facerem,
sed alio patrono vterer. Sed mihi in ista
victoria proludium est, cū te non in
caussa tantū, sed in argumento quo-
que isto vinco. Disce igitur tu quoque
magister sapientissime utroque modo
fieri vti non reddam, quod petis, siue
contra me pronuntiatum fuerit, siue
pro me. Nam si iudices pro mea causa
senferint, nihil tibi ex sententia debebi-
tur, quia ego vicero: Sin cōtra me pro-
nuntiauerint, nihil tibi ex pacto debe-
bo, quia ego non vicero. Hæc Gellius.
Quæstio igitur nuda statuatur hoc mo-
do, An quicquid pronuntiauerint iudi-

ces, debeat Euathlus. Syllogismi ex propositis dilemmatis duo ita perficientur.

Primus hoc modo,

Si pronuntiatum erit contra te, debebis ex sententia: si secundum te, ex pacto:

Sed hoc, aut illud:

Debebis igitur.

Secundus hoc modo,

si iudices senserint pro me, nihil ex sententia: si contra, nihil ex pacto debebo:

At hoc, aut illud:

Nihil igitur debebo.

Ita vides dilemma propositionem esse syllogismi, cuius vis intelligitur planius assumptione & conclusione additis, sed captiuncula est interposita, quæ pacti voluntate & æquitate interpretanda est, non verbis distinguenda. Martialis brevius est dilemma ad Domitianum, cum petit ius triumvatorum:

Libro 2. Hac, si displicui, fuerint solatia nobis:

Hac fuerint nobis premia, si placui.

Adde huic propositioni assumptionem:

Sed hoc aut illud:

Tum conclude,

Quare solatia erunt, vel premia, quæ dabis.

SORITES.

Sorites syllogismus ferè plenus est, sed assumptio sæpe præponitur, & pronuntiationes variae interiectæ commiscuntur. Ita in vnum soritem multi sæpe sunt inclusi syllogismi. Atque hoc genus ideo lubricum est & periculosum, quia in hac gradationis continuatione non satis cohærentia interdum copulantur: Dum enim minutatim & gradatim aliquid additur, & paulatim congestis granis aceruus efficitur, captiosissima tela texitur ad illaqueandum simplices, & imperitos irretiendū. Sed facile retexetur, si ad syllogismi leges membratim referatur: Quemadmodum Lucullus apud Ciceronem, soritem Academicum perpendit, quem primū hoc modo proponit: Sic enim, ait, ascenditis: si tale visum obiectum à deo dormienti ut probabile sit, cur non etiam ut valde verisimile? cur non demū ut difficulter à vero internoscatur? deinde ut ne internoscatur quidem? postremò ut nihil inter hoc & illud intersit? Deinde ita retexit resolvitque: Huc si per-

„ ueneris (ait) me tibi primum quodque
 „ concedente, meum vitium fuerit, si ip-
 „ se tua sponte processeris, tuum. Quis e-
 „ nim tibi dederit aut omnia deum pos-
 „ se, aut ita facturū esse, si possit? quomo-
 „ do autem sumis, ut si quid cui simile
 „ esse possit, sequatur etiam ut difficulter
 „ internosci possit? deinde ut ne vix no-
 „ sci quidem? postremò ut eadem sint, ut
 „ si lupi canibus similes, eosdem dices ad
 „ extremum. Horatius,

Libro 3. *Damnosa quid non imminuit dies?*

carm.

Ætas parentum peior auis, tulit

Nos nequiores, mox daturos

Progeniem vitiosorem.

Sorites aliquando concludit apertius,
 ut tertio Officiorum apud Ciceronem,
 „ Atque si etiam hoc natura præscribit ut
 „ homo homini, quicumque sit, ob eam
 „ ipsam causam, quòd is homo sit, con-
 „ sultum velit: necesse est secundum ean-
 „ dem naturam omnium utilitatem esse
 „ communem. Quod si ita est, vna con-
 „ tinemur omnes & eadem lege naturæ:
 „ idque ipsum si ita est, certè violare alte-
 „ rum lege naturæ prohibemur: Verum
 „ autem primū: Verū igitur & extremū.

P E R O R A T I O S Y L L O G I S M I.

Nulla igitur præter syllogismū disponendi argumenti regula est. In cuius modis omnibus expositis iudicandi ratio duplex ex duplici syllogismi distributione consideranda est: altera in partibus, propositione, assumptione, complexione, quàm veræ sint, an propositio certa sit, an assumptio firma, an quæstio ipsa reddita sit in complexione. In propositione autem & assumptione iudicium naturæ totum est, artis omnino nihil habet. Nulla enim præceptio in dialecticis est, nec esse potest vlla, quæ doceat verum aut falsum esse simplex & solitarium, id est, nulla aliena luce collustratum pronuntiatum. In partibus igitur vt fidē assensionemque mereantur, notiones sua sponte probabiles & credibiles esse necesse est: secus nulla conclusio futura sit. Quòd si de propositione, vel assumptione iudicium naturæ dubium fuerit, eius partis noua quæstio existet, nouoque probanda argumento. In posteriore consideratione iudicij propositionis, assumptionis, com-

plexionis species collocatióque cernitur, an constanter & legitímè dispositæ ordinatæque sint, & ad quem modum conclusæ. In quo natura adiuuatur arte: non enim solùm naturæ lumē est in ea dispositione, sed etiam doctrinæ, quemadmodū in præceptis est explicatum. Quamobrem omnis iudicij principiū in priore cogitatione & meditatione situm est. Primum illud & vnicum fundamentum est, quo reliqua iudicij prudentia nititur: Natura enim ex eo propositionis atque assumptionis abundanti lumine velut scintillā quandam ad illuminandam complexionem arti scēneratur: nec omnino in syllogismo ars admonet aliud, quàm ex duorū legitímè dispositorum manifesta veritate dubitationem propositæ quæstionis tollere: quod quantum sit, quàmque admirabile, non tantūm ex his, quæ produximus, sed infinitis alijs exemplis intelligi potest: in quibus hæc regula demonstrat nihil penè firmum, nihil constans, nihil necessarium, quod tutò sequamur, effici atque concludi. Vnde

fortasse Socrates, & Socratis æmulatores academici ἐπιχλῶ, id est assensionis retentionem induxerunt, quòd veri ac prudentis iudicis esset, tanquam boni agitatoris currum & equos: sic in lubricis locis approbationem & assertionem sustinere, & ab omni lapsu temeritatem continere, quæ tum ridicula & insignis esset, cùm se rebus incertis, aut falsis assensus adiungeret. Quàdo verò pleno syllogismo, quando truncato, quando hoc vel illo commutatis partibus ordine utendum sit, non nouæ artis est, sed huius istius dialecticæ doctrinæ, quam adhuc tradidimus. Quæstio enim ponitur, an sic agendum sit, argumento reperto, perque syllogismi speciem collocato, quæstio iudicatur. Syllogismis plenius nulla ars perpetuò utitur: contra verò nullo perfectò syllogismo contexta perfectaque potest esse quæuis disciplina. Tota ratio ista est rerum, personarum, locorum, temporum: nec vlla noua dialecticæ virtute opus est, sed inuentionis, sed syllogismi præceptis antecedentibus tota est contenta. Ad iudicij

constantiam plena conclusio fortior apud peritos erit, interdum ridicula fuerit apud eosdem, si pars altera notior & clarior erit. Summam igitur esse meminimus videre quid deceat, quid cōueniat. Quod consilium in exposita dialecticæ facultate penitus recōditum est. Atque hæc de syllogismo: quem satis, opinor, percepimus regulam quandam esse auream, qua verè honesta, verèque turpia, verè iusta, verèque iniusta, verè vtilia, verèque inutilia, verè expetenda, verèque fugienda, vera denique omnibus in rebus & falsa iudicentur. Quale iudicium in hominibus penè extinctum est: amore enim, odio, invidia, commiseratione, metu, cupiditate, cæterisque animi fallacibus affectibus quiduis potius æstimamus, quàm vera ratione solidoque iudicio probamus. Excitandum igitur & renouandum verum animi iudicium constantia syllogismi ac veritate constituendum: secus leuitas, error, temeritas erit omnis assertio nostra, non iudicium. De Methodo iam dicendum est.

METHODVS AC PRIMVM doctrinæ.

Methodus, est multorum & variorum argumentorum dispositio: ea duplex est, altera doctrinæ, altera prudentiæ, non quod vtraque prudentiæ non sit, sed quod altera doctrinæ & artis nihil ferè habeat, sed ex hominis naturali iudicio prudentiæque pendeat. Methodus igitur doctrinæ est dispositio rerum variarum ab vniuersis & generalibus principiis ad subiectas & singulares partes deductarum, per quam tota res facilius doceri percipi que possit. In qua tantum illud est præcipiendum, ut in docendo generalis & vniuersa declaratio præcedat, qualis est definitio & summa quædam comprehensio, tum sequatur specialis per distributionem partium explicatio: postremò partiū singularium quo ordine propositæ sunt definitio, & ex idoneis exemplis illustratio. Quod ut facilius dicatur, familiari utar exemplo. Grammaticæ sint omnes regulæ, definitiones, diuisiones repertæ: sint exempla grāmaticæ inuenta, omniæque ve-

rè & rectè iudicata ac æstimata: sint omnes illæ præceptiones tabellis variè disfectis inscriptæ, & mille modis in vna aliqua, vt in ollæ ludo fit, circûuolutæ. Hic quæro, quæ pars dialecticæ me doceat consula illa præcepta componere, & in ordinem redigere. Inuentionis dialecticæ præceptis nihil hîc opus est: Inuenta enim sunt omnia, omnes partes veræ sunt probatæ atque iudicatæ. Syllogismo nihil opus hic erit: quia quid hic verum sit, intellectum iam est & perspectum. Methodus igitur & certa dispositionis via sola requiritur: quâ vnam simplicem doctrina nobis ostendit, vniuersa primùm, generaliâque, deinde specialia & singularia collocantem. Dialecticus igitur hic noster methodi lumine seliget in illa vna grammaticæ primùm definitionem, quia nihil est in omnibus illis præceptis generalius, & primo loco constituet. Grāmatica, est doctrina bene loquendi, benèque scribendi. Tum partes grammaticæ in eodem vase requireret, & secundo post vniuersam definitionem gradu lo-

cabit. Grāmaticæ sunt quatuor partes,
 Orthographia, Etimologia, Syntaxis,
 Profodia. Tum partiū definitionem in
 illo eodem vase separabit, & tertio gra-
 du superioribus connectet. Atque ita
 deinceps ad extremas particulas ab in-
 tegris rebus dispositio descendet, eaque
 via in tradendis artibus vnica seruabi-
 tur. Sed quod facere polliciti sumus, &
 adhuc quoad potuimus, præstitimus, ne
 in excellentissima parte obliuiscamur,
 illustremus exemplis omniū generum
 hanc dialecticæ dispositionis partem.

Cicero de natura deorum breuiter po-
 sitam superioris disputationis summam
 „ sic partitur: Omnino diuidunt nostri Libro 2.
 „ totam istam de diis immortalibus quæ-
 „ stionem in partes quatuor. Primū do-
 „ cent esse deos, deinde quales sint. Tum
 „ mundum ab his administrari: postre-
 „ mō consulere eos rebus humanis. At-
 „ que vti distribuit rem totā, ita suis par-
 „ tibus exequitur. Et pro Quintio admo-
 „ net hac dispositionis ratione se vsurum:
 „ Faciam, ait, quod te sæpe animaduerti
 „ facere Hortensi, totam orationis meæ
 i. iiij.

» dictionem certas in partes diuidam.
» Pro Roscio, Tres sunt res, quantum exi
» stimare possum, quæ obstant hoc tem-
» pore Sexto Roscio, crimen aduersario-
» rum & audacia & potentia: quæ ita de-
» inceps singula vt proposita distributaq;
» sunt, disputantur. Accusationem Ver-
» ris in hunc ordinem mirificè conclusit.
» Primo proponendo summam, tum par-
» tiendo: Quæstor Cneo Papirio consuli
» fuisti abhinc annos quatuordecim: ex
» ea die ad hanc diem quæ fecisti, in iudi-
» ciū voco: hora nulla vacua furto, scele-
» re, crudelitate, flagitio reperietur. Pro-
» positio hinc & definitio summæ rei est:
» Partitio sequitur: Hi sunt anni consum-
» pti in quæstura & legatione Asiatica &
» prætura urbana, & prætura Siciliensi.
» Quare hæc eadem erit quadripartita di-
» stributio totius accusationis meæ. Quas
» partes tum suo quaque loco tractauit.
Cæteris ferè in causis, quatenus condi-
tio naturæque rerum tulit, lucem dis-
positionis huius adhibuit. Poetæ si-
quando diligentius docere aliquid vo-
lunt, materiam propositam diuidūt, &

partes suo quanque ordine dispositas persequuntur. Ovidius in Fastis dispositionis huius gratiam percupidè, & non sine manifesto studio tenuit. Proposuit operis summam primo loco:

*Tempora cum caussis Latium digesta per annum,
Lapsæque sub terras, ortæque signa canam.*

Mox imploratione facta partitionem anni statuit, Romuli primùm (quem reprehendit) in decem menses, mox Numæ perfectiorem in duodecim:

*Tempora digereret cum conditor Urbis, in anno
Constituit menses quinque bis esse suo.*

Et de Numa aliquantò pòst,

*At Numa nec Ianū, nec auitas præterit umbras,
Mensibus antiquis præposuitque duos.*

Tandem primam anni partem, cæterasque deinceps interpretatur, & præfatione indicat incepti ordinis studiū:

*Hac mihi dicta semel totis hærentia fastis,
Ne seriem rerum scindere cogar, erunt.*

Verùm hîc vnum obiter præcipiendum est, non solùm ut distributarum partium ordinem persequamur, sed in singulis expositis & præteritarū rerum & consequentium breuiter admonca-

mus. His enim transitionum notis animus ad intelligendum valde excitatur. Ovidius expositis primi mensis fastis, cūm pergeret ad fastos secundi, ait,
Sed iam prima mei pars est exacta laboris:

Cūmque suo finem mense libellus habet.

Ianus habet finem, cum carmine crescat & annus:

Alter ut it mensis, sic liber alter eat.

Cicero pro lege Manilia cūm disputationem tres in partes distribuisset, ut & de genere belli, & magnitudine, &
 „ imperatore deligendo diceret: Quoniā
 „ de genere belli dixi, ait, nunc de magni
 „ tudine pauca dicam. Et ibidē, Satis mi
 „ hi multa verba fecisse videor, quare hoc
 „ bellum esset genere ipso necessarium,
 „ magnitudine periculosum. Restat ut de
 „ imperatore ad id bellum deligendo, ac
 „ tantis rebus præficiendo dicendum esse
 „ videatur. Sic Virgilius cūm partibus esset opus Georgicon in quatuor partes prima parte exposita, ait,

Haftenus aruorum cultus, & sydera cali

Nunc te Bacche canam.

Transitiones igitur eiusmodi prætermittendę nō erunt: causas enim ma-

ximæ perspicuitatis continent.

METHODVS PRVDENTIAE.

Atque hæc de methodo doctrinæ, quæ quanto præceptis breuissima est, tanto vsu, cum experimur, maxima, grauiissimâq; . Ad methodû prudētię transfundendum nobis est, quæ pro conditione personarum, rerum, temporum, locorû consilium disponendi dabit . Quauis enim superior illa via & ratio dispositionis verissima cōmodissimâq; sit, admonendum tamen illud est, optimis locum non semper esse, nec eam dispositionis lucem perpetuò retineri posse, cū frequenter impediunt, morosus auditor, res quæ docetur odiosa, tempus inimicum, locus alienus: Commodum verò aduocabitur in consilium difficultatis huius, inuentionis, syllogism: que prudentia, cū videre cupiemus quid expediat: nam præter illam antecedentem sapientiæ regulam, infinitæ huiusce varietatis dispositio communis omnium personarum, causarum, locorû, temporum tradi nulla potest: nec enim personarum omniū natura vna est, tot

capita, tot sensus: non vna conditio rerū, quæ minimis sæpe momentis cōmutantur: temporum verò & locorum ratione quid dissimilius, aut quid magis variū cogitari potest? Admonita tamen quædam & exempla, tametsi nulla perpetua & immutabilia decreta, demonstrari possunt, quæ adiumenti aliquid afferant. Aliquando docendæ personæ, quæ doceri tamen nolunt. Itaque dissimulanda summa rei propositio, definitiōque, distributio partium reticenda. Tales ferè sunt sermones Socratis contra sophistas, qui nolent disputatione sapientiores fieri, sed videri. Multæ sunt prudentiæ huius laudes in vno Cicero-
ne. Secunda Agraria insinuatio longa est, quum se popularem fingit, qui ad euertendam tamen populi causam accedit. Idem ad Quintum fratrem in epistola de prætoris officio in administranda prouincia, cū hominem morosum & difficilem nosset, sublatis illis definitionum, partitionūque luminibus, simulat se, quod prudens sciēsq̃ue ageret, imprudenter & inscienter egis-

se: & quum satis commodè præcepisset, ait tandē. Sed nescio quo pacto ad præcipiendi rationē delapsa est oratio mea, cū id mihi propositū initio non fuisset. Sic oratores sæpe de industria partitiones rerū detrahūt, narrationes differunt, refutationes præponunt, & legitimum illum ordinem confundunt. Poetæ cū in omnibus prudentiæ partibus præstantes sæpe sint, tum in hac ratione plerunque sunt admirabiles. Terentiana Thais cū impetrare vellet ab irato amatore Phædria, vt biduum Thrasoni alteri amatori priores partes concederet, longissima insinuatione captauit imprudentis adolescentis animū. Nulla rei huius facta mentione narrauit longo sermone propter quæ vellet impetrare: nihil adhuc Phædria suspicante de exclusionē, tandem cū satis omnia tuta existimat, mitigato prius irati adolescentis animo, magna ex parte etiam reconciliato ait:

*Id amābo adiuta me, quòd id fiat facilius,
sine illum priores partes hosce aliquot dies
Apud me habere.*

In Eunuc.

Tum scilicet extremum posuit: quòd

si nullus affectus obstitisset, initio proponendū fuerat: tam callidè, tam conuenienter iratæ personæ mulier dissimulauit, vt tandē exclamet adolescens, captum se indicans hoc sermone:

At ego nesciebam quorsum tu ires.

Tota sæpe poemata dialecticā istam prudentiam partibus omnibus ostentant. Cū enim poeta magis etiam, q̃ orator docendum populum, id est beluam multorum capitum sibi proposuerit, variis affectibus delectationis, admirationis, indignationis, commiserationis fallit, à mediis incipit, prima medio plerunque loco comprehendit, postrema incerto & inopinato euentu tandē concludit: atque, vt ait Horatius,

In Arte.

*Nec reditum Diomedis ab interitu Meleagri,
Nec gemino bellum Troianum orditur ab ovo:
Semper ad euentum festinat, & in medias res
Non secus ac notas auditorem rapit, & quæ
Desperat tractata nitefcere posse, relinquit:
Atque ita mentitur: sic veris falsa remiscet:
Primo ne medium, medio ne discrepet iunum.*

Sic Virgilius AENEAM a Sicilia excepit, in medio narrantem præterita finxit, postrema variis perturbata casi-

bus induxit. Sic in Comoedia Terentius quanuis summo consiliototam fabulam distinguit in actus & scenas, officia personarum aptè & conuenienter exprimit: efficit tamè vt fortuita atque inopinata omnia videantur.

PERORATIO METHODI.

Quamobrem has dialecticę methodi vias diligenter animaduertere atque intueri res magnas & varias tractantẽ decebit: atque illam imprimis cùm docere discendi cupidos res graues & honestas deliberabit. Quæ tanti Platoni visa est, vt non hominum, sed deorum inuentum esse diceret: eúmque solum (cui lux ista docenti affulsisset) verè, splẽdidèque philosophari iudicaret. Tum verò si fuerit artificiosi illius itineris obstructus aditus, aliam viam vi ingenij, prudentiæque sibi faciet, omniáque naturæ, consuetudinis, vsus, vitæ, exemplorum auxilia vndique comparabit, quoniã doctrinæ præsiidiis destituitur: & tanquam in Oceano tempestate iactetur (quoniam rectum cursum tenere non potest) velificationem mutabit,

& quibus vētis poterit, incolumem nauem ad portum deducet.

M E M O R I A.

Reliqua nobis est dispositionis non noua quidē doctrina, sed certē nec iniucunda, nec inutilis accessio, memoriæ confirmandæ: quæ dispositionis gradus perinde ac vmbra lucente sole corpus sequitur. Vt enim rhetorū omniū præcepta perlegas, quæ de memoriæ arte tradita sunt, nihil ordine certi⁹ & fidelius, nec porro ordinis vllā meliorem doctrinam reperies, q̃ quæ in syllogismo & methodo descripta est: vbi tū vnus, tum multorū argumētorum dispositio clarissimo & constantissimo partiū ordine tractatur. In pleno enim syllogismo propositio, assumptio, complexio est: In longa diuersarū rerum disputatione partitio duorum aut pluriū membrorū, quæ deinceps ordinatim disputantur, vt cū mens huius ordinis artificio instructa, totū rerū corpus ita digestum comprehenderit, singularum partiū sentētiæ memoria facile cōsequatur. Sed de hac vmbra dispositionis satis.

PETRI RAMI

VEROMANDVI

Institutionum Dialecticarum

Liber tertius.

De exercitatione.



DE tribus partibus ad differendum necessariis, natura & ars breviter, sicut erat institutum, sunt expositæ: exercitatio (quæ reliqua est) nobis est identidem paucis attingenda, quæ in actum naturam arte instructam deducat. In qua quantum insit ad bene differendum momenti, dici posse equidem vix arbitror: si quis enim eximiæ pulchritudinis animalia in aulais picta spectaret, atque in ipsa spectandi admiratione cum esset, ea repente excitata prosilirent, quanta iam esset, & quanto perfusa gaudio spectanti lætitia? ita si quis artis tam nobilem, tamque humanitatis propriam descriptio-

k. j.

nem contemplatus, vsum aliquem, viuentemque actum desideret, atque in ipso desiderio doctrinę velut artus animari, suęque sponte moueri aspiciat, protinúsque ita cōparari, vt Palladis alicuius instar occultissimas res aperiat, consulentibus summa prudentia respōdeat, res controuersas disceptet, perturbatis ordinem, obscuris lucem adferat, qua voluptate hæc ipsa contemplantis animus gestiet? qua lætitia exultabit? Hæc porrò miracula nobis exhibebit exercitatio, languentes & sopitos artis sensus excitabit, calore viuētis sanguinis, motuque ratiocinantis spiritus animabit: summa igitur, ac propè sola differendi virtus est in exercitatione. Artis verò præceptis cognitis, & in animo memorięque penitus infixis duplex exercitatio dialectica cōmodè distinguetur, altera in exploratione disputationis iam factę, altera in nouę effectiōne & compositione. Hæc genesis, illa analysis nominetur.

ANALYSIS.

Analysis itaque dialectica, retexta

quædam ars erit, & per eosdẽ progressionum omnium gradus repetita, quæ spectare iubebit velut architectura operis confecti speciem, omnibus ne locis ad legem conueniat, & ideam præceptis monstratam penitus exprimat, omnibûsque omnium partium numeris absoluat. Nomen ἀπο τῆ ἀναλύειν, id est retexere, quod hæc exercitatio quasi Penelope contextam iam telam retexat: quæ diligentia in scriptis alienis perspicendis præcipuam laudem habet. Primum igitur analysis quod explicandum susceperit, à capite retexet opus vniuersum: quæstionem cernet, quæ differenti proponitur, argumenta quibus tractatur, aspiciet: & ad loci vnde sumpta sunt, legem naturamque referet: dispositionem postremò ad propositam regulam comparabit. Proponamus itaque aliquem locum, cuius quæstionem videamus primùm, tum inuentionem, iudiciũque consideremus. sit hic locus Maronis,

*Disce puer virtutem ex me, verũque laborem, A. Enc. 120
Fortunam ex aliis: nunc te mea dextera bello*

k. ij.

*Defensum dabit, & magna inter premia ducet.
Tu facito mox, cum matura adoleuerit atas,
sis memor, & te animo repetentem exempla tuorum
Et pater Aeneas & auunculus excitet Hector.*

Hic igitur adhortationis quaestionem cernamus, quod Ascanius egregium se prestare debeat: cuius ex causis procreantibus & adiunctis argumentum sumitur, quod patrem Aeneam, & auunculum Hectorem habuerit: Syllogismus imperfectus est. Propositio enim deest: attamen ut accuratius aestimetur, perficiendus est hoc modo:

Maiorum claritas excitare debet adolescentes ad laudem:

Ascanius clarissimos maiores habet, patrem Aeneam, auunculum Hectorem:

Excitetur igitur Ascanius ad laudem.

In explorandis propositis exemplis, quae vel lecta, vel audita, vel etiam tantum meditata sint, non solum laudes cernentur, ut propria, perspicua, certa, vera, consentanea concedantur: sed vitia notabuntur, ut aliena reiiciantur, obscura explicentur, ambigua distinguantur, falsa negentur, inconsequentia sus-

pendantur. Horū duo prima alienum & obscurum ad omnes inuentionis, dispositionisque partes attinent: ambiguum & falsum ad inuentionis & syllogismi partes tantum: vt inconsequens ad solam conclusionem.

ALIENVM.

Ergo in argumentis spectabitur primum ne quid alienum sit: frequēter enim imprudentes & inconsiderati homines hīc labuntur: & propria controuersia omīssa res alias agūt: de quo Martialis festiūm est & notum epigramma:

Libro 6.

*Non de vi, neque cade, nec veneno,
Sed lis est mihi de tribus capellis:
Vicini queror has abesse furto:
Hoc iudex sibi postulat probari.
Tu Cannas, Mithridaticūque bellum,
Et periuria Punici furoris,
Et Syllas, Mariosque, Mutiosque
Magna voce sonas, manūque tota.
Iam dic Posthume de tribus capellis.*

Hoc in differendo primum vitium est.

OBSCURVM.

Obscuritas in differendo minore reprehensione non caret: nisi enim argumenta sint & per se clara & clariora
k. iij.

quæstione (quæ tractatur) argumenta
 nulla sunt, cùm nihil arguant, nihil o-
 stendant. Exemplum notabile est apud
 2. de Diui. Ciceronē, Quid enim, inquit, mea caus-
 „ fa me mones, quod non intelligā? Quid
 „ me igitur mones? vt si quis medicus æ-
 „ groto imperet, vt sumat
 „ *Terrigenam, herbigradam, domiportam sanguine*
 „ *cassam,*
 „ potius quàm hominū more, cochleam
 „ dicat. Nam Pacuianus Amphio,
 „ *Quadrupes tardigrada, agrestis, humilis, aspera,*
 „ *Capite breui, ceruice anguina, aspectu truci,*
 „ *Eviscerata, inanima, cum animali sono.*
 „ quum dixisset obscurius, tum Attici re-
 „ spondent, Non intelligimus, nisi apertè
 „ dixeris. At ille vno verbo, Testudo. Nō
 „ poteras hoc igitur à principio cythari-
 „ sta dicere? Obscuritatem Cicero in illis
 definitionibus reprehendit.

A M B I G V V M.

Ex ambiguo non minus periculosa
 fallacia oritur, quàm ex obscuro. Obscu-
 ritas enim efficit, vt nihil intelligatur:
 ambiguitas ostendit sæpe aliud, quàm
 intelligi commodum sit. Martialis de
 Paulo,

Carmina Paulus emit, recitat sua carmina Paul⁹. Libro 2.

Nam quod emas, possis dicere iure tuum.

Illic possessor significatur, quòd emerit: hîc, quòd fecerit. Sic cùm Sextus Annalis testis reum læsisset & instaret, identidem accusator Ciceroni: dic Marce Tulli, nunquid potes de Sexto Annali? versus autem dicere Cicero cœpit de libro Ennij annali Sexto,

Quis potis ingenteis oras evolvere belli?

Hoc vitium commune est omnium argumentorum, ambigux causæ, ambigua effecta, & cætera argumenta ambigua esse possunt. Neque tamen existimari volo omnem disputationē vitiosam, quia nullum ferè vocabulum sit non ambiguum: sed si in eadem oratione dissimiliter idem verbum intelligatur. Cùm autem eiusmodi ambiguitas inciderit, distinctio adhibenda erit. Martialis in Cæcilianum,

Cum dixi ficus, rides quasi barbara verba:

Lib. 1.

Et dici ficos Cæciliane iubes:

Dicemus ficus, quas scimus in arbore nasci:

Dicemus ficos Cæciliane tuos.

k. iiij.

FALSVM, VBI CAPTIONES

& fallacia argumentorum.

Observanda deinceps erunt & singulorum argumentorum vitia propria, unde falsæ rationes oriuntur, ne nō causæ ut causæ, non affecta ut effecta, eodemque modo in cæteris ponantur.

NON CAUSSAE, VT CAUSSAE.

A Sinone fallaces causæ equi fabricati, & in urbem recipiendi finguntur:

AEni. 2. Hanc pro Palladio moniti, pro numine laso
Effigiem statuere, nefas qua triste piaret:
Hanc tamen immensam Calchas attollere molem
Roboribus textis, caloque educere iussit:
Ne recipi portis, aut duci in mœnia possit:
Neu populum antiqua sub religione tueri.
Nam si vestra manus violasset dona Minervæ,
Tum magnū exitiū (quod dy prius omē in ipsum
Cōuertant) Priami imperio, Phrygibusq; futurū.
Sin manibus vestris vestrā ascendisset in urbem,
Ultrò Asiam magno Pelopeia ad mœnia bello
Venturam, & nostros ea fata manere nepotes.
Non causæ ut causæ hic confictæ sunt.

NON EFFECTA, VT EFFECTA.

Effecta plerunque vitiosa similiter assumuntur, tanquam ab aliis profecta causis. Martialis de rhetore,

*Extemporalis factus est meus Rhetor,
Calphurnium non scripsit & salutauit.*

Libro 1.

Salutare enim quempiam nominatim ac memoriter, extemporalis eloquentiæ argumentum nullum est, sed obliuiosi hominis memoriam festiuè Martialis notauit. Quinti Fabij res gestæ extenuabantur ab inimicis, & ouiculæ atque cunctatoris facta dicebantur, cum essent boni & prudentis imperatoris.

CAPTIO EX SVBIE-

ctis & adiunctis.

Sic in subiectis magnus error accidit, in artibus præsertim, quarum nulla ferè suis est contenta finibus. Grammatici non scribendi modò & loquēdi scientiam sibi vendicant, sed etiam potestas enarrandi: quod postremū tamen eius artis alienum est, nec ullū in grammatica traditur præceptum, nec tradi debet de poetis interpretandis. Nam si quid in poetis dialecticum, physicum, ethicum, medicum, historicum fuerit, ex earum artium, non grammaticæ decretis repetendum erit. Rhetores inueniendi, disponendi, ornandi, recordan-

di, pronuntiandi artes suæ disciplinæ subiiciunt: cū sit inuentio, dispositiōq; dialecticorum & memoria siquid artis habeat, dialecticæ dispositionis quēdā sit vmbra. Cēteris in studiis artium vti-
nam non tanta reprehensionis huius materies abundaret vel redundaret potius. Ex adiunctis frequentior error nascitur. Hinc ferē fraudes omnes oriuntur: fuga timoris adiūctum est: magnas tamē victorias imperatores callidi hac fallaci & insidiosa sophismatis simulatione cōsequuti sunt. Hannibal, Romanos ad Trebiam, ad Trasimenum lacū sophistica ista fallacia circumuenit. Thomyris Scytharum regina Cyrum cum ingenti exercitu deleuit. Hinc simulationum penē omnium ac dissimulationum inuolucra nascuntur.

CAPTIOSA DISSENTANEA:

Ex dissentaneis item peccatur: & aliquando iocus aliquis ex hoc errore quæritur. Martialis,

Libro 7.

Omnia Castor emis: sic fiet vt omnia vendas.

Lusit in relatis emere & vendere.

Pinxisti Venerem, colis Artemidore Minervam:

Et miraris opus displicuisse tuum?

Martialis iocando velut repugnātia po
fuit Venerem bene pingere, & cole-
re Miner uam. Libro 5.

FALLACIA COMPARATIONIS.

Ex comparatis sunt etiam suæ ca-
ptiones. Martialis,

Quòd alpha dixi Codre penulatorum, Libro 5.
Tu nuper aliqua cùm iocarer in charta,
Si fortè bilem mouit hic tibi Versus,
Dicas licebit beta me togatorum.

Paria videntur alpha penulatorum, be-
ta togatorum, quia sunt affines alphabe-
ti literæ: cùm illa tamen primum, hac
secundū, aut nihil significemus. A maio-
ribus idem poeta (quid enim vetat plu-
ra ex eodem idonea præsertim & illu-
stria exempla sumere?)

Soluere Pete decem tibi me sestertia cogis, Libro 3.
Perdiderat quoniam Buco ducenta tibi:
Ne noceant oro mihi non mea crimina, tu qui
Bis centena potes perdere, perde decem.

„ Sic Cicero, Hercule verū vt loquamur, 2. ad Atti.
„ subcontumeliose tractatur noster Pu-
„ blius, primū qui cùm in domo Cæsa-
„ ris quondam vnus vir fuerit, nunc ne

„ in viginti quidem esse poterit.

Ex similibus, vt musa est fœminini generis: ergo etiam poeta. Sic Martial.

Libro 8.

*Cùm sitis similes, parésque vita,
Vxor pessima, pessimus maritus,
Miror non bene conuenire vobis.*

FALLACIA NOMINIS.

Ex nominibus infinitæ fallaciæ sunt.
Ex errore notationis illud Martialis est
in *Ædillum*:

Libro 1.

*Gestari iunctis nisi desinis Ædile capris,
Qui modò ficus eras, iam caprifiscus eris.*

Ciceronis apertior est reprehensio
„ in accusatorem Balbi: In qua erat accu-
„ satoris interpretatio indigna responsio-
„ ne, qui ita dicebat, comiter esse commu-
„ niter: quasi verò priscū aliquod, aut in-
„ solitum verbum interpretaretur. Co-
„ mes benigni, faciles, suaues homines ef-
„ se dicuntur, qui erranti comiter mon-
„ strant viam, benignè, non grauatè, com-
„ muniter quidem certè non conuenit.

Notationes vitiosas in grammaticis,
quàm multas videmus? Varronem de-
ridet Quintilianus, Cui non post Var-
„ ronem sit venia, inquit, qui agrū quòd

Libro 1.

„ in eo agatur aliquid : & graculos , quia
 „ gregatim volent , dictos Ciceroni per-
 „ suadere voluit : cū alterum ex Græ-
 „ co sit manifestum duci , alterum ex vo-
 „ cibus auium. Coniugationis magna sæ-
 pe est affinitas cum notatione , & eadē
 generis vtriusque exempla sæpe sunt,
 vt ager,agere: quod vtroque modo fal-
 sum est.

FALLACIA DIS-
 tributionis.

Vitia diuisionis sunt ea ferè quæ re-
 rum omnium, siquid desit, siquid redun-
 det. Prioris generis exemplū est quinto
 AEncidos, vbi ludorū genera quatuor
 proponuntur , classis , cursus , sagitta-
 riorum, pugilum: quintum autem post-
 ea tametsi non propositum describitur,
 certaminis equestris. Locus sic est,

*Prima citæ Teucris ponam certamina classis:
 Quiq; pedum cursu valet, & qui viribus audax,
 Aut iaculo incedit melior, leuibusque sagittis,
 seu crudo fidit pugnam committere castu:
 Cuncti adsint, meritaq; expectent premia palma,
 sic fauete omnes, & cingite tempora ramis.*

Hic ludos quatuor tantū proponit, præ-

ter quos tamē Quintum postea describit. Secundi generis exemplum Cicero notauit in Epicuro libro 2. de Finibus,
„ Quomodo autem philosophus loqui-
„ tur tria genera cupiditatum? naturales
„ & necessarias, naturales & non neces-
„ sarias, nec naturales nec necessarias. Pri-
mū diuisit ineleganter: duo enim ge-
nera quæ erant fecit tria: hoc est, non di-
uidere, sed frangere rem. Qui si diceret
cupiditatum esse duo genera, naturales
& inanes, naturaliū item quoque duo,
necessarias & non necessarias, confecta
res esset. Vitiosum est enim in diuiden-
do partē in genere numerare. Ad quā
diuisionis notam pertinet illa Cicero-
nianæ partitionis reprehensio, de qua
Quintilianus lib. 4. cap. 5, In omni par-
titione (ait) est utique aliquid potentissi-
mū, quod cū audiuit iudex, cætera tan-
quā superuacua grauari solet. Itaque nō
defuerunt, qui Ciceronis illā pro Cluē-
tio partitionem improbarent, qua se
dicturum esse promisit primum, nemi-
nem maioribus criminibus, grauiori-
bus testibus in iudicium vocatū, quā

Oppianicum : deinde præiudicia ab iis esse facta iudicibus, à quibus condemnatus sit. Postremò iudicium pecunia tentatum non à Cluentio, sed contra Cluentium. Quia si probari posset, quod est tertiū, nihil necesse fuerit dicere priora.

FALLACIA DEFINITIONIS.

- » Cic. Illud magis miror, ne ignorans *Philip. 1.*
 » verum iter glorię, gloriosum putes plus
 » te vnum posse, quàm omnes: & metui à
 » ciuibus, quàm diligi malis. quod si ita putas,
 » totam ignoras viam glorię: charum
 » esse ciuem, bene de republica mereri,
 » laudari, coli, diligi, gloriosum: metui vero,
 » & in odio esse, inuidiosum, detestabile,
 » imbecillum, caducum. Sic philosophi cynici falsa definitio apud Martialem notatur:

*Hunc quem saepe vides inter penetralia nostræ
 Pallados & templi limina Cosme noui,
 Cum baculo peraque senem, cui cana putrisque
 Stat comâ, & in pectus sordida barba cadit:
 Carea quem nudi tegit vxor Abolla grabati,
 Cui dat latratos obuia turba cibos,
 Esse putas cynicum deceptus imagine falsa:
 Non est hic cynicus Cosme: quid ergo? canis.*

Libro 1.

E testimoniis porrò quàm multa
sint mendacia, quàm multiplices erro-
res, quàm quotidiana periuria, quid o-
ratio longior exprimenda est? pro tanto
autem vitio non tradenda præcepta, sed
vota faciēda sunt, vt homines potius ra-
tione & veritate, quàm authoritate &
testimonio ad iudicandum moueantur.

DE MAXIMIS QUAE
vulgò nominantur.

Breuitè attigimus exemplis ea vi-
tia quæ virtutibus inuentionis opposi-
ta esse videbātur, nisi fortè de maximis
propositionibus, quæ vulgò nominan-
tur in scholis, aliquid expectemus: quæ
tamen nihil habēt nouæ præceptionis:
Aliquid enim ex artis præceptis habēt,
vt definitionem, aut diuisionem, quod
pro argumēto ad quæstionem proban-
dam sumitur, vt affirmanti mihi artis
huius omnia præcepta ad humanæ pru-
dentia confirmationem referenda esse,
inficiando si contradixeris, tum licebit
vt finis maximam propositionē sumā,
& dicam, omnia ad suū finem referen-

*O miseris iuris imposi-
tos mihi temporis qui mi-
hi indicat nisi autem.
o que inflexione utas
per Principia ignora et
ignorantiam? qui ad
sunt coeli ut ad nidi
ad eum qui potest et dicit.*

da esse: finis autem est propter quem
 hæc ars inuenta est, vt prudentiores &
 constãtiores in ratiocinando simus. Ex
 finis definitione maximam propositio-
 nem sumpsi, & argumentum ex finis
 definitione accepi: In quo nihil artis no-
 uæ existit. Vñtatas autem esse rationes
 has in bonis authoribus non solùm fa-
 teor, sed multis exemplis affirmo. Cice-
 ro in Topicis præceptis tales quasdam
 generales monitiones pposuit. Causa
 quid sit effectum indicat, ait: sic quod ef-
 fectum est, quæ fuerit causa demonstrat.

Atque in comparationis loco maiorũ,
 parium, minorum tales leges dedit.

„ Quod in re maiore valet, valeat in mi-

„ nore. Item, Quod in re minore valet,

„ valeat in maiore. Item, Quod in re pa-

„ ri valet, valeat in re quæ par est. Neque

verò tantum in præceptis hæc argumẽ-

ta posuit, sed in philosophia & oratio-

nibus adhibuit. In Tusculanis contra-

„ riorum legem assumpsit: Quid ait, cum

„ fatentur satis magnam vim esse in vi-

„ tiis ad miseram vitam, nõne fatẽdum

„ est eandem in virtute esse ad beatam?

l.j.

Libro 5.

Contraria enim contrariorū sunt consequentia. Eiusmodi dissimilitudinis legem secunda agraria idem vsurpauit:
„ Audes etiam Rulle mentionem facere
„ legis Sēpronix? nec te ea lex ipsa com-
„ mouet, tales viros illos x x x v Tribuū
„ suffragio esse creatos? & cū à T. Grac
„ chi æquitate ac pudore longissimè re-
„ motus sis, id quod dissimillima ratione
„ factum sit, eodem iure putas esse oportere?
„ Sic in cæteris argumentis ad ipsa confir-
„ manda quædam ex eorum definitione, partibus, adiunctis argumenta sumi possunt: nec inuentionis nouæ quicquam hic est. Nec tantū ad inuentionis partes, sed ad dispositionis quoque ista pertinent. Nam si conclusiones ad constantis syllogismi regulam factæ complexionem suam non probarent, eius ipsius syllogismi definitio in argumenti subsidium veniret. Cicero de Facto, connexi primi proprietatem quandam ad conclusionis confirmationem
„ adhibuit: Si quod, ait, primum in conne-
„ xo necessarium est, fit etiam quod con-
„ sequitur, necessarium. De eodem con-

nexo proprietas est consimilis in Lucul-
 lo: Ipsa enim ratio, ait, connexi cū con-
 cesseris superius, cogit inferius cōcede-
 re. Et idem de finibus secundi connexi *Libro 4.*
 definitionem quādam attigit: Tenea-
 mus illud, ait, necesse est, cū cōsequēs
 aliquod falsum sit, illud cuius cōsequēs
 sit, non posse esse verum. Sic in Natura
 deorum disiuncti syllogismi pronūtia-
 tio quādam ab eodem ponitur: In om-
 nibus disiunctionibus, in quibus (*est aut
 non est*) ponitur, alterutrum verum esse.
 Quamobrē omnes dialecticæ artis par-
 tes & præcepta in argumēta quæstionis
 alicuius trahi possunt: nec tamē nouum
 argumenti genus vllum erit: quæstionis
 enim, de qua agitur, necesse est rationes
 illas, causas, effecta, aut aliquid reli-
 quorum argumentorum esse.

ANALYSIS DISPOSITIONIS,
ac primū de obscuritate orationis.

Analysis vt inuentionis, sic disposi-
 tionis vitia virtutū oppositione specta-
 bit. Ac de syllogismi vitiis ordine, quo
 de virtutibus dictum est, dicamus. Er-
 spiciamus igitur imprimis ne sit alienus

syllogismus, & concludat aliud quàm
propositum fuerit: de quo vitio antea
iam dictum est: deinde ne obscura sit
eius conclusio: quod cùm verbis fit, vi-
tium est grammaticæ, non dialecticæ.
Rebus autem dupliciter obscura fit ra-
tiocinatio, vel quia syllogismi partes
multis rebus interpositis confunduntur:
ideoque propositionis, assumptionis,
complexionis sententia occultatur: vel
quia pars aliqua syllogismi sola ponit-
tur, reliquis de industria prætermis-
sis, ne statui possit, quid hinc efficiatur. Pri-
mi generis exemplū repetatur è secūdo
genere simplicium syllogismorum de
Pythagoræ ratiocinatione: vbi nisi di-
ligenter attendas, vix partes ratiocina-
tionis perspicias. Secūdi generis exem-
plum Cicero in Rulli lege reprehēdit:
» Datur igitur (ait) primū vt liceat eis
» vendere omnia, de quibus vendendis
» senatusconsulta facta sunt M. Tullio,
» C. Cornelio Coss. aut postea, Cur hoc
» tam est obscurum atque cæcum? quid?
» ista omnia, de quibus senatus cēsuit, no-
» minatim in lege præscribi nōne potu

„ erūt? Duæ sunt obscuritatis huius causæ
„ Quirites, vna pudoris, si quis pudor
„ esse potest in tam insigni impudentia:
„ altera sceleris. Hic Cicero sophisma
Rulli coarguit, quòd generalem tantum
propositionem posuerit: in qua occultè
assumptio, complexiòque lateret,
& furtim recondita esset.

AMBIGUITAS.

Ambiguitas in oratione magnopere
vitanda est, vt in argumentis antea
monuimus: ea interdum accidit vitiosa
argumenti, cum partibus quæstionis
dispositione, de quo nunc agitur. Duo
calamitatis ex hac fraude insignia exempla
de duobus regibus commemorantur,
Cræso & Pyrrho. Cræsus Lydiæ
rex Apollinē de bello aduersus Cýrū
Persarum regem cùm consuleret, oraculo
ambiguo falsus est.

Cræsus Halim penetrans, magnam peruertet opum vim.

Credidit Cræsus, cùm Halim Capadociæ
fluuium traiecisset, se hostium
magnam vim peruersurum: peruertit
autem suam, ait in diuinatione Cicero. *Libro 2.*

Pyrrius Epirotarum rex, cū eundem
confuleret Apollinem de bello Taren-
tino cōtra Romanos, similis ambigui-
tate responsi delusus est:

Aio te AEacida Romanos Vincere posse.

Credidit Romanos se victurū Pyr-
rius, victus autem est à Romanis.

CAPTIOSA CONCLUSIO.

Considerādum deinceps erit de to-
ta syllogismi dispositione, quā con-
stanter partes inter se cohæreant. Sæpe
enim non partium falsitas, sed conclu-
sionis inconsequentia refellitur. Cuius-
modi sunt istorum sophismatum:

Quisquis dicit te animal esse, dicit verum:

*Quisquis autem te asinum esse dicit, dicit te esse
animal:*

Quisquis igitur dicit te asinum, dicit verum.

Item illud quod Diogeni obiectum est:

Quod non amisisti, habes:

Cornua non amisisti:

Cornua igitur habes.

Videtur ad leges primi generis sim-
plicis composita prior esse conclusio,
cū tamen argumentum animal, non
generaliter vt doctrina requirit, sed spe

cialiter antecedit maius extremū quæ-
stionis, & secundi exempli propositio
cū specialiter efferatur, eodem in vi-
tio erit: sin generaliter intelligatur, fal-
sa erit. Cornua enim non amisimus,
quæ nūquam habuimus. Stoicum il-
lud Zenonis consecrarium vitiose con-
cluditur:

„ Quod ratione utitur, id melius est, quā quod ra-
tione non utitur:

„ Nihil autem mundo melius:

„ Ratione igitur mundus utitur.

Itaque meritō à Cotta deridetur:

„ Hoc, si placet, iam efficies, ut mundus 3. de Natu-
ra deorum.

„ optimè legere librum videatur. Zeno-

„ nis enim vestigiis hoc modo rationem

„ poteris concludere:

„ Quod literatum est, id est melius, quā quod non
literatum:

„ Nihil autem mundo est melius:

„ Literatus igitur est mundus.

„ Isto modo etiam disertus & quidem

„ mathematicus, musicus, omni denique

„ doctrina erudit^o, postremò philosophus

„ erit & mundus. Clarius etiam vitium

cōclusionis eius intelligetur, siquid ab-

furdus concludas hoc modo:

Denarius maior est senario:

Infito autem numero nihil est maius:

Infitus ergo numerus est denarius.

Tametsi fatis idonea reprehensio est vitioſæ conclusionis, quod ad nullū modū legitimi ſyllogiſmi conficiatur. Vera tamen concluduntur aliquādo diſpoſitione fallaci. Vt apud Perſium:

*Saty. 5. An quifquam eſt alius liber, niſi ducere vitam
Cui liber, ut voluit? licet, ut volo, viuere: nō ſum
Liberior Bruto?*

Sequere diſpoſitionem hanc, errabis aliquando: ut

*An quicquā eſt aliud homo, niſi quod animal eſt?
Equus autem animal eſt:*

Equus igitur homo eſt.

Fallax eſt conclusio. Denique nihil ex omnibus negātibus & ſpecialibus enuntiatis in vllō ſimplici ſyllogiſmo, nihil in primo genere ex propoſitione ſpeciali, vel aſſumptione negata, nihil in ſecundo ex omnibus affirmatis, aut propoſitione ſpeciali, nihil in tertio ex aſſumptione negante, aut generali complexiōe, nihil item omnino ex modifica-

tis contingentibus vel puris, vel mistis
concluditur.

FALLAX CONNEXIO.

Connexis syllogismis quavis non
cōgruentibus ad cōstantiā speciēmque
doctrinæ, multum tamen utimur. Utile
est igitur admonere inconstantes eas
conclusiones esse. Terentius,

-D. cæterum

In Adelp.

Placet tibi factum Mitio? M. non, si queam

Mutare: nunc quum non queo, æquo animo fero.

„ Cic. Etenim si largitionem factam *Pro Mure.*

„ esse confiterer, idque rectè factum esse

„ defenderem, facerem improbè etiam, si

„ alius legem tulisset: cū verò nihil com-

„ missum esse contra legē defendam, quid

„ est quod meam defensionem latio legis

„ impediatur? Ovidius,

2. Trist.

Si quòties peccant homines, sua fulmina mittat

Iuppiter, exiguo tempore inermis erit:

Nunc ubi detonuit, strepituq; exterruit orbem:

Purum discussis aera reddit aquis.

Iure igitur genitorque deum, rectorque vocatur:

Iure capax mundus nil Ioue maius habet.

„ Cæsar apud Sallustiū, Si digna pœ-

„ na pro factis eorum reperitur, nouum

„ consilium adprobo: sin magnitudo sce-
 „ leris omnium ingenia exuperat, his v-
 „ tendum censeo, quę legibus comparata
 „ sunt. Quāuis enim falsa nō sint omnia
 generis huius exēpla, iisdē tamen vesti-
 giis falsum effici, concludique potest: vt

Si arbor equus esset, viueret:

Sed arbor equus non est:

Non igitur arbor viuit.

Propositio assumptioque veræ sunt: cō-
 plexio autem falsa. Proprium autē syl-
 logismi est, certam dispositionē & nun-
 quam fallentem præscribere, vt antece-
 dentibus positis consequentia necessa-
 riò concedenda sint. Rarum est vitium
 connexi ex consequentis assumptione:
 incidit tamen aliquando. Ouidius,

4. Metam. *Quem si cura deūm tam certa vindicat ira,
 Ipse precor serpens in longam porrigar aluum.
 Dixit & vt serpens in longam tenditur aluum.*

Ratiocinatio igitur sic habet:

Si dy statuerūt vindicare Cadmum, fiat serpens:

Sed fit serpens:

Ergo dy statuerunt vindicare.

Fallax est ista conclusio. dic enim,

Si arbor equus esset, viueret:

Sed viuit arbor:

Ergo arbor equus est.

Veris partibus antecedentibus falsa complexio efficitur. Quamquam utroque isto & tollendi antecedentis & retinendi consequentis genere videtur conclusiones firmæ effici, si modò antecedens negetur, consequens affirmetur.

EXEMPLUM REMOTI

antecedentis.

*si sine pace tua, atque inuito numine Troes
Italiam petiere, luant peccata, neque illos
Inueris auxilio: sin tot responsa sequuti
Qua superi, manesq; dabat, cur nunc tua quisquã
Flectere iussa potest, aut cur noua cedere fata?*

*Virgil.
Æne. 10.*

„ Cicero, Quod si licet desinere, si te *Pro Mure.*
„ authore possum, si nulla inertix, nulla
„ superbix turpitudine, nulla inhumanita-
„ tis culpa suscipitur, ego verò libenter
„ desino: Sin autem inertiam fuga labo-
„ ris & desidiam, repudiatio supplicũ su-
„ perbiã, amicorũ neglectio improbita-
„ tẽ coarguit: nimirum hæc caussa est eius-
„ modi, quam nec industrius, nec miseri-
„ cors, nec officiosus deferere possit.

EXEMPLUM RETENTI

consequentis.

Terentius ex sermone Clinix & Cli-

fionis videatur , ea tamen non tam dispositionis genere , quàm rerum co-
hærentia & ratione efficitur. Vtilitas
autem præcipua retexendi syllogismi
est in brevioribus aut longioribus dis-
putationibus , quæ plerunque obscuri-
ores solent esse. Primi generis illa sunt,
cùm syllogismi partes magis compre-
henduntur , quàm distinguuntur, vt in
„ illo Miloniano principio , Etsi vereor,
„ Iudices, ne turpe sit, pro fortissimo vi-
„ ro dicere incipientem, timere, mini-
„ méque deceat, cùm T. Annius Milo
„ magis de reipubl. salute , quàm de sua
„ perturbetur, me ad eius causam parem
„ animi magnitudinem adferre non pos-
„ se. Retexe enim sententiam hîc inclu-
sam, syllogismum hunc inuenies:

*Pro fortissimo viro dicere incipientem, ti-
mere turpe est:*

*Cicero pro Milone fortissimo viro dicere
incipiens timet:
igitur turpe.*

Nec ullus syllogismus simplex est , qui
non possit vna cõnexi syllogismi pro-
positione comprehendi: vt,

Si nemo timidus est liber:

Et omnis avarus est timidus:

Certè nemo avarus est liber.

Eodémque modo in cæteris conclusio-
nibus. Longioris autem disputationis
retexēdæ genus illud sit: vt cū in per-
petuæ ac longæ orationis partibus mul-
tos syllogismos distinxeris, vno summā
totam complectare omnibus detractis
amplificationibus, notatis tamen, si cō-
modum est, capitibus argumentorum.
Sic Milonianam Ciceronis orationem
in vnum conclusionis modum conclu-
sam perspicies.

Insidiatorem sceleratum licet interficere.

vt populi, iudiciorum, senatus, Marij, na-
turalis & humanæ legis autoritas te-
statur: nec senatus, nec Pompeij leges
vllæ reclamant.

At P. Clodius insidiator sceleratus fuit.

Insidias siquidem parauit vtilitate,
odio, improbis moribus, spe impunita-
tis impulsus: quod ipsius & voce & fa-
ctis intellectum est: sceleratum verò
fuisse, in deos atque homines facinora
cuius arguunt.

Clodius igitur iure casus est.

Hac dispositione Milonis defensionem Cicero conclusit hoc modo. Cùm verò poetam, cùm oratorem, cū alium quenuis scriptorem legendum & explicandum sumpseris, totum sic excuties, & in breuem conclusionis alicuius summam comprehendes.

ANALYSIS METHODI.

Eadem etiam analysi in methodo & tota rerum dispositione sequenda est & exercenda. Disputationes omnium generum in oratoribus & poetis, in philosophis ad methodi legem perspicienda: Nec laudabiles tantum, sed etiā viciosæ: quemadmodum Socrates apud Platonem Lysia orationem reprehendit, quòd nihil definiat, nihil partiatur. Qua ex confusione rerū immensa quedam obscuritas existit. Est autē magni erroris non eodem persequi partes ordine, quo proposueris. In quod vitium „ Cicero pro Deiotaro incidit: Reliqua „ pars(ait) accusationis duplex fuit: vna, „ regem semper in speculis fuisse, cū à „ te animo esset alieno: altera exercitum

„ cum cōtra te magnum comparasse : de
 „ exercitu dicam breuiter vt cætera . Hic
 „ partem posteriorem priore loco exequi
 „ tur . Eodem modo Virgilius in exem-
 „ plo partitionis imperfectæ paulò antè
 „ posito lapsus est: tertium enim & quar-
 „ tum membrum conturbato ordine tra-
 „ ctauit:tertium quippe quarto, & quar-
 „ tū tertio loco . Confusio hæc *ὑσερολογία*
 „ dicitur à grammaticis , & in Homero
 „ frequens notatur, vt iam hoc Homero-
 „ co tanquam sanè bello & specioso vitio
 „ Cicero per iocum in epistola quadam
 „ ad Atticū vtatur : vbi cū duas res ita
 „ proposuisset, *Quæris ex me quid accide-*
 „ *rit de iudicio quod tam præter opinio-*
 „ *nem omnium factū sit: & simul vis scire*
 „ *quomodo ego minus, quàm soleā, præ-*
 „ *liatus sim .* Cū inquam duas res ita
 „ proposuisset, ait: *Respondebo tibi ὑσερον*
 „ *πέρσερον ὁμηρικόν.* Tū priore loco decla-
 „ rat, quod posteriore fuerat ab eo propo-
 „ situm . Videndum etiam diligenter . e-
 „ rit vniuersum illud alieni vitium . Tam
 „ enim est in vitio qui resistantem aper-
 „ ta, quàm qui sua sponte sequentem oc-

culta via ducit. Minimè verò necesse est hoc loco commemorare, quàm omnes methodi nomen in ore habeant, quàmque vera methodo utatur ferè nemo. In disciplinis explicandis via vna & simplex est à generibus ad species, ab integris ad partes: quam vix ac ne vix quidem tot annorū seculis vlla in arte adhuc obseruatam videmus. Quamobrem in analysi vitia hæc cernentur, ne aliena, obscura, ambigua, falsa, inconsequentia sint, quæ dicantur. Sed de Genesi iam tempus est ut pauca dicantur: satis enim multa, superque de analysi præcepta sunt.

GENESIS.

Genesis, non est inspectio propositi exempli ut analysis, sed effectio noui operis: quæ meditatio vnam & eandem viam in scribendo dicēdoque sequitur. In scribendo verò prima facillimāque via est imitatio: in qua prouidendum diligenter erit, quem imitemur: cuius similes esse velimus. Tū authoris propositi cū virtutes omnes inuentionis, & dispositionis analyscos lumine per-

m. i.

effectus

spectæ fuerint, quæstio aliqua consimilis earum rerum, quæ ab authore illo tractantur, statuatur & explicetur. Sic enim nō solū excitabitur & acuetur, sed etiam aletur inueniendi disponendique prudētia. Deinde verò nobiscum ipsi certabimus, & argumentum liberū sumemus de quotidianis & popularibus negotiis, & ad communem vitam duntaxat attinentibus: tum causas, effecta, cæteraque argumentorum (quæ licebit) genera è fontibus inuētionis hauriemus. Postremò omnes dispositionis modos simili diligentia exercebimus: modò hac, modò illa specie concludemus, hanc vel illam methodi viam (sicuti res postulabit) ingrediemur. Quod nostris monitis nihil amplius indiget: animo, lingua, manu dūtaxat opus est.

DE MEMORIA.

Dialecticæ exercitationi satisfactum iam nunc esse arbitror. Accessio memoriæ (quam dispositioni fecimus) nobis est adiungenda, suæque exercitatione breuiter ornanda: in qua quia præcepta

nulla noua sunt, quid aliud requirendū
 est, quàm vt exemplo res illustretur? Sit
 igitur puer, qui querimoniam Penelo-
 pes apud Ouidium de Vlyssis absentia
 post euersam Troiam, memoriæ com-
 mendare velit:

Sed mihi quid prodest vestris disiecta lacertis *Epist. 1.*

Ilios & murus, quod fuit ante solum,

Si maneo, qualis Troia durante manebam,

Virque mihi dempto sine carendus abest?

Diruta sunt aliis: Vni mihi Pergama restant:

Incola captiuo qua boue victor arat.

Iam seges est, Vbi Troia fuit: ressecandæque falce,

Luxuriat Phrygio sanguine pinguis humus.

Semisepulta virum curuis feriuntur aratris

Ossa, ruinosas occulit herba domos.

Victor abes: nec scire mihi qua caussa morandi,

Aut in quo lateas ferreus orbe licet.

Quisquis ad hac vertit peregrinā littora puppim,

Ille mihi de te multa rogatus abit:

Quamque tibi reddat, si te modò viderit vsquā,

Traditur huic digitis charta notata meis.

Nos Pylon antiqui Neleia Nestoris arua

Misimus: incerta est fama remissa Pylo.

Misimus & sparten, sparte quoque nescia veri

Quas habitas terras, aut Vbi lentus abes:

Vtilius starent etiam nunc mœnia Phœbi,

m. ij.

Iraſcor votis, heu levis, ipſa meis.

ſcirem vbi pugnareſ, & tantum bella timerem,

Et mea cum multis iuncta querela foret.

Quid timeam ignoro: timeo tamen omnia demens:

Et patet in curas area lata meas.

Quacumq; equor habet, quacumq; pericula tellus:

Tam longa cauſas ſuſpikor eſſe mora.

Hunc totum locum cum viderit puer
primo connexo ſyllogiſmo comprehen-
ſum, partes ſingulas notabit: earumque
præcipuas exornationes: propoſitionem
igitur aſpiciet initio in quatuor primis
verſibus poſitam:

Sed mihi quid prodeſt veſtris diſſecta lacertis

Ilios, & murus, quod fuit ante ſolum,

ſi maneo, qualis Troia durante manebam,

Virque mihi dempto ſine carendus abeſt?

Deinde ſequitur ex diſſentaneis abſen-
tiæ amplificatio nondum poſitiæ aſſum-
ptionis: At tu abeſ, & quidem nimium
diu, quia cæteri redierunt, tu ſolus abeſ
tam multis poſt deletam Troiam tem-
poribus: vbi ſex ſunt verſus:

Diruta ſunt alii, vni mihi Pergama reſtant,

Incola captiuo qua bone victor arat:

Iam ſeges eſt, vbi Troia fuit reſecanda que falce,

Luxuriat Phrygio ſanguine pinguis humus.

*Semiseputa virum curvis feriuntur aratris
Ossa, ruinas occulit herba domos.*

Duodecimus versus habet assumptionem auctam maiori: nō modò abes, sed sic abes, vt scire nequeā vbi lateas: quod exaggeratur factis Penelopes, interrogo, scribo, mitto in omnes orbis partes, nec quicquam de te audio: decem sunt hic versus:

*Victor abes: nec scire mihi quæ caussa morandi,
Aut in quo lateas ferreus orbe licet.
Quisquis ad hæc vertit peregrinā littora puppim,
Ille mihi de te multa rogatus abit:
Quamque tibi reddat, si te modò viderit vsquā,
Traditur huic digitis charta notata meis.
Nos Pylon antiqui Neleia Nestoris arua
Misimus: incerta est fama remissa Pylo.
Misimus & spartem, sparte quoque nescia veri
Quas habitas terras, aut vbi lentus abes.*

Conclusio tandem vicesimoprime secundoque versu per contrarium significatur: duo tantum sunt versus:

*Vtilius starent etiam nunc mœnia Phabi:
Irascor votis, heu levis, ipsa meis.*

Sed & ipsi conclusioni amplificatio accedit ex adiuncto, quod ipsum ex repugnantibus augetur: sex sunt versus:

m. iij.

scirem ubi pugnaret, & tantum bella timerem:

Et mea cum multis iuncta querela foret:

Quid timeam ignoro: timeo tamen omnia demēs:

Et patet in curas area lata meas.


Quacūque aquor habet, quacūque pericula tellus,

Tam longa causas suspicor esse mora.

Quamobrem cū hac interpretationis diligentia, puer totam sententiam distinxerit, vel à diligenti præceptore distinctā acceperit: & ex octo & viginti versibus quatuor propositioni, sexdecim assumptioni, octo conclusioni tribuerit, hac syllogismi descriptione non solum partes, sed partium quoque sententiam sibi repræsentabit. Nam cū scierit hīc primo loco propositionem, secundo assumptionem, tertio conclusionem esse: sciet itidem ex cogniti syllogismi legibus, quæ vis cuiusque partis esse debeat, quinetiam hac ratione facillimè *φαντασας* animo concipiet: per quas imagines rerum absentium ita subiiciet animo, ut cernere oculis, ac præsentibus habere videatur. Ut in hoc exemplo occurrent antiquæ urbis ruinæ, agricolæ, ossa, nautæ, mulier sollici-

tè interrogans, tabellarij, bella, naufragia, cædes: In orationibus autem disputationibusque longioribus ediscendis, methodi dispositio similem commoditatem præbebit. Nam tum definitiones distributionesque vniuersas tâquam digitos in manu, tum deductos velut articulos definitiones distributionesque singulares sequemur: omniumque numerum tanto facilius habebimus, quanto est methodi ordo syllogismi ordine nescio quomodo familiaris magis, magisque naturalis. Exemplum de nostris institutionibus commodissimum hîc erit, vt dialectica sui ipsius imprimis memoriam confirmet: quæ aliis opem confirmandæ memoriæ polliceatur. Figuretur igitur hîc primis rerum notis artis dialecticæ summa, & vniuersa partitio: quæ (quod dicimus) oculis etiam spectandum proponat.

m. iiij.



Itaque partitis hoc modo distributisq;
 rebus, vt verborum quoque contextus
 facilius ediscatur, qui ab arte auxiliij ni-
 hil admodum capit: nisi fortè quòd res
 ordine distributæ sua vocabula secū ra-
 pient: ac, vt Horatius ait,

In Arte.

Verbaque prouisam rem non inuita sequentur.

Accedat si placet meditatio, vt per par-
 tes paulatim memoria ducatur: quine-
 tiam modica voce in meditādo animus
 excitetur: vt duplici motu dicendi &
 audiendi memoria iuuetur, tum certè
 si qua ratio memoriam possit adiuuare,
 illa dispositionis admonitio iuuabit: li-
 cebitque philosophis & oratoribus (qui
 locis & imaginibus artem quādam me-
 moriæ confinxerunt) per nos quidem
 valere: nihil enim pollicentur, quod nō
 vberius multò, faciliusque teneamus.
 Aiunt enim ordinem prodesse memo-
 riæ: sed externis & commentitiis eum
 signis & simulachris instruunt: nos or-
 dinis rebus ipsis insiti doctrinam certif-
 simam, rerumque verissimas imagines
 adhibemus. Illi verborum memoriam
 infinitate formarum conturbant, dum

ropter singula verba ad singulas species est respiciendum: nos hanc partem rerum compositione & colloca-
(quātum natura fert) adiuuamus. Quapropter quicquid est, quod ad confirmandam memoriam doctrina possit efficere, id totum dispositionis dialecticæ doctrina præstabit.

PERORATIO OPERIS,

Quamobrem propositis artis, naturæ conuenientibus institutis, & exercitationis meditatione descripta, habemus adumbratam quandam dialecticæ virtutis imaginem, dignitatem dicere de re tanta nō audeo. Maior enim quædam huius facultatis vis est, quàm vulgò existimari solet. Hic imperij amplissimi atque vniuersum terrarum orbem communibus legibus administrātis simile quiddam mihi videre videor: tametsi enim multæ prouinciæ, variæ regiones, dissimiles præfecturę in illo sint imperio: omnes tamen iisdem legibus gubernantur. Alius in Asia præfectus, alius in Aphrica, in Europa sit alius, & variis insignibus titulisque nomen-

tur Asiaticus, Aphricanus, Europeus:
 generales tamen leges omnibus æqua-
 biliter propositæ sunt, quibus respubli-
 cas sibi commissas & traditas moderen-
 tur. Ita cùm sit vna rationis virtus &
 natura, qua res omnes explicantur: licet
 subiecta materies, in qua versatur & ex-
 ercetur, varias in partes diuersasque se-
 cta sit, pars alia Mathematicis, alia natu-
 ris rerum, alia moribus hominum, alia
 aliis circumclusa: omnes tamen com-
 munitibus dialecticæ præceptis inueniē-
 di, disponendique continentur ac tra-
 ctantur. Et licet in distinctis dissimiliū
 generum finibus moderandis & consti-
 tuendis varia hominum ingenia occu-
 pentur, variisq; idcirco nominibus ap-
 pellentur, grammatici, rhetores, poe-
 tæ, historici, arithmetici, geometræ, mu-
 sici, astrologi, physici, ethici: lex tamen
 vna ratioque dialectica tum cogitandi,
 tum disponendi poposita est, qua res si-
 bi subiectas interpretentur. Itaque vt
 communionem illam dialecticæ ad res
 omnes pertinentem breuiter indicare-
 mus, nulla quidem à physicis, mathe-
 maticis, aut reliquis maiorum discipli-

narum studiis exēpla petiuimus, quod
persuasum omnibus esset apud earū do-
ctores artium, summū dialecticæ splen-
dorem esse: nec eorum tamen exempla
ad illustrandam dialecticam satis esse
idonea, cū sint posterioris & postea
perceptæ cognitionis. Verū ē simpli-
ci prudentiæ communis vsu (qui cæteris
in rebus arte nulla comprehensis ver-
satur) omnium dialecticarum laudum
testimonia sumpsimus: atque ea quidē
quā maximē potuimus insignia. Poe-
tas enim & Oratores, id est, claros & il-
lustres communis illius sensus, & huma-
næ prudentiæ testes in singulis doctri-
næ locis adhibuimus: qui cū dialecti-
cam non solū in priuatis doctorū
hominum scholis, verū etiam in iudi-
ciis, in senatu, in concionibus, in thea-
tris, in omnibus denique humanæ vitæ
partibus vigentē florentēque demon-
strauerint, tum facile singularem hunc
rationis fructū, omnium hominū com-
munem esse vindicabunt: popularique
illa sua non solū sapientia, verū etiam
suauitate & elegātia maiores certē vir-
tutis huius amores excitabunt.

F I N I S.



PARISIIS,
EXCVDEBAT MATTHAEVS
DAVID 8. CAL. DECEMB.

1550.



Handwritten text, likely bleed-through from the reverse side of the page. The text is illegible due to fading and blurring.

A. uniuersa' affirmata
C. uniuersa' negata
I. speciale' affirmata
O. speciale' negata



REST. LIBRO ANTICO
Cav. Giovanni E' Giacomo
Tel. 71550 - PESCARA

1975

